

CENTRALE V. E. II



Ex Bibliotheca
majori Coll. Rom.
Societ. Jesu

364

1
6
D



62

ATYI



VITA
PATRIS GONZALI
SYLVERIÆ, SO-
CİETATIS İESV

Sacerdotis,

In urbe Monomotapa martyrium passi.

C.A. P.

per. Dem.



LVGDVNI,

Sumptibus Horatij Cardon.

M. DC. XII.

CVM PERMISSV SUPERIORVM.


B. C.

VITA
H. J. J. J. J.

VERIA, SO-

Cardon

Handwritten notes and signatures



Handwritten text: Cardon

Handwritten text: VERIA

Handwritten text: R.C.



CLAVDIO

AQVAVIVÆ

SOCIETATIS IESV

Præposito Generali.



FFERO tibi, P. O.
Gonzalum Sylve-
riã, Societatis no-
stræ decus eximiu;
suis illum quidem,
non tamen plane
expressum, sed tantum adumbra-
tum coloribus. Multa enim vivens
egit, multa moriens, quæ si fuissent
memoriæ tradita, magno nobis so-
lacio esse possent & exemplo: ve-
rùm per incuriam eorum, quibus
cum vixit, non mediocri ex parte

A 2 in

E P I S T O L A

in obliuionem abiire. Hoc gentis nostræ, hoc est, Lusitanorum genuinum vitium est (quæ fuit aliorum iusta de illis iam ante me querimonia) quàm sunt ad agendum prompti; tam sunt ad scribendum tardi; ac si nihil intersit posterorum nosse, quid ipsorum maiores præclare gesserint, vt & pia recordatione grati illis esse queant, & eorum viuendi rationem intuentes, vitam quoque ipsi laudabiliter instituunt suam. Me verò ab historiæ, & humaniorum literarum occupationibus alienissimum, vt hunc susciperem, quanquam exiguum, scribendi laborem, non inuitauit solum, verumetiam pænè coëgit singularis quidam iam inde ferè à puero in Gonzalum affectus. Quo enim tempore, annum ætatis agens circiter decimum quartum, Societatis

DEDICATORIA.

tatis Iesu institutum in Conimbri-
censi Collegio amplexus sum, de
re fermè nulla frequentior, quàm
de Gonzalo erat inter socios ser-
mo. Excitabant ad id, præter eius
martyrij nuntium ex Æthiopia
non ita pridem allatum, clarissima
virtutum opera, quorum halitu ad-
huc illa Collegij tecta & parietes
calebant. His me tum colloquiis
permotum, ita deinceps sanctissimi
viri memoria deuinxit ac tenuit;
vt casu quodam oblatam nunc e-
ius vitæ describendæ occasionem
non putarem esse prætermitten-
dam. Cæterùm cur istud, quidquid
operis est, offeram tibi, haud meri-
tò quis à me quærat. Cui enim po-
tius, quàm illi, quem communem
parentem agnoscimus, offeramus
nostra? Hæc causa cuius, vt opinor,
satis. Sed (dicam simpliciter) aliæ

E P I S T O L A

me mouent longè potiores; inter
 quas animus iste tuus, ad omne ge-
 nus pietatis ita propensus, vt quæ
 modo aliquo pietatem olent, ea ti-
 bi præ ceteris curæ & cordi esse, ne-
 mo non videat. Illa quoque non
 minima est, quòd nulli videantur
 aptius offerri posse Euangelici præ-
 dicatoris egregia facinora, quàm
 illi, qui ex insigni in Religionem
 affectu, ad hæreticos & schismati-
 cos, ad Mahumetanos & Gentiles
 per Europâ, per Africâ, per Asiam,
 per orbem nouum, per terrâ denique
 vniuersam, tot tamque lectos, non
 annis tantum singulis, sed quoties
 per annum opportunitas se offert,
 prædicatores destinat, maxima rei
 Christianæ gloria & emolumento.
 Alias causas præterco, quia neque
 modestia tua illas libenter audiet,
 aut leget, neque mea, qui ab adula-
 tione

DEDICATORIA.

tione longissimè naturâ absum, si-
ne vultus rubore mihi scribere per-
mittit. Accipe interim has Gonzali
nostri, vt ita dicam, vmbas, quas
alij postea exemplo meo, vt spero,
permoti, conquisitis diligentius e-
iusdem Gonzali rebus feliciter illu-
strabunt.

A

4

Clav

Non

*Claudius Aquaviva, Societatis
Iesu Præpositus Generalis.*

CV M vitá P. Gondisalui Syl-
uerij, à P. Nicolao Godigno
nostræ Societatis latine compo-
sitam, tres eiusdem Societatis Sacer-
dotes, quibus id commisimus, reco-
gnouerint; ac in lucem edi posse
probauerint; facultatem concedi-
mus, vt typis mandetur, si iis ad
quos pertinet, videbitur. In quorum
fidem has literas manu nostra sub-
scriptas, & sigillo nostro munitas
dedimus Romæ 8. Decembris
1611.

Claudius Aquaviva.



VITÆ GONZALI
SYLVERIÆ SOCIETATIS

IESV SACERDOTIS, IN

urbē Monomotapa mar-
tyrium passi,

LIBER PRIMVS.

*Vbi, à quibus ortus, qua ratione
in pueritia institutus.*

CAPVT PRIMVM.



AMERINVM in Lusitania op-
pidum est Tago flumini vici-
num, ad eam pertinens regio-
nem, quæ Transtagana dicitur;
quinque circiter & quadragin-
ta passuum millibus, orientem
versus, Olysi pone distans. Huc olim reges Lusi-
tani hiberno tempore soliti erant per aliquot
menses transferre domicilium; quòd locus pro-
pter vicinos saltus, & ferarum abundantiam,
venationi sit aptissimus. Sequebatur reges no-
bilitas, vt fit; atque ex ea imprimis illi, quibus

A 5 ali

aliquod erat in regia curia officium. Hæc causa fuit, cur in eo oppido primam lucis vsuram hauferit Gonzalus Sylueria, excellens Christi Martyr, de quo nunc scribere instituiamus. Natus est ex illustribus parentibus, anno salutis humanæ c. 10. 10. xxvi. Pater illi fuit Ludouicus Sylueria, Sorteliæ comes, regis custodiæ præfectus, quod munus ut eximia apud Lusitanos fidelitatis indicium est, ita præcipuo quodam habetur in honore. Matrem habuit Beatricem Noroniam, Ludouici vxorem, & Ferdinandi Cottinij Lusitanici Imperij Marefcali filiam, nulla re viro imparem. Decem Beatrix Ludouico filios peperit. Natu vltimus Gonzalus fuit; qui ut olim Beniaminus ille Racheli, ita ortu suo Beatrici matri interitum attulit; quasi quæ talem ediderat fœtum, nihil haberet amplius, quod posset pro dignitate edere, ideóque excederet è viuis. Illud de Gonzalo proditur memorabile quòd tertio ante ortum die, vtero adhuc inclusus, matris viscera vagitibus impletit, communem præoccupans hominum conditionem, quos in ipso statim vestibulo vitæ natura abiicit ad lacrymas. Enimuerò præcox ille infantis ploratus id videtur significasse, quod postea in eo adulto est obseruatum. Eam quippe tenuit viuendi rationem, ut non modò ex humanis rebus, quas alta quadam animi celsitudine, & constantia semper despexit, nullam perciperet oblectationem; sed etiam ad deplorandas huius vitæ misérias, & mortalium scelera assiduo fletu prosequenda natus esse videretur. Editus in lucem statim matre caruit,

ruit, vt dictum est. Non multò post, in tenera
 admodum ætate, patrem quoque amisit. Vtro-
 que igitur parente orbarus, Philippæ Vigleniæ
 forori, quæ Ludouico Aluaro de Tauora Moga-
 durij dynastæ in matrimonio erat, pænè infans
 adhæsit. Atque hic, vnà cum Aluaro fratre, vt in
 ampla & bene morata domo, splendide & ho-
 nestè educatus est. Cùm verò iam tunc in illo
 multa conspicerentur præstantissimæ indolis
 indicia; tum vel maximè quoddam eximiæ vir-
 tutis in viro futuræ specimen eminebat. In pue-
 ritia enim non crepundia, non puerilia ac ludi-
 cra sequebatur, more puerorum; in adolescen-
 tia, non equitatione, non aucupio, non corporis
 ornatu, non huiusmodi aliis, quibus ea capitur
 ætas; sed sanctorum librorum lectione, recita-
 tione precum, eleemosynarum erogatione, rebus-
 que talibus delectabatur. In pauperes, & cala-
 mitosos aded erat propensus, vt magno semper
 studio eorum causas ageret, à suis per se petens
 & colligens stipem, qua posset eorum miseriis
 vtcunque succurrere. Pacem iam tunc sic ada-
 mabat, vt si quando sciret, aliquos esse pueros,
 qui vlla ex causa inter se dissiderent, eos quam-
 primum in pristinam amicitiam, & familiarita-
 tem reducere curaret. Nec erat inanis labor; sic-
 ut enim inter æquales splendore generis, &
 morum probitate præstabat; ita apud eosdem, vt
 in ea ætate, tantum auctoritate valebat, vt eius
 monitis, & consiliis facilè omnes acquiescerent.
 Cùm quis ex egenis & infimæ sortis puerulis in
 morbum incidebat, quominus ipsum per se in-
 uiseret


uiferet, & aliquod ad replendum morbum siue pecuniz, siue rei alterius subsidium ferret, neque ægrotantis humilitate, neque tenuitate fortunæ, neque vilis tecti sordibus deterrebat. Induci nunquam potuit, vt vinum biberet; à quo etiam vsque ad mortem semper abstinuit. Estque illud hac in re non iniucundum scitu; quòd ad septimum ferè ætatis annum (quo tempore dentium in hominibus fit mutatio, primisque deciditibus sufficiuntur noui) quando illi dens aliquis extrahebatur, vt locum cederet venienti, rogatus vt tantum os ablueret vino, quo solidius nouum dentem gingiua constringeret, adeò in proposito constans persistebat, vt impensè negaret, vlla vnquam ex causa ab eo se discessurum. A mendaciis, quæ solent esse puerili ætati familiaria, sic abhorruit, vt ne per iocum quidem, quidquam proferret, quod crederet à veritate alienum. Iam enim tunc, doctore Numine, agnoscebat, vilis & abiecti animi esse, quacunque de causa falsa pro veris dicere; cumque mentiri per se turpe sit, tum verò nobili viro, cuius magnum ornamentum simplex veritatis assertio est, multo esse turpissimum. Contigit, vt nescio quid puerile Aluarus & Gonzalus de communi sententia commiserint, ad Tauoram sororis virum, sub cuius tutela & disciplina erant, res delata est. Vocati ab ipso vt de facto redarguerentur, Aluarus vitioso quodam pudore quidquam se fecisse pertinaciter negauit; Gonzalus contra honesta ingenuitate subito rem, vt gesta erat, confessus, se reum agnouit

agnouit. Hic verò Tauora, vir eximie prudens, tam facilem vnius confessionem, tam constantem alterius negationem æquè admiratus, vtri esset credendum, tantisper dubius hæsit. Tum iram vultu simulans, & ad Gonzalum conuersus, Itane, inquit, bone vir? Non fuit satis fecisse malum, sed illud quoque addendum, vt te eius auctorem tam inuerecundè, tamque impudenter faterere? Me verò, mi domine, ait Gonzalus, facti quidè non modò pudet, verum etià pœnitet: multò tamen magis inuerecundum me, atque impudentem crederem, si mendacij culpam facto adiicerem, vellemque turpi negatione debitum supplicium deprecari. Quid à perfecto viro dici poterat sanctius, aut prudentius? Hæc quidem diuini Spiritus occulta vis est, cuiuscunque in animum peruadit, eum sic erudit, vt in renerrima etiam ætate, super senes intelligat. Prima legendi, & scribendi rudimenta domi edoctus à Tauora missus est ad Franciscanos, ab iis vt Grammaticam doceretur. Habebant hi monasterium, cui à sancta Margarita nomen, haud longè à Mogadurio, ex altera Durij parte in Castellæ finibus situm. In eo Gonzalus à religiosis illis patribus Latinæ Grammaticæ simul, & virtutum initiis imbutus arcum pietatis, ac veræ submissionis iter, quod erat postea alto & excelso animo peracturus, cœpit agnoscere. sic aspera illa ac planè difficili viuendi ratione est delectatus, vt rerum earum, quibus apud suos blandè & deliciosè tractabatur, desiderium penitus memoriâque deposuerit. Dum in eo mor-

na, ste

nafterio fuit, cum à domo sororis non longè ab-
 efferet, rarò ad eam ventitabat. Quanta autem ar-
 deret discendi cupiditate, ex eo perfipici potest,
 quòd studij causa bonam noctis partem duce-
 bat infomnem. Eòque interdum vigilans puer
 in fuas illas literulas incumbendo progrediebatur,
 vt cubicularius feruus, cuius opera dum cu-
 bitum ibat, in præparando lecto, & exuendo
 corpore vti solebat, expectando defessus, somno
 succumberet; quem ipse, cum à studio ad cubi-
 culum se colligebat, dormientem reperiens; ne-
 molestè expergefaceret, sic vt erat vestitus, ac
 sedens, quidquid erat noctis reliquum, modico
 somno capto peragebat. Itaque in his, cæteris-
 que in rebus eo se modo Gonzalus puer gere-
 bat, vt religiosi patres tantam in tam teneta æ-
 tate constantiam, in tam delicato corpore se-
 ueritatem, in tam alieno tempore industriam
 oculis animoque lustrantes, planè obstupescer-
 rent. Illud tandem de Gonzalo compertum est,
 in tota pueritia eam seruasse animi moderatio-
 nem, vt quod est in magnis viris perrarum, ne-
 minè vnquam, neque ex suis, neque ex alienis re
 aut verbo velleuiter offenderit.

Ad per



Ad persequenda literarum studia Conimbricam missus, Societatem Iesu ingreditur.

C A P. II.

VBI Gonzalus decimum septimum attigit ætatis annum, à comite Iacobo Sylueria fratre maximo, paterni status hærede, Conimbricam mittitur, vt cœpta studia persequatur. Dum in ea Academia fuit, in qua magno cum fructu annos aliquot insumpsit, in celeberrimo illo habitauit regularium canonicorum cœnobio, quod à sancta Cruce nuncupatur. Qui locus ipsi erat & ad vitanda hominum commercia, quod maximè optabat, & ad exercenda virtutum literarumque opera ex animi sententia peraccommodus. Optimis igitur moribus & disciplinis animum diligenter excoluit: atque in eo amplo & ancipiti Lusitanæ iuuentutis theatro, omnibus scholasticis, præsertim nobilibus, castimonie, modestie, pietatis, atque vt vno verbo dicam, vitæ cuiusdam verè Christianæ, hoc est, immaculatæ ac puræ rarum præbuit exemplum. Fuerat non ita pridem Ioannis tertij Lusitanorum Regis munificentia, & liberalitate extructum Societati Iesu Conimbricæ Collegium, in qua perpauci tunc socij, atque ij magna ex parte non tantum laici, sed etiam alienigenæ, & adeò nullo habiti in pretio, vt nomine

mine ridiculo Franchinotes vulgò dicerentur. Sic à Lusitanis appellari solent viles quidam, & pauperes ex Septentrione homines, qui rerum egestate in patria oppressi, ad externas se gentes conferunt; vrbesque & oppida pererrantes in conditis cantibus plateas implent, victum ostiatim emendicando. Tales propemodum erant eo tempore illi ipsi societatis homines, qui Conimbricense Collegiū primi incoluere, Ignori, ad speciem, viles, nulla literarum, nulla nominis vllius commendatione clari, rebúsque iis, quæ popularem beneuolentiam captare solent, ita destituti, vt ne vnus quidem apud eos esset, qui posset cōmodè apud populū habere de rebus diuinis concionem. Vno tantū vitæ exemplo erant clarissimi. Atque hoc vno sic in animos Academicorum penetrarunt, vt eorum plurimos, qui in tota Conimbricensi Academia generis claritate inter ceteros præstabant, ad sui imitationem, ad idēque institutum amplectendum pertraxerint. In his fuere Gonzalus Sylueria, de quo agimus, Rodericus Menesius, Leo Henriquius, Ludouicus Gonzalus de Camera, pluresque alij ex prima regni nobilitate, ipsisque Lusitaniæ, & Castellæ Regibus coniunctione sanguinis propinqui, quos & alij honestissimi viri grauitate, & literis præcellētes secuti sunt. Vbi Gonzalus in societatem receptus est, quamprimum hominum ex oculis ac luce sese abripere statuit. Cumque certò sciret, grauissimū sibi suis cū fratribus, & propinquis de societatis ingressu certamen futurum, nisi eorum conspe

conſpectum atque impetum declinaret; ſuperiorum conſenſu in locum ſeceſſit multis Conimbricâ leucis remotum. Ibi dies complures ſecum ipſe, cumque Deo ſolus agens, ſpiritualibus ſe meditationibus diligenter exercuit, agitâs animo, quàm ſit fallax, quàmque inconfans humana vita; quantis res mortalium fraudibus inuoluâtur; quàm nullo in pretio habenda ſint, quæ plerique magni æſtimant, quorumque cupiditate irretiti in perniciem miſerè trahuntur. Multa inſuper euoluens de pulchritudine diuina, de ſempiterna felicitate, de fidei noſtræ myſteriis; multa denique de Chriſto Opt. Max. humanæ libertatis vindice, quem vnum deſtructo vetere homine arctiſſimè amplecti exoptabat.



*Circa ſuſceptum vitæ inſtitutum gra-
uiter oppugnatur.*

C A P. I I I.

HÆc tam diuturna, tamque longinqua Gonzali ſeceſſio Comitem fratrem, ceteroſque propinquos valde tenuit ancipites. Nul- lum interim non mouerunt lapidem, vt quo eſſet terrarum loco, quidve ageret, agnoſcerent: ſed fruſtra, ita Societatis Patribus rem celantibus, ac ſi omnino eſſent ignari. Verùm ſimulat- que Conimbricam rediit, delatumque ad pro- pinquos eſt, illum in Societatis Collegio eſſe; cò
B prot

protinus, veluti facto agmine, accurrunt omnes; atque vt eius sibi videndi & alloquendi copia fiat, vehementer contendunt; idque vt sine vlla dubitatione obtineant, literas superiori offerunt super ea re datas à Rege. Repelli eorum petitio non potuit, regia præsertim auctoritate suffulta. Prodit in medium Gonzalus, & hinc inde impetentium iaculis exponitur. Multa Comes, multa cæteri propinqui contra nouum illud, quod erat amplexus, instituti genus liberè effutiunt. Benignè primùm ac blandè agunt, seuerè deinde ac minaciter. Pollicentur magna, si susceptum consilium sapienter deserat. Minantur grauius, si pertinaciter retineat. Igitur quàm blanditiis, quàm minis constantem animum à proposito reuocare nituntur. Aderant quoque Religiosi viri iniqua Comitis Iacobi miseratione commoti, qui sub specie pietatis negotium aggressi, eo Gonzali firmitatem oppugnant fortius, quo agunt fraudulentius. Hæc verò eorum ferè oratio fuit; Attendat diligenter, quid agat, quàmve inire tentet viuendi rationem. Haud semper recta esse, quæ videntur; Deoque placere non posse, quæ temerè fiunt. Ne religiosum capessere debeat institutum, causam esse per se magnam ac planè iustam, si frater, quem parentis loco habeat, si propinqui (qui verò & quales viri) molestè id ferant; sciat autem eos id ferre molestissimè. Quòd si tanta in ipso sit religiosè viuendi cupiditas, vt omnino velit suos derelinquere, iisque inuitis ac repugnantibus intra priuatos alicuius cœnobij parietes, vbi viuat

in

inglorius, sese abdere; alios esse religiosorum ordines antiquos ac nobiles, ex quibus vnum aliquem deligere queat dignitati suæ aptiorem; societatis familiam & nouam esse, & ignobilem, sibi que ac suis similibus minimè congruentem. Non est passus Gonzali animus diuini amoris facibus mirificè incensus, atque ad humillima quæq; & abiectissima pròptissimè, tam friuolas, tamque ineptas rationes longiùs protrahi. Plura parantes dicere, sic interpellat: Quid ignobilitas, inquit, quid obscuritas, ac nouitas religionis mihi obiicitur? An ego religiosum institutum propterea sequor, vt terrenos assequar honores, aut nomen hominibus commendem meum? O insana cogitatio! Christum quæro; eius causa contemni volo; eius opprobriis saturari cupio. Quid enim velle aliud possum, cum meos, & me ipsum relinquo, atque omnem mihi rerum mearum spem ab humanis præmiis eripio? si in hac Societate Iesu (ad quam sum à Deo vocatus, quamque summa animi non solum voluntate, sed etiam voluptate amplector, id mihi contingat, vt vllò absque nomine spreus ab omnibus, ac prò nihilo habitus, vitam humilem & abiectam viuam, vt nihil mihi optatius est, ita nihil euenire poterit iucundius. Agite dum, meliora de diuinis rebus cogitate, idque etiam, atque etiam intelligite, rem nullam in terris esse, quam huic nouæ & ignobili Societati anteponam. Illa mihi carissima mater est; illa vna omnes, quæ mihi cum quolibet sunt, propinquitatis rationes sic amplectitur, vt o-

minium etiam amplectatur caritates. Quamobrem ita me vis diuina in proposito corroborat, vt si ipsi parentes mei adhuc essent super, meq; ab ipso deicere conarentur, non modò surdas illorum precibus aures præberem; sed Hieronymi quoque consiliũ secutus, pereosdem calcatos pergere non dubitarem. His dictis impostum omnibus silentium; iniectus etiam religiosus pudor. Gonzalus verò ea molestia, & solitudine liberatus, tanto animi ardore cœpit cum mundo bellum gerere, vt nihil esset, quod magis haberet exosum. Oderat enim quæ ille diligit; diligebat, quæ odit: reputabat vilia, quæ magni æstimat; magni æstimabat, quæ vilia reputat. Atque in hunc modum per omnia mundo aduersus, præter ignominias Crucis nihil aliud expectabat. Seculares ergo vestes, quibus adhuc induebatur, subitò deposuit; eorũq; loco viles accepit & laceras, quibus tanta cum lætitia utebatur, vt in hisce religiosæ vitæ initiis ægerrimè ferret, relictum sibi sericum thoracem, quo superioris iussu, super induta ferruginei coloris veste per aliquod tempus coactus est vti. Vnde data egregio tironi acerbè se incusandi opportuna occasio, deque animi submissione, & paupertatis virtute benè merendi copiosa seges. Quoties enim horis matutinis thoracem sumebat in manus, vt illo se indueret, assidua hæc erat induentis vox, Hem miser, & ærumnose, quid rebus adhuc inanibus tam tenaciter hæres? quando remittes nuntium vanitati tuæ? Non te pudet Ægypti spolia cum religiosa paupertate coniungere?

gere? Quæ conuentio lucis ad tenebras, & Christi ad Belial? Eia spiritus istos iam depone, planè tumidos; & qui te religiosæ disciplinæ addixisti, incipe tandem religiosè viuere. Hæc sibi Gonzalus, idque genus alia tam seuerè obiciebat, tantòque virtutis studio sese in rebus omnibus insectabatur, vt sæuissimus sui ipsius carnifex haberetur.



Affiduo virtutum exercitio animum excolit.

C A P. I V.

APRIMO ingressus sui in Tirocinium die, in eam curam & cogitationem incubuit, vt domito ieiuniis, vigiliis, verberibus corpore, & auulsis penitus prauarum affectionum ab animo radicibus, nihil prætermitteret, quod ad excolendam veris, solidisque virtutibus mentem, vlla ex parte conducere. Erat in operibus pietatis inter primos; in demittendo sese, ac despicendo nulli secundus. si quid esset, ex quo ab aliis illudi, & contemni posset, ad id, vt iad destinatum sibi à natura locum, grauium ac leuium corporū in morem, insiro quodam impulsu ferri videbatur. Quæ hoc in genere præstitit, adeò magna sunt, & ardua, vt ea quiuis mirari potius debeat, quàm æmulari. Nam & supercilia aliquando sibi abrasit, vt fieret deformis, & inui-

sus; & stultitiam vultus mutatione ac gestu corporis nonnunquam simulauit, vt despiciatui duceretur. Erant in Conimbricensi Collegio Æthiopica quædam, vel Indica seruitia ad vsum culinæ atque ad alia domestica officia dono data. Hæc Gonzali curæ commissæ, vt iis necessaria animo & corpori ministraret. Illum crederes ipsorum mancipiorum esse mancipium, tanta in eorum famulatum solitudine incumbibat. Si quando aliquod ex iis incidebat in morbum, lectum illi sternere, medicamenta adhibere, cibos apponere, & manu sua, cùm erat opus, in os inferre; nihil prætermittere, in quo exultare caritas, & Christiana humilitas possent. Inter hæc tamen officia præferebat vultu eximie cuiusdam internæ hilaritatis aperta signa, vt tanquam hilaris dator diligeretur à Deo; deque studio orandi nihil prorsus intermittebat, cùm impedito externis operibus corpore, diuina animo volutaret, & interim dum mancipia ederent, nonnihil ab eorum conspectu secedens sese in preces funderet. In cultu corporis erat exquisitè negligens sui: consultò sinebat vestes sordescere, & bestiolas ex sordibus gigni visu sædas, & morfu molestas, quo noxius esset sibi, & ingratus aliis. Bestiolarum tanta erat copia, vt ex corpore ipso, atque ex vestium commissuris, veluti ex cauernis, cateruatim erumperent foras, nec sine aliqua intuentium nausea in conspectû se darêt. Monitus aliquândo à Comitè Iacobo, ne tale pecus tam curiosè pasceret, à quo & torqueretur ipse, & aliorû oculi abhorrent, Hæc

Hæc ego, inquit, animalcula Comitatus tuo longè antepono. Dum enim illa mihi submissionis animi, & tolerantia: materiam præbent, æterna bona consequendi magnam offerunt opportunitatem. Comitatus tuus quid habet boni? Terrena quædam miseria est. Simile accipimus de re eadem dedisse responsum Ioanni Soario Arganilio Comiti, & Conimbricensi Antistiti: simile aliis illustribus viris, quos eius miseratio ad eum monendum commouebat. Sæpe domi lateres, & cæmenta, ut solent viles operæ, ad Conimbricensis collegij, quod tunc ædificabatur, structuram humeris vectabat. Sæpe prædibat in publicum, ut videntibus ludibrio fieret, lacera & attrita veste indutus, ac sine pallio; vrbisque vicos & plateas pererrans ostiatim victum quæritabat. Sæpe etiam eodem corporis habitu agasonem agebat, perque mediam urbem ad Mūdæ fluminis ripas ducebat asellum; collecta ibi ad usum fabricæ, receptaque in saccos arena, reducebat oneratum; effusa ad spectandum populari turba, in qua simul erant amici, & noti; interdumque aliqui ex iis, qui in eius famulatu fuerant; atque hi rubore simul, & stupore pleni ab occurso pedem, à spectaculo oculos retrahebant. Contigit aliquando, ut iumentum agens, Alvaro fratrum prouisus inopinatusque occurreret; Alvarus subita præoccupatus verecundia, vultumque demittens, neque prætereuntem salutauit, neque intneri ausus est. Gonzalus contra lætitia gestiens, solito agasonis more, & voce simul, & virga asinum ad pro-

grediendum excitauit, reputans apud se, turpe esse, in iis quæ Dei amore fiunt, vt natura sua vilissima sint, & humanis oculis fœda, vlllo modo verecundari. Solis quippe vitiosis operibus deberi pudorem, qui proprius est peccati comes: Religioso autem semper esse decora, quæ pietatis causa & religiosè fiunt; quod scriptum reliquit magnus ille Basilus, quem religionum parentem verè possumus appellare. De corporalibus enim religiosorum hominum ministeriis sermonem instituens, religiosè docet non esse viro Deo dicato indecorum, instar agasonis agere iumenta, cum res postulat; id enim Christi Apostolos fecisse, cum eiusdem Christi iussu asinum ad ipsum adduxere, vt eo insidens, triumphantis more, Hierosolymorum urbem ingrederetur.




*Animarum saluti operam nauans
asperam tenet viuen-
di rationem.*

C A P. V.

DV M ad excolendum hisce virtutum operibus animum sedulò Gonzalus incumberet, literas, quibus interim operam dabat, nulla ex parte neglexit: quin potius ita virtutis, & sapientiæ studia coniunxit, vt maximos vtraque in re progressus fecerit. Quamquam verò semper illi animarum salus carissima fuit; nec quid

quidquam contrà prætermittebat, quod ad spiritualem proximorum utilitatem quoquo modo conferret; imposito tamen literarum studiis fine, ex umbra veluti in arenam prodiens, ad rem Christianam vitæ exemplo, & concionatorius exhortationibus promouendam, totum se ac penitus conuertit. Non vno verò, aut altero tantùm consistebat loco; sed Lusitanæ vrbes, oppida, pagos, atque ipsas etiam agricolarum villas, & pastorū casas frequenter peragrabat. Nullis item occupationibus distentus hanc iuuandi mortales rationem intermittebat, siquidem non solùm tum, cùm erat priuatus, sed etiam cùm superioris officioungebatur, aliis se negotiis exoluens, verbi diuini disseminandi causâ, in vicina vrbi loca excurrerebat. Cæterùm cassum à concionum laboribus corpus ita erat solitus tractare, vt perire tantum non sineret. Cùm esset Conimbricæ, domum se è pulpito recipiens, cibarij panis frustum à promo condo petebat; eo accepto conferebat sese ad locum secretum; is erat culinæ vicinus, solitarius, & infrequens; ibi ligno insidens, tam auidè suum illum comedebat panem, vt maiorem ex eo, quàm ex suauissimis quisque epulis voluptatè perciperet: reliquo tamen die prandij loco nihil attingebat. Vbi Societatis domicilium non erat, extrahebat è pera frustra panis ostiatim emendicata, eaque apponebat mensæ, & cibis cæteris, quanuis exquisitis & pretiosis, longè præferebat, cùm ex aliis vel prorsus nihil, vel si aliter fieri non poterat, ex minùs exquisito,

Lastrum




*Propinquorum consuetudinem, &
negotia deuitat.*

C A P. V I.

CUM ea sit in coniunctione sanguinis insita à natura vis, vt illos etiam, qui humanis affectionibus prorsus exui, & rectà ad Deum tendere cupiunt, vehementer ad se allicit; primum plerumque atque omnium pænè grauissimum in spirituali militia, aduersus carnem & sanguinem certamen est. Nam qui Imperatori Christo nomē dederūt, ad illud vnū omnes industriae suae neruos debēt intendere, vt ipsos etiam parentes, quos natura fecit carissimos, sancto illo persequantur odio, à quo perfectionis via, eodem Christo duce, & magistro, debet inchoari. Apertissima enim illa eius est in Evangelio vox, qui non odit patrem & matrem, adhuc autem & animam suam, non potest meus esse discipulus. Hæc causa fuit, cur Abrahamus ille credentium pater dictus, quem Deus voluit esse perfectum quoddam religiosi hominis exemplar, cū de vrbe Chaldæorum (qua in vrbe species quædam seculi est) iam semel exiisset, diuino rursus imperio relinquere Aram, deque terra & cognatione sua iubetur exire. quod cum ille prompto, & alacri animo, nullaque propinquitatis, aut necessitudinis ratione habita, præstitisset; tandēque & nepotem Lothum, & reliquos

liquos confanguineos , ac notos penitus defec-
 ruisset; mox à summo rerum principe ac rectore
 Deo , veluti manu apprehensa , ad absolutissi-
 mæ cuiusdam perfectionis fastigium perducit-
 ur. sic est. Abrahamo similes esse oportet , qui
 se Deo consecrant , vt præclaris animi donis ab
 ipso cumulentur. Mirum , quàm se industrium
 hac in re Gonzalus exhibuit. Pauca referam è
 multis , quæ tamen eiusmodi sunt , vt si quisea
 æquis ponderibus pendat , summis illum viris
 fuisse parem , affirmare non dubitet. Venit ali-
 quando Conimbricam Comes Iacobus , eius
 tantùm visendi gratia. stipatus suis ad Societa-
 tis Collegium accedit. vocari ad se Gonzalum
 petit. Exponitur fratri Comitis aduentus. & cau-
 sa. Negat ille hominem se agnoscere , aut quid-
 quam negotij cum illo habere ; redeat fausto
 Numine , vnde profectus est ; aut alium quærat ,
 quo cum loquatur ; sibi enim neque opus esse ,
 neque commodum. Non est inficiatus id , quod
 erat , Comitum sibi esse optimè notum , scè que
 eius germanum esse fratrem : sed illum imitatus
 est Spiritum , quo supremus hominum doctor
 Christus ad populum Iudæorum aliquando
 verba faciens , cum adesse matrem suam & fra-
 tres ipsum quærentes à quodam audiisset ,
 quasi matrem , aut propinquos non habe-
 ret , respondit : Quæ est mater mea , & qui
 sunt fratres mei ? quicumque fecerit volunta-
 tem Patris mei , qui in cœlis est , ille meus fra-
 ter , & soror & mater est. Quo loquendi ge-
 nere docere voluit , vt Basilus monet , non alios
 se



*Propinquorum consuetudinem, &
negotia deuitat.*

C A P. V I.

CUM ea sit in coniunctione sanguinis insita à natura vis, vt illos etiam, qui humanis affectionibus prorsus exui, & rectà ad Deum tendere cupiunt, vehementer ad se alliciat; primum plerumque atque omnium pænè grauissimum in spiritali militia, aduersus carnem & sanguineam certamen est. Nam qui Imperatori Christo nomē dederūt, ad illud vnū omnes industriæ suæ neruos debēt intendere, vt ipsos etiam parentes, quos natura fecit carissimos, sancto illo persequantur odio, à quo perfectionis via, eodem Christo duce, & magistro, debet inchoari. Apertissima enim illa eius est in Evangelio vox, qui non odit patrem & matrem, adhuc autem & animam suam, non potest meus esse discipulus. Hæc causa fuit, cur Abrahamus ille credentium pater dictus, quem Deus voluit esse perfectum quoddam religiosi hominis exemplar, cū de vrbe Chaldæorum (qua in vrbe species quædam seculi est) iam semel exiisset, diuino rursus imperio relinquere Aram, deque terra & cognatione sua iubetur exire. quod cum ille prompto, & alacri animo, nullaque propinquitatis, aut necessitudinis ratione habita, præstitisset; tandēque & nepotem Lothum, & reliquos

liquos consanguineos , ac notos penitus deseruisset; mox à summo rerum principe ac rectore Deo, veluti manu apprehensa, ad absolutissimæ cuiusdam perfectionis fastigium perducitur. sic est. Abrahamo similes esse oportet, qui se Deo consecrant, vt præclaris animi donis ab ipso cumulentur. Mirum, quàm se industrium hac in re Gonzalus exhibuit. Pauca referam è multis, quæ tamen eiusmodi sunt, vt si quis ea æquis ponderibus pendat, summis illum viris fuisse parem, affirmare non dubitet. Venit aliquando Conimbricam Comes Iacobus, eius tantùm visendi gratia. stipatus suis ad Societatis Collegium accedit. vocari ad se Gonzalum petit. Exponitur fratri Comitibus aduentus, & causa. Negat ille hominem se agnoscere, aut quidquam negotij cum illo habere; redeat fausto Numine, vnde profectus est; aut alium quærat, quo cum loquatur; sibi enim neque opus esse, neque commodum. Non est inficiatus id, quod erat, Comitum sibi esse optimè notum, seque eius germanum esse fratrem: sed illum imitatus est Spiritum, quo supremus hominum doctor Christus ad populum Iudæorum aliquando verba faciens, cum adesse matrem suam & fratres ipsum quærentes à quodam audiisset, quasi matrem, aut propinquos non haberet, respondit: Quæ est mater mea, & qui sunt fratres mei? quicumque fecerit voluntatem Patris mei, qui in cælis est, ille meus frater, & soror & mater est. Quo loquendi genere docere voluit, vt Basilius monet, non alios se

se propinquorum habere loco, nisi qui ipsius æterni Patris mandatis, vt obsequentes filij, perfectè obtemperant. Recessit igitur Comes, nec salutato fratre, nec viso; tantūque abest, aliquem vt illi stomachum res ista mouerit, vt contrā valde miratus, magnam ex ea perceperit voluptatem; quod re ac verbis statim declarauit. Nam cū Collegij Rector, factus rei certior, mandare Gonzalo vellet, vt ad fratris colloquium accederet; negauit Comes id sibi gratum esse, cū sciret Gonzalo, de cuius eximia sanctitate vel ex eo factō satis magnam imbiberat opinionem, fore molestum. Multa Gonzalo à fratribus, à sororibus, à reliquis propinquis mittebantur munera; sed vt erat religiosæ paupertatis amatissimus, ea ille omnia, quamuis non sine mittentium dolore, ad eōdem ferè semper integra intactaque remittebat: nisi quòd aliquando, ne suorum beneficentiam videretur superbè contemnere, ex conditis saccharo cibus in ægrotantium vsus aliquid accipiendum putabat; sibi certè, ne rem quidem minimam, etiam cum iure posset, vnquam retinuit. Sextum agebat Societatis annum, cū Tauora & Philippa soror diuersi generis xenia onustis mulis Conimbriacam ad eum misere. Poterat ex superioris facultate, Collegij nomine, atque in communes vsus ea accipere: negauit tamen quidquam se accepturum, eo quòd ad se vnum mitterentur, qui omni se beneficio agnosceret indignum. Verū ne personas tales, eo præsertim tempore, tristitia afficeret, vtriusque cognita, ac perspecta voluntate

tate, ingentibus actis habitisque ex animo gratiis, multos ipsos, sicut erant onusti, partim ad carceres, partim ad nosocomia abire iussit, ut vinctis simul & ægris, prout quibusque opus, & cōmodū erat, omnia distribuerētur: quod & tūc quidē & iterū postea in simili euētū præstitū est. Interim cū alteram ē Gonzali sororibus viro opibus & nobilitate pari vellet Comes Iacobus in matrimonium collocare, consilium cum Gonzalo communicat, ut eius approbatione & auxilio negotium peragat. Rem ille sibi expositam risū excipiens, Minor, inquit, Comes inclyte, eam tibi fuisse mentem, ut non solū hoc tuum mihi propositum aperires, sed etiam negotioso ac permolesto labore animum velles fatigare meum. An æquum tibi videtur, ut quod vitæ institutum tanto studio fugi, id ego cuiquam suadeam, ut sequatur? Iniustus planē sim, si alterius humeris id onus velim impositum, quod ideo subire nolui, quia grauissimum iudicaui. Quin etiam illud omnino te scire cupio, quò minū interpretem hac in re, aut proxeneta agam, ab Hieronymo viro sanctissimo grauius mihi interdici, cū dicat turpe esse, ut is, qui alios ad castitatis amorem publicis concionibus excitat, eosdem ipsos suo priuato consilio, siue quod scēdus est, impulsu, ad matrimonij onera inducat. Si placet cum aliis propinquis communicare huiusmodi consilium, eosque operis socios & adiutores adhibere, præstō tibi erunt ex seculari ordine quamplurimi, qui negotium suscipiant animo facili, & ad exitum perdu

perducant successu feliciori: religiosos enim homines, hoc est, dicatos Deo, non nisi religiosa decent, & diuina; quos à curis aliis tam opbrtet abesse longè, quàm à quibus longissimè. Quòd si aliquando secùs faciunt, atque istis se tricis sinunt implicari, id plerumque præmij loco habent, vt quos matrimonio coniungere, si quando ij (quod euenire sæpe solet) fastidio & molestiis affecti, status sui onera, miseriaeque deplorât, in religiosos ipsos, veluti in auctores malorum, omnes suas querimonias, execrationes, maledicta refundant. Ita Dei prouidentia iustissimè decernente, vt qui secùs, ac debent, in alios volunt esse officiosi, eadem ipsa re, qua officium præstant, malè collati officij meritas pœnas luant. Hunc in modum faciliè Gonzalus fratri persuasit, ad suadenda procurandâque matrimonia non illos esse quærendos, qui sicut peculiari vitæ ratione ab his negotiis valde sunt alieni, ita ferè sine aliquo animi sui damno, & religiosi status indignitate vix ea possunt pertractare.



*Superiorum iussu scribit
ad suos.*

C A P. V I I.

QVò se magis à propinquorum oculis auertebat Gonzalus, eò ab iis quærebatur ardentius. Quia tamen nec præsentem videre, nec loquen

loquentē audire poterāt, id curabāt, vt aliquid saltē literarū ab ipso quādoque acciperēt. Quāobré cū probè nossent, si res eius arbitrio relinqueretur, nihil se habituros, ab ipsius superioribus petebāt, vt ad eos Gōzalus aliquid aliquādo scriberet, mādātō suo cogerēt. Hoc ergo beneuolentiæ in suos officiū rarō quidē, nec aliter quā iussus præstabat. Illud verō semper illi in scribendo statum, ac solemne fuit, vt neque elegantix flores sectaretur; neque villo vteretur verbo ad vanitatem composito; neque de rebus aliis, quā de virtutibus, deque iis, quæ ad rectam viuendi rationem pertinent, quidquam exararet. Vnam hīc ponam ex eius epistolis, inter scripta Tauoræ repertam, & pietatis ergō ab illo seruata, quæ ex Lusitano in latinum sermonem fideliter conuersa hūc efficit sensum. Ex ea argumenta reliquarum, & scriptionis formam licebit colligere. Ludouico Aluaro de Tauora, & Philippæ eius vxori salutem. Eam vobis Deus in hac mortali vita felicitatem concedat, vt & maioribus in dies cælestis gratiæ muneribus compleamini, & omnibus, quibus estis noti, veræ cuiusdam ac solidæ virtutis viua exemplaria sitis. Aliud, quæso, ex me non expectetis, quā vt vobis Christi Opt. Max. in me atque in vos, & in omne genus hominum beneficentissimam caritatem inculcem. Quidquid boni habemus ab illo vno est. Dum me de Christo, deque innumeris eius collatis in me beneficiis per literas dicentem auditis, nihil est quod sitis de me solliciti. Nisi for-

tè id vos mouet, vt mei misereamini, quòd talem dominum, quem serò planè agnouì, tam in me munificum ac liberalem, non vt decet, colo ac veneror. Domini mei, à Domino meo Iesu vnice dilecti, si apud vos præsens essem, nihil vobis aliud dicerem, nihil omnino suaderem, nisi vt, toto animi conatu in Christi amorem incubatis. Cùm enim præpotente dextra ex-miserrimo vitæ statu ad perbeatam quandam viuendi rationem, qualis esse in terris potest, me traduxerit, quid dubium, quin & vos ita suo roboret auxilio, vt ad omnè sanctitatem læti alacresque nitamini? Ne, obsecro vos, patiamini perdi, ne perdi, inquâ, patiamini tã multa, ac tam magna lucra, quæ ex diuina beneficentia habere potestis. Percipite animis, quæ dico. Nō satis vobis sit, eos attingisse virtutis limites, quos Deo iuuante attingistis. Attendite, quantū vobis & cæteris hominibus virtutis spatium supersit decurrendum. Contendamus summa celeritate ad Christum principem ac Dominum rerum, cui morem gerere, cuius parere præceptis, cuius laudi & gloriæ seruire non ita possumus, quin semper, quantūcūque diligentem sedulamque ipsi naue-mus operam, debitores existamus. Ille enim vt à peccati seruitute in libertatem filiorum Dei nos affereret, & eximiis virtutum donis animos nostros exornaret, ab ipso ortu vsque ad obitum per omnia aspera atque aduersa vitam trahens, nihil mali non pertulit, quod ad utilitatem nostram iudicaret esse perferendum. Itaque vitam ipse suam totam nobis atque integram dedit.

. lam

Iam verò si Christi Iesu mortem animi oculis subiiciamus, quis non videt, quanto ab eo intervallo distemus? Mortem ille subiit, qua nulla fuit, aut vnquam erit, nec acerbitate pœnarum sæuior, nec iniuriarum magnitudine contumeliosior. Quis tanta erit præditus animi duritie, qui non summopere commoueatur, dum ipsum mente concipit tanta pressum mœstitia, tanta ignominia affectum, tam desertum à suis, tam grauiiter cæsum, tantis doloribus exanimatum? Cogitate sæpe vobiscum immensum erga nos Christi Iesu amorem, & eius recordatione animos vestros recreate. Cur ad vos tam rarò scribam, ea causa est, quoniam non mihi rescribitis, maximum in animis vestris erga Christum Iesum meis literis amoris incédium excitari, dum eius mortem caritatis plenissimam ante oculos vobis propono. Si ego literis meis hoc non assequor, vt ardentissimo Christi amore inflammimini, quid verba perdo, aut quid attinet scribere? Incipiat domina mea & soror dilectissima Philippa (quando illi ad vacandum Deo tanta & loci & temporis opportunitas est) incipiat, inquam, ab hodierno statim die ad Christi vsque natalitia hisce Christianæ pietatis commentationibus animum exercere, diebus singulis vnam vel alteram, si placet, diuinis rebus impendat horam. Quæ à Deo beneficia accipiat; qualis illa sit, quam se sperat assecuturam, cælestis patriæ felicitas; quanta sit diuinæ sapientiæ, quanta diuinæ potentiæ vis, sæpiùs animo euoluat. Atque vt hæc meliùs præstare queat, fusis.

identidem lacrymis, & frequenti peccatorum confessione conscientia maculas eluat; ab omni prauo affectu animum diligenter custodiat, & piis ipsum ac sublimibus rerum cælestium desideriis accendat. Duo hoc ex opere præcipue commoda securura polliceor. Vnum est, quod & ipse dominus Ludouicus sancto motus exemplo, eandem sectabitur pietatis viam. Alterum, quod inter hæc virtutum exercitia plus honoris ac fructus, minusque molestiæ & laboris habebit filiarum educatio. Hoc tantum desidero; in meis literis legant neptes meæ, quò rectè tendant ad Deum. Hac vna in re volo me auunculum agnoscant, & qua debent, obseruantia monenti obtemperent. Cauendum valde est, ne aliter, quàm in Dei timore & amore educantur. Pernitiosa est quælibet alia institutio, & diabolo periucunda. Absit, ô neptes meæ, vt alteri, quàm Deo vestram operam nauetis; vt placere alteri, aut morigerari velitis. Vtinam vester ego essem nutritius, vt vos ad Dei nutum, & voluntatem conformarem. Certè ne ab eius obedientia vel latum vnquam vnguem discederetis, ita curarem, vt quamuis molestissimus vobis essem, nihil omnino, quod in eum finem conferret, mihi putarem prætermittendum. Valde opto, vt non minùs parentibus vestris curæ sitis, quàm estis mihi. Si vobis dicunt, in tuto vos esse, quia in ipsorum tutela estis; dicite vos, nihil posse homini esse in vita tutum; omnesque mortales, cum primùm hauriunt vitæ spiritum, exparentum suorum manibus, vt ita dicam, in tartarum

tum delabi. Si parentes vestri alios vobiscum, quàm de Deo, sermones habent, nec vos ad eius mandatorum obseruantiam, atque ad rerum diuinarum desiderium instituunt, operoso quidem & inutiles torquentur labore. Eos ego, ut mihi carissimos, oro & obtestor, illud in primis magni faciant beneficium, quod non ita pridem à Deo receperunt, cum vos lustrali aqua in sacro Baptismatis fonte ab originali immunditia perpurgatæ in Christi familiam estis adscitæ. Quamobrem domini ac fratres mei, si vestros, ut bonos parentes decet, liberos diligitis, curate diligenter, ne ab hac, quæ ipsis cum Deo contracta cognatio est, vlla vnquam sua culpa deturbentur. Reliquum est, ut vobis cæleste illud numen, cuius prouidentia mundus administratur, propitium optem, precerque. Sic illud actus vestros conatusque in hac mortali vita secundet, ut ex ea, veluti è carcere soluti, ad æternam felicitatem transeatis. Valete. Vester in Christo Gonzalus.

Hæc ea fuit Gonzali epistola, cui similes erant cæteræ, quas ille siue ad externos, siue ad domesticos, siue ad alienos, siue ad suos vnquam scribebat. Non de aliis videlicet, quàm de Deo rebusq; diuinis agebat; nec alio, quàm simplici quodam atque sincero dicendi stylo utebatur.



Superioris iussu Goëzium oppidum petit, vt sororem inuisat.

C A P. V I I I.

ERAT Ludouicus Aluarus de Tauora cum vxore Philippa in oppido Goëzio leucas sex Conimbricâ disiuncto. Mittit inde, qui suo nomine à Gonzalo enixè petat, ad se venire, ne grauetur; secum esse Philippam ipsius videndi cupidissimam, nec aliud velle, quàm eius aspectu tantisper recreari. Cauëat ne rem tam iustam neget sorori de se optimè meritæ, quippe quam matris loco puer habuerit, cuique ob eam salutem causam plurimum debeat. Ad hæc breuiter & expeditè Gonzalus, ingrati animi crimen horrere se quàm maximè; ideo curaturū, modò diuinus fauor adlit, ne beneficiorum, quæ plurima ab ipsis atque amplissima accepisse ingenuè fateatur, vllò vnquam tempore memoriâ deponat. Si tamen de iis agatur externis beneuolentiæ signis, quæ sanguinis coniunctio suo quasi iure videtur exigere, nihil esse quod nimium sollicitus sit, eò quòd humanum illum erga propinquos amorem, qui sensu magis, quàm ratione percipitur, perfectiori iam caritate permutarit. Eos proinde etiam atque etiam orare & obsecrare, vt abductum ab humanis curis hominem, totumque ac penitus crucifixo Christo
addi

addictum nolint rursus ad talia officia reuocare; nullius esse apud se pretij vllum sanguinem, præter eum, qui redēptionis humanæ pretium fuit; & quo in ara Crucis copiosissimè effuso à peccatorum sordibus ablutus, atque à sæuissima inferni hostis tyrannide in libertatem filiorum Dei immensa Christi benignitate vindicatus; eo se quotidie sanguine alidum sacra peragit mysteria; indeque effectum, vt modo quodam mirabili Christi consanguineus sit: turpe autem sibi videri, vt qui tali propinquitatis vinculo cum Deo ipso est coniunctus, vllam præterea in humanis curandâ putet consanguinitatē. Ita Gonzalus tā illustribus, tam coniunctis, tam de se bene meritis propinquis. At Taورا pietatis vir amans, æquusque recti æstimator, nihil respōso commotus, quo magis Gonzalum ipsius aspectum & colloquium recusare agnoscit, eò illum pluris facit, maiorique eius videndi & alloquendi incenditur desiderio. Conimbricam ergo se cōfert, Societatis Rectore adit, ab eo petit, Gonzalum ad visendā sorore, Goezium mittat. Annuit Rector, vt par erat; vocat proinde ad se patrem, absolutè mandat, vt in Goezium oppidum quamprimum proficiscatur. Durum Gonzalo visum imperium, & animi sui votis admodum repugnans. Omnino tamen parendum ratus, cū nihil aliud in mandatis haberet, quàm vt ad inuisendam sororem proficisceretur; de tempore, quo esset apud illam commoraturus, deque reliqua ibi agendi ratione ita primū cum suis pacisci voluit, vt

iudicare quiuis posset, facile eos à proposito recessuros. Hæ potissimum adhibitæ conditiones.

I. Assignandum sibi ac socio separatim in tota domo cubiculum, in quo sint à domestica turba, atque ab omni familiæ consuetudine remoti.

II. Cibum non ad ipsius Tauoræ ac sororis mensam, sed in eodem illo cubiculo, à vilissimo omnium, quæ in domo reperiantur, mancipio sibi ministrandum.

III. Ipsum mancipium nunquam coram se aperto capite, aut famulantis more, sed vt æqualem aut socium compariturum.

IV. Præter bouinam carnem simpliciter elixam, vel si edi piscem oporteat, duratum sole aut fumo hæccem; aqua pura coctum, nihil obsonij sibi ampliùs apponendum. Medicatæ conditiones plus æquo graues; sed quia non videbatur res fieri tunc aliter posse, vel ab inuitis receptæ. Gonzali socius erat Melchior Carnerius, is qui postea Niceæ Episcopus, & Ioannis Nonij Abissinorum Patriarchæ successor creatus est. Per eos dies, quibus illic fuerunt, tanta in utroque animi modestia, tanta gloriæ & honoris contemptio, tantusque per omnia perfectissimæ cuiusdam vitæ enituit splendor, vt in religiosam domum exemplo suo conuertisse palatium videretur. Gonzalus in primis admirationi erat omnibus. Assidua maceratione domabat corpus. Sic agebat apud suos, ac si illis esset ignotus. Quos priùs habuerat in famulatu, eos tunc colebat vt æquales, vt superiores venerabatur. Illud ipsum

ipsum mancipium, quod ad mensæ ministerium acceperat, ut secum simul sederet, & ex eadem paropside cibum sumeret, blandè & comiter cogebat. Nunquam usus est lecto, qui singulis illi noctibus ex peculiari sororis mandato moliter sternebatur. Cubabat nuda humo, ferreo cinctus cilicio, inclinatioque ad saxum capite. Quæ illi consuetudo, cum in collegiis ac domibus societatis erat, semper ferè familiaris fuit; quanquam his in locis, ut rem occultaret, neve ab aliorum moribus videretur alienus, cervicali loco librum habebat præduris compactum tabulis, re ipsa nihilo saxo mitiorè. De rebus tantum ad animi salutem pertinentibus cum sorore eiusque filiabus loquebatur. Totus in eo erat, ut ipsis miseræ huius vitæ brevitatem, rerum humanarum inconstantiam, cælestium bonorum magnitudinem & perpetuitatem ante oculos proponeret; atque ad unius Christi Opt. Max. amorem eorum animos inflammaret. Cum fortè de morte pro Christo obeunda aliquando differeret, tanta martyrij exarsit cupiditate, ut Philippa, ac si iam ipsum in frustra dissectum cerneret, vehementer commota, conceptam animo tristitiam oris mutatione indicaret. Quid hoc est, soror carissima? ait Gonzalus. Vnde ista animi & corporis repentina turbatio? An carum tibi & iucundum non erit fratrem habere martyrio insignem? Mihi verò, inquit illa, satis erit, fratrem habere insignem sanctitate; martyrij negotium valde difficile est, & planè horribile. Ægrè responsum ferens Gonzalus, atque insoli-

to quodam correptus spiritus ardore, tam altè tamque magnificè de martyrio dixit, vt eius vim & præstantiam probè nossent omnes, qui aderant; nec dubitaret Philippa ex obita pro Christo morte ad reliquam vitæ sanctitatem ingens accedere gloriæ incrementum. De virtutum excellentia & potestate ad familiares, & domesticos assidue verba faciebat, tanto interdum animi feruore, vt audientibus cum magno eorum desiderio lacrymas extorqueret. Curabat, vt ad destinatum locum (is erat palatij ampla & patens aula) simul cum propinquis nobiliores aulici conuenirent. His ibi coactis, ne vlla rerum ad salutem necessariarum ignoratione tenerentur, Christianam in primis Catechesim exponebat. Vt autem, & vitiorum odium, & amorem virtutum animis conciperent, de vtroque genere multa deinde vtiliter & fructuosè disputabat. Peruersa quidam abstinuere iurâdi, alij detrahēdi, alij quoque maleiocandi consuetudine. Chartarum ludus, qui maximè in aulis Principum sibi videtur aram posuisse, ita depulsus fugarusque, vt ipsa ludendi instrumenta, vbicunque reperiēbantur, minutatim discerpta in publicas vias proiicerentur, prætereuntium pedibus conculcanda. In tota illa domo, in qua multi tunc erant, partim cognatione, partim affinitate Gonzalo coniuncti, cumque iis bene magna clientum & famulorum copia, nullus omnino fuit, qui diligenti confessione apud ipsum Gonzalum vel eius socium antea-ctæ vitæ crimina non expiarit. Non leuis, hoc in genere

genere, inter Gonzalum & Philippam extitit pietatis contentio. Optat pia fœmina, vt eius confessionem Gonzalus excipiat, atque vt faciat, obnixè deprecatur: negat Gonzalus excepturū; nefas enim esse, illam ad pedes suos supplicem & abiectam cernere, quæ sibi matris & dominæ loco semper fuisset. Contrà verò instare Philippa, & vehementer contendere, nolit communi beneficio sororem priuare; neve committat, vt se ab eo contemptam potius, quàm honoratam credat; grauissimum sibi fore, si quod aliis conceditur, id vni sibi immeritæ denegeretur. Cedit tandem iustis precibus Gonzalus, & confitentem sororem audit, atque insatiabili gaudio perfundit. Hinc ortum creditur, quod subiiciam. Viginti iam & amplius annos in Tauoræ matrimonio transegerat Philippa, prole carens mascula, per quam amplissimæ domus, & opulentæ hæreditatis ad posteros fieret successio. Quanquam eximie erat religionis fœmina, atq; à diuina volūtate tota pēdens, non nihil tamē ob hanc rem angi videbatur. *tamen* Causam fratris secretò exponit, fidenter petit, cum Deo agat, suis vt votis annuat. Haud multa; Gonzalus bono animo sororem esse iubet; suam apud Deum operam pollicetur; ita pollicitis petentem roborat, vt ferè reddat de obtinendo beneficio securam. Non fefellit vota successus. Vix decimus effluxerat à petitione mensis, filium edit Philippa dominatus patèrni nominisque hæredem. Plurimi tunc Gonzali consilio & exemplo institutum vitæ cursum, moresque in melio

meliora mutarunt. Inter hos Eleonora Corti-
 nia, altera eius soror, quæ matrimonio publicis
 Romanæ Ecclesiæ cæremoniis ritè iam celebra-
 to, in ipso nuptiarum die, antequam terrestri
 sponso traderetur, Comiti Iacobo fratri connu-
 bij auctori, cæterisque tunc aderant, consanguineis
 magno animo exponit, decernere se, diuino
 sponso Christo virginitatem suam illibatam
 seruare, eiusque nuptias munditiæ & decoris
 plenissimas omnibus huius vitæ bonis antefere-
 re; ad Christi ergo domum, hoc est, ad certum,
 quod designaret, virginum monasterium velle
 illico traduci. Non potuit tam constans propo-
 situm vlla ratione labefactari. Eodem die sacræ
 illi monialium familiæ nomen dedit, in qua de-
 inceps magnam sanctitatis opinionem egregiis
 virtutum operibus assecuta, felici tandem exitu
 vitam absoluens, ad optatissimos Christi am-
 plexus euolauit. Eundem ferè cursum tenuit
 virgo alia eiusdem Gonzali ex Philippa sorore
 neptis. Hæc in parentum amore & deliciis erat;
 pro splendore familiæ amplissimo coniugio de-
 stinata. Non illa quidem aut sordidis ~~distin-~~
 ctis, aut indecoris occupationibus implicata;
 sed quod in hisce nubendi studiis sit, tota ad e-
 legantiam composita, & corpori, quàm animo
 exornando, impensius dedita. Hæc igitur tunc
 auunculi monitis & exhortationibus permota,
 tantopere ad pietatem exarsit, vt omni prorsus
 exquisiti illius nitoris & elegantiæ cura deposita,
 renuntiatisque in auribus, armillis, gemmis,
 multiplici ac vario ex serico, ~~ante~~ politiori alia
 mate

materia vestium instrumento, cum cætera, quæ ad muliebre mundum pertinet, supellectile, humili induta vestitu, & dicata Christo, purissimo animarum sponso, virginitate, perfectissimam aggressa sit viuendi rationem, in qua usque ad vitæ finē sūma cum laude perseuerauit.



*In varia Lusitaniæ loca magno cum suo,
& aliorum fructu excurrit.*

C A P. IX.

VT Gonzalus eximiè Deum diligebat, ita nihil ipsi erat antiquius, quàm vt ad illum (quod singulare quoddam ~~et~~ diuinæ caritatis indicium) omnium animos studiæque conuerteret. Nullis ergo laboribus, nullis vitæ incommodis deterrebat, quò minùs summa ope contenderet, vt quantum posset, quæ concionibus, quæ confessionibus, quæ cæteris pietatis officiis mortales omnes iuuaret, & errantes animas, ad bonam frugem atque ad rectum viuendī tramitem reuocaret. Ex vrbe Portuensi, in quam à Conimbricēsi Rectore missus est, antequam vllum in ea esset societatis domicilium, sic ad eundem Rectorem inter alia scripsit: Ego quandiu mihi in hisce peregrinationibus Deus aderit (spero autem nūquam defuturum) mendicato cibo viuam; confessiones tandiu excipiam, quandiu erunt, qui confiteri volent, nec
me


me operi somnus , nec studio quies , nec ieiunio fames eripiet ; donec vires suppetent , inter pedibus faciam , quocunque ire contigerit , vsque ad raucitatem concionabor ; vsque ad mortem corpus persequar , & animò subiiciam . Et paulo pòst in iisdē literis hæc : Perseuerabo intrepidus in hoc proposito , fauente numine , nec patiar , aut vllò mortis terrore animum vincimeum , aut vllò vitæ fastidio teperescere . Pergam per quidquid asperum , & durum sese obiecerit , nec iustam gradum , donec cum Christo Iesu affigar Cruci . Quæ verò in his literis Sylueria scripsit , ea constanter toto vitæ tempore seruauit , nec omisit priùs , quàm fuso pro religione sanguine humanis rebus excederet . Inter alia loca , quæ per id tempus ex obedientia lustrauit , Tomariu^m fuit ; nobile oppidum est à Nabane flumine , quo alluitur , Nabatia , olim dictum , leucis duodecim , Austrū versùs , Conimbricā distat . Populo est frequens , multosque circumcirca pagos habet , quibus ius dicit . Hic eius militiæ caput , quæ à Dionysio Rege olim instituta aduersùs Mahumetanos , capitales Christianæ religionis hostes , à Christo nomen accepit . Missus huc Gonzalus , ita se in omnibus gessit , vt post duos menses in popularium vtilitatem summa cum laude consumptos , oppidanus senatus vnum è primis , communi consensu dilectum , miserit ad Regem , qui & ingentia commoda in negotio salutis à Gonzalo accepta exponeret , & omniū verbis obnixè ab ipso peteret , ne vllò modo pateretur , Gonzalum animarum

rum suarum vnicum remedium, sibi auferri. Probata Regi denunciatio, & grata petitio. Efficit, ut tempus Gohzalo à superioribus prorogetur. Additi igitur in gratiam Regis menses infuper quatuor, quos ille solito cum labore, & fructu ad spiritualem eorum hominum vtilitatem contulit. Solebant aliqui ex primariis in Xenodochium cōuenire, ut orationis, eius præcipuè, quæ mente fit, præceptis à Sylueria imbuerentur. Ad hoc munus diebus singulis statæ horæ, in quibus tota meditandi ratio diligenter explicabatur. Ab ~~explicatione~~ ^{explicatione} ad certum quique cubiculū in eodem Xenodochio receptus, ea, de quibus fuerat actum, magno studio, nec minori commodo obibant. Ter aut quater, diebus etiam profectis, concionabatur. Inchoabat à pago aliquo vicino, ad quem mane summo, antequam ad agros colendos, & cætera ~~juris~~ ^{juris} opera pagani exirent, se conferebat. Coacto ibi breuiter populo ea exponebat, quæ loco & tempori congruere videbantur. Re confecta redibat ad oppidum, & confluentem, ad audiendum sacrum, multitudinem altera concione ad salutis studium hortabatur. A meridie tertiam ad eos habebat, qui occupationibus erāt vacui. Quartam denique sub vesp̄eram ad illos, quos siue negotia forensia, siue agrestes curæ interdium præpedierant. Cū verò ex oppido ibat ad pagos, ex pagis ad oppidum redibat, sic erat hisce itineribus intentus, atque oblitus sui, ut sæpius fixis in altum oculis, & aperto capite, cælique iniuriis exposito, incedere visus sit; nec ad id prius aduertere

YKtis

uerterit, quàm ab aliquo fuerit admonitus. Diem igitur integrum, breui duntaxat spatio excepto, concionibus, confessionibus, conciliandis dissidentium animis, rudibus instituentibus, cæterisque huiusmodi operibus impendebat. Noctem quoque totam, sumpto modico somno orationi dabat. Prima statim face adibat Xenodochij templum, cubiculo vicinum; solus ibi sine arbitris, ante augustissimum Eucharistiæ sacramentum curuans genua, partim diuina meditando, partim cum Christo præsentē dulcissimè colloquendo, partim denique aliquos recitando Psalmos, magna vultus, sed maiori cordis exultatione, tandiu illic ad hunc modum persistebat, donec ruente præ lassitudine mole corporis, victus inuitusque modicè quiescebat. Cæterum resecto tantisper quiete corpore, genua iterum flectere, solita orandi ac meditandi exercitia repetere, & ad diluculum protrahere. Tradita hæc, quæ scripsimus à testibus plurimis, iisque locupletibus, quos hominis admiratio & honesta quædam rei cognoscendæ, ac probandæ curiositas adegit, vt singulis ferè noctibus ipsum diligenter obseruarent. Post menses sex, quos Tomario tam fructuosè dederat, de suo ad Conimbricense collegium reditu ciues monet. Illi primùm grauitè eius discessum ferre; dein cùm viderent retardari amplius non posse, summis precibus rogare, vt sibi & socio equos & cibaria accipiat. Actis ille gratiis, negat firmiter quidquam se accepturum: solito igitur more se dat in viam pedes, tota simul effusa & comitante

te ad plus tria milliaria nobilitate. Hic verò res accidit dictu digna. Quidam ex iis, quibus carior Gonzalus erat, in ipso profectiois articulo aduertens eius calceos esse consumptos, emi repente novos iubet. & patrem à turba segregans, orat secretò, vt quoniam triginta quinque & amplius passuum millia pedibus est confecturus, & extrema calceamenti inopia laborat, calceos illos velit induere, itineri faciendo necessarios. Gonzalus ad hæc nouis sibi calceis opus non esse; sufficere quos habet: qui si tandem in via deficient, quod erit reliquum, nudis pedibus sine magno periculo posse confici. Videt homo quantuncumque nitatur, nihil se aut precibus, aut rationibus acturum. Consilium ergo inquit dolosè ac facetè pium. Conuenit cum aliis, vt cum deuentum erit ad statutum locum, quem adusque Gonzalum sunt comitaturi, multi simul ac frequentes in eum irruant, ac per speciem amplexandi, manusque deosculandi, ipsum è solo eleuent, & brachia manusque impendant, quò interim detractis veteribus calceis, possint illi noui, inuito ac renitente ipso, pedibus induci. Ita factum. Tum pater captum se beneuolo dolo agnoscens, non putauit pietatis vim vi vlla amplius repellendam, ne in amicorum caritatem nimis inofficiosus videretur. Profectus igitur est nouis calceis indutus: veteres autem reliquiarum loco cum veneratione à ciuibus asseruati.



*Diuino instinctu agnoscit se Christi
Martyrē futurum; quod & ipse
sæpius prædicit, & insigni pro-
digio à Deo præmōstratur.*

C A. P. . X.

VITÆ suæ finem illustri martyrio deco-
randum, diuino instinctu creditur agno-
uissē. Res sic habet : Erat Conimbricæ qui-
dam maleficijs reus. Hic sententia iudicis morte
damnatus, cū ad supplicij locum duceretur,
comitē habuit Gōzalum, à quo, in rebus animi,
vt apud Christianos fit, vsque ad vltimum spi-
ritum iuuaretur. Vbi iniecto laqueo suspensus
homo vitam finiit, tum verò Gonzalus ad cir-
cumfusus populum è patibulo concionari; de
mandatorum obedientia, de mutua pace, & cō-
cordia, de pulchritudine eius iustitiæ, quæ suum
cuique tribuit, neminem lædit, nemini infert
iniuriam, denique de scelerum omniū detesta-
tione multa grauitè & vehementer dicere, o-
mnesque ad pietatem & salutis desiderium ex-
hortari. His demum expeditis colligit se ad pa-
tibuli locum à tumultu magis liberum, vt pro
demortui anima tantisper deprecetur. Plurima
ibi mente agit de illo mortis genere, de mini-
sterio carnificum, de patientis ignominia, de
confluentis populi multitudine. Dein ad Cal-
uariæ

uariæ locum cogitatione transiens, sibi Christum præsentem statuit, summa Iudæorum militumque sæuitia crucifixum, probris omnibus maledictisque vexatum, acerbissimis tortum doloribus, omni prorsus humana ope auxilioque destitutum. Hæc secum inflammato studio meditatus, sic ad martyrij tormenta opprobriaque exarsit, ut tum maxime quanta potuit contentione, hoc violentæ & ignominiosæ mortis genus à Deo sibi afflagitauerit. Nec solum impetrauit, quod demonstrauit euentus, sed quid in ea re sibi esset euenturum aperiente Deo prænouit; domum enim reuersus, cum martyrij beneficium, sibi diuinitus concessum, celate præ gaudio non posset, sociis omnibus, quibuscum loquebatur, cepit iterum & sæpius dicere, se à Deo petiisse, atque etiam impetrasse, ut alligato ad collum laqueo mortem pro religione oppeteret. Ita verò palam, frequenter, & constanter hoc ipsum asseuerabat, ut nemo tunc dubitaret, non de morte tantum, sed de mortis etiam genere fuisse diuinitus admonitum. Hoc primum martyrij sui vaticinium aliis deinde prædicationibus confirmauit. Solitus erat ex humilitatis studio suam sæpe operam cōco nauare, ut ij solent, qui ad id munus ex obedientia sunt addicti. Conimbricæ igitur cum esset, & ex oratione solita ardentior, ac lator surgens, in culinam se conferret; ubi ad cocum venit, Exerce, inquit, frater mi, hoc iamētum, (suum corpus significabat) quod Dei causa rapandum est, & in fluuium proiiciendum, ut

neque coli neque agnosci ab vlllo vnquam possit. Illud quoque notissimum fuit, quòd cùm aliquando Olyssipone, in templo professæ domus sancti Rochi, concionem haberet ad populum, insolito exultans gaudio, atque huc se voluens, & illuc, gutturque ostendens, versa ad collum manu, ita fertur dixisse, Hoc guttur, fratres mei, facio tanti, quanti ex humanis rebus nihil. Quin etiam quidquid haberi ab hominibus potest, nihili præ illo pendo, quoniam propter Christum adeò arctè atque immaniter stringendum est, vt impedita respiratione, via vitæ sit intercludenda. Expectabatur Præpositi generalis consensus, vt, quod ardentè Gonzalus expetebat, in Indiam proficisceretur. Veniunt tandem ab Vrbe literæ, quibus professionem Generalis approbat, & ratam esse iubet. Quidam re secretò cognita, ad Gonzalum properat, arctè complectitur, & pro lato nuntio exigit strenam. Illum Gonzalus sedato vultu atque hilari intuens, Gratias, inquit, tibi ago & habeo quàm possum maximas. At scias, quod ad meam professionem attinet, non mihi nuntiari rem novam, cùm iam pridem sim de illa certissimus. Cùm deinde Lusitani superiores ad eandem professionem impediendam, quod magnum prouinciæ suæ dettimentum afferre videretur, vnum ex sociis cum literis mitterent ad Franciscum Borgiam, qui tum in Hispania Societatis Commissarium agebat, hominem Sylueria offendens, Frustra, inquit, laboratur; quò minùs ad Indos proficiscar, nulla prorsus humana vis vnquam

vnquam efficiet; diuino decreto stata res est, ac firma. Leonem Henriquiū, cū Lusitanæ societatis prouinciam moderaretur, coram multis narrantem audiuius, se & Gonzalum ex Conimbricensi Collegio in proxima oliueta aliquando egressos, laxandi animi causa, inter ambulandum dulces de diuinis rebus inseruisse sermones, quibuscū Gonzalus in Dei amorem incredibiliter exarsisset; tum verò apprehenso sibi atque arctè stricto brachio ita dixisse, Quid agis mi Leo? Eia diuinis laudes, quantū potes, mecum celebra. Scias me pro Christi fide mortem subiturum; hoc verò corpus eò proiiciendum, vbi nequeat ampliùs inueniri. Hæc palam atque in magno sociorum confessu affirmauit Henriquiū, vir rara vitæ sanctimonia, & parifide notissimus. Per id tempus nunciatum in Lusitania, Antonium Criminalem Parmentem, eum, qui in Societatem Iesu martyrij gloriam primus induxit, in Orientali India ad oram Parauanam pro defendendo Christi grege à Bagadis Nartlinghæ populis impio ferro fuisse confossum. Eo nuntio, qui ad similem palmam sociorum voluntates magnopere incitauit, sic vnus Sylueria inflamatus est, vt videretur prorsus exire extra sese. Quippe recordatione promissæ à Deo, obtinendæque in illis regionibus coronæ sic exiliit, vt eius animus ingenti gaudio perfusus, cū intra corporis angustias capi non posset, dilatandi se spatium foris quæserit: Ita vulgò creditum, ac dictum est. Cæterum tot ac tanta de Gonzali martyrio vaticinia mirabi-

le prodigium excepit. Cùm aliquando in templo S. Rochi sacris de more operaretur, quo tempore calicem in sublime ferebat, vt Christi sanguinem adorandum exponeret, qui rei diuinæ intererant, notantes Gonzali manus cruore madidas, mirari in primis vehementer; mutuo dein inuestigare, quisnam atque vnde cruor ille, vtramque manum sic inficiens, promanarit? vt tamen incerta sunt iudicia vulgi & plerumque minùs in veritatem propensa: quidam effusum è calice Christi sanguinem; alij vulnus ab aliquo clauo fortè inflictum; alij causas alias minùs aptas comminiscébantur. Euentus porrò fama cùm ingētis populi aures subito occupasset, ad Reginam quoque Catharinam peruenit. Illa verò rei agnoscendæ percupida acciri ad se iubet Michaellem Turrianum ex Societate Iesu, qui à confessionibus, ipsi erat. Quærit ab illo, quid Gózalo cōtigerit, quæve illius cruoris causa fuerit? An è calice per imprudentiam Christi sanguinē in manus effuderit, quod magna vulgi pars opinabatur? Respōdet Michael, rē omnino nouā sibi narrari, ac tūc primū, audire se, visas Gózali manus, dū calicē attolleret, cruētatas: si quid tamē id sit, nō dubitare, quin sāguis Christi effusus non fuerit. Ea, inquit, in Gonzalo est animi submissio, atque id propriæ abiectiois studium, serenissima Regina, vt si quid ei, vel inuito accidisset, ex quo pati aliquid dedecoris posset, nulla id ratione esset occultaturus, sed coram omnibus atque in propatulo positurus, vt veluti ex re malè gesta pudore affici, reprehendique

dique posset. Deinde quoniam pacto is, qui li-
tanti Gonzalo ministrauit, aut ignoraret effusio-
nem sanguinis, aut sciret, si effusum vidisset?
sed & illud per se constat, sanguinem Christi è
calice effusum, cum sub vini accidentibus sit,
non ita potuisse manus inficere, ut cōtentæ ap-
parent, quod ipsa docet experientia. Quid igitur,
inquit Regina, illud fuit, quod nemo ad-
stācium non vidit? aut unde euenire potuit, ut
manus viderentur cruentatæ, cum non essent?
Ego, inquit Turrianus, quid actum sit, definire
certò non possum; si mihi liceat pro eximia Gon-
zali sanctitate aliquid suspicari, dicam, eo foritè
ostento significatum, quod in ore multorum
est, fore ut vir egregius & Deo maximè carus,
fuso pro religione sanguine semetipsum victi-
mam offerat Christo, quem tunc æterno Patri
in sacrificio Missæ offerebat. Placuit interpreta-
tio Reginæ, cui Gonzali virtus, quàm satis no-
tam perspectamque habebat, facile suavit, eo si-
gno gloriosam mortis genus pro Deo obeundæ
permonstrari.



*Ad Indos proficiscitur, & Prouincialis
præpositus constituitur.*

C A P. XI.

CAPITULUM amplissimus Gonzali spiritus vno
Lusitaniæ Regno non poterat. Magis
D 4 ergo

ergo magisq; cupiebat diffūdi, vt parē votis suis materiā reperiret. Hæc hominem causā impulit, vt longè latèque patentes adiret orientis solis regiones, vbi ingenti laborū inundatione inexplēbilē animi sui sitim ~~fat~~ satiaret. Anno igitur à Christo nato M.D. LVI. illo nimirū ipso, quo beatissima Ignatij de Loiola anima vitæ mortalis vinculis soluta ad æternam patriā profecta est, soluit Olysi pone Gózalus, & per immēsam maris Oceani vastitatem plena periculis ac difficultatibus nauigatione, in Indiā contēdit, maximū externis æquē & domesticis relinquēs sui dēfideriū. Quæ toto nauigationis tēpore in naui præstiterit, quātūque & exēplo & doctrina nauitas iuuerit, reputare quiuis secū facilius poterit, quàm possim ego explicare. Prima illi circa ægros cura. Iis ministrabat vt seruus; eosdē ad patientiā & veræ salutis sollicitudinem hortabatur vt pater; solabatur vt frater; cum iisdem denique dolebat, vt mali socius; necessarios ad victum cibos per se parabat; & ad communem nauis focum, quo solet fex hominum conuenire, portabat ollam; crassa & rudi tectus lacerna inter vilissimam turbam noctu quiescebat. Denique compertum est nullum erga proximos officium pietatis, nullam demittendi sese & contemnendi occasionem prætermisisse. Inter hæc Mozambicum insulam felici cursu nauis tenuit. Exscensione facta, nihil Gózalus potius habuit, quàm vt templum sanctissimæ virginis adiret, & in eo totum se; & quasdam, quas secum asportabat, B. Virgulæ & sociorum reliquias eidem virgini dicaret

caret. Altera ab aduentu die supplicationem instituit, in qua illæ ipsæ reliquæ solemnī pompa per urbem delatæ, debito honore colerentur. Litanias ipse linteatus maiori cum pietate, quàm arte, decantabat. Ventum ad Deiparæ domum, vbi cum ingenti campanarum, cymbalorum, ac tibiarum sonitu, lætitiæ indice, excepti venientes. Tum verò tanto cum apparatu & magnificentiā, vt in illis locis, res diuina celebrata, vt concionem ad vespertinum tempus differri oportuerit. Ab ea verò, summo totius populi concursu, habita, ad Mahumeranos insulæ habitatores statim se Gonzalus contulit, vt iis quoque, si posset, aliquid lucis, & commodi afferret. Nihil negotij fuit, impiā superstitionem sic apertam facere, vt ipsi quoque impuræ sectæ cultores eam potuerint agnoscere, & palam fateri. Sed gens perfida, in auaritiæ, & libidinis cæno prorsus immerfa, ad vitæ mundiciem difficilè emergit. Paucis diebus in Mozambico vtiliter consumptis, vbi perficiundæ nauigationis tempus fuit, nauim iterum conscendit, & emenso latissimo inter Arabiam atque Indiam iacentis maris tractu, Goam peruenit. Cum que sabato, sub noctem mediam, Collegium esset ingressus, sequenti statim die concionem habuit in templo maximo, tota concurrente & admirante ciuitate. Vbi Gonzalus in India pedem posuit, mox prouinciæ curam suscepit; qua in re ita se gessit, vt neque domestica illum negotia à procuranda proximi salute quidquam abstraxerint, neque à demandato sibi munere rectè obeundo.

ista pietatis officia auocarint; neque vlla siue
 suorum, siue externorum occupatio ab excolendo
 veris solidisque virtutibus animo retardarit.
 Concionari cœpit omnibus dominicis festisque
 diebus, tanta populi frequentia, & fructu, vt ne-
 que locus ad multitudinem capiendam, neque
 ad excipiendas pœnitentiũ confessions sacer-
 dotes sufficerent. **N**um ex nobilibus plurimi,
 & quod rarius est, ex militibus non pauci, muta-
 ra viuendi consuetudine pœnitentiæ, & Eucha-
 ristia sacramento hebdomadis singulis, raro exẽ-
 plo, nec disparti compendio, frequentare cœpe-
 runt. Duo quædam, magni vtrumque ad rem
 Christianam promouendam moventi, ab Indi-
 co prætor, qui tunc erat Franciscus Barretus
 de Lima, Gonzalus petiit. Vnum fuit, vt ij, qui
 ab infidelitate ad Christi fidem venerant, sicut
 erat in Regiis mandatis, in omnibus Reipublicæ
 muniis, in quibus aliquid vel utilitatis esset, vel
 dignitatis, præferrẽtur ceteris infidelibus, multo-
 q; quàm illi, benigniùs & liberaliùs tractarẽtur.
 Alterum, vt diligenter caueretur, ne quis ex toto
 Gentiliũ grege intra Goanam urbem palam
 aut occultè profana sacra faceret. Prætor, vt erat
 prudens ac pius, vtrumque facilis libensque con-
 cessit. Principio igitur, Gonzalo instigante, sedu-
 lò curatum, vt quamprimum omnia tum utilia,
 tum honorifica Reipub. munera, quæ infideles
 gerebant, ab ipsis ablata, & aliquo siue utilitatis,
 siue honoris aucta incremento nouis Christianis
 conferrentur. Deinde præconis voce editum, ne
 quis omnino, cuiuscunque esset dignitatis, fortu-
 na

næ, cōditionis, auderet Gœ gentlicos ritus aut cæremonias publicè priuatimve vsurpare; si quis secùs faceret, grauiſſimas eū pœnas luiturū.

~~~~~

*Ad rem Christianam apud Indos tuendam, & amplificandam uehementer animum intendit.*

## C A P. X I I.

**Q**UANTVM hiſce legibus res Chriſtiana promota ſit, inde perſpici poteſt, quòd cū antea aded pauci religionem noſtram amplecterentur, vt Franciſcus Rodericius Goani collegij Rector dicere eſſet ſolitus, optare ſe, vt quot in anno dies ſunt, tot ſaltem in eo Chriſtiani fierent; illo tamen ex tempore tam ingen-  
~~tes~~ <sup>tes</sup> hominū greges In Eccleſiæ caulas turmatim ingreſſi ſunt, vt paucos intra dies octoginta quatuor ſupra octingentos, primis verò duobus à Gonzali aduentu annis, cum magna fidei exiſtimatione ad tria millia veritati adhæſerint. Fuit in hiſ ex Mahometana ſuperſtitione Mea-  
 lis cuiuſdam Decanij Regis conſanguinei filia, fœmina clariſſima, iniquiſſimè ferente & maximè repugnaute patre, impuræ ſectæ ſic addi-  
 cto vt in ea colēda, & propugnāda nemo illo iis in locis aut prior eſſet, aut ardentior. Ceterū de huius virginis magnanimitate, & conſtantia  
 de

de parentis Mealisfurore, de eximia prætoris Barreti in illa adiuuanda, & isto compeſcendo prudentia & dexteritate, ſatis ea ſint, quæ alij luculenter ſcripſere. Ad alliciendos aurem ad Chriſti fidem infidelium animos maxime curauit Gonzalus, vt ij qui ſe Chriſto adiungerent, apparatu, quoad fieri poſſet, exquisitiſſimo, Chriſtianis ſacris initiarentur. Itaque Baptiſmus, quem prouincialis primùm Goæ inſtituit, hunc in modum celebratus eſt: Pridie eius diei, qui pueri Ieſu Circuſiſioni eſt ſacer, veſpertinis horis in templo ſancti Pauli ſolemniter decantatis, plurimi Goani ciues eleganti ac pretioſo induti veſtitu, equiſque inſidentes pulcherrimè phaleratis, certo ex loco in publicum prodeunt. Inter eos miræ magnitudinis & bellè inſtructus graditur elephantus lanceis onuſtus arūdinis, vt futuræ pugnæ arma ſuppeditet. Militari ergo ordine, atque in ſpeciē certaminis aptè diſpoſiti ad ſocietatis Collegiū equiſ ferūtur. Ibi ante ædiū veſtibulū, vbi patēs arcæ ad rē apta, ~~ſolatio~~ in duas diuiſi turmas, veris aliàs præliis diu multūq; aſſueti, fictū ineūt ſumma cū peritia certamen. Adfuit ſpectaculo cum cætera nobilitate prætor Barretus, augendi religionis opinio-nem percupidus; qui cū ex Neophytis quidā in ludicra illa pugna equitandi iaculandique artificio reliquos ſuperafflet, militari ritu, ac diſciplina, vt in bello ſolet, equitis illi honorem & inſigne contulit. Poſtero die ad primam lucem ab omnibus ordinibus ingenti concurſu in templum itum: ſacrum myſterium pontifica-



li magnificētia celebrauit Ioannes Nonius Barretus ex Societate Iesu Æthiopiæ Patriarcha. Vbi rei diuinæ finis, ducta per claustra collegij pompa solemnī, qua immortalī Deo debita fieret gratulatio. A prandio coacti vnum in locum Neophyti, armis & vestibus eximiè ornati, cum signis ac tympanis, cætero que apparatu bellico sese primū in apertum dant; tum ad Collegij templum, inde ad vicinam domum, in qua erant Catechumeni, progressi, obsidentium atque pugnantium more eam circumstant; intusque receptos ingenti fistularum dispositione, festisque acclamationibus ex ordine salutant. Interim domo egreditur prætor nobili armorum stipatus comitatu, dumque ad templum pergit, obuiam fit Neophytorum cohorti, perque speciem concurrendi, vehementer in ipsos impetu irruit. Illi contra alacres agmen claudere, vim declinare, sclopos ordinatim displodere, fortiter irruptioni resistere, & tandem fictum hostem repellere, seque incolumes integrosque seruare. Hisce obiter peractis, eadem Neophytorum comitante manu venit in Collegiū prætor, atque inde simul cū Patriarcha & cæteris ordinibus ad Catechumenos se confert, eosque illustri pompa ducit ad templum. Erant strata plantarum frondibus, & odoriferis herbis ac floribus viæ: dispositæ certis locis arbores integræ, ut amœnitatem conciliarent, domorum parietes prætioso lecti peripitasmate ex auro & argento variique generis serico scitè contexto. Pende-  
bant è fenestris stragulæ vestes, opere persico  
conspicue

conspiciendæ, & Ormusiana tapetia materia & arte nullis secunda. Odoriferi passim liquores in vias effusi, & odores alij suauissimi certis locis expositi. Inter hæc tympana, tubæ, tibiæque & musica alia instrumenta distinctis spatiis compositæ personabant. Factus est ad spectaculum incredibilis Ethnicorum concursus, in quibus Brachmanum è genere plurimi; qui cum viderent Christiana sacra tanto honore coli, & superstitiones suas omnino contemni, misto cum indignatione dolore, miserandum in modum disrumpebantur. Illud etiam ipsos malè torsit, quod se irritos crederent ab elementariis pueris, dum isti mentito Brachmanum habitu, in saltatorio ludo agerent choreas. Trecenti ferè cælesti lauacro erant expiandi, nouis omnes induti vestibus, & ad Baptismi celebritatē aptis,serta ex floribus in capite, albos in manibus gestabant cereos. Quæ præmitti solent ex Ecclesiastico ritu ante Baptismum cæremoniæ, eas Gonzalus ad ostium templi, vt moris est, exhibuit viris, sacerdos alius fœminis; abluendi munus Patriarchæ relictum. Pro multis prætor, pro reliquis nobilissimi quique Lusitani sponponderūt. Suscepto Baptismo noua illa sanctitatis germina, ex aqua & Spiritu sãcto regenerata, apto disposita ordine, cereisque accensis ad arã maximam accedunt, & ante augustissimum Eucharistiæ Sacramentum procumbunt prona, proque accepto fidei & lauacri beneficio gratas æterno Deo, & Christo Iesu eius filio habent & agunt infinitas. Tum renouati ludi, & equestria spectacula

Etacula finem festo lucique attulere. Hæc ideo  
 latius forsitã, quàm instituti mei ratio postulat,  
 narrare libuit, vt intelligi queat, quantam Gon-  
 zalus in illis orientis orbis plagis sua auctoritate  
 & industria rei Christianæ occasionem fecerit.  
 Enimuero ex ea Baptismi celebritate crebris per  
 gentilitatem rumoribus dissipata, effectum est,  
 vt in dies singulos ad Christi ouile gregatim E-  
 thnici ventitarèt; vnde non multò pòst intra v-  
 num & eundem mensem ducenti & amplius  
 lustrali aqua sunt expiati. At non id tantum cu-  
 rabat Gonzalus, vt Christo Ethnici nomen da-  
 rent, sed etiam vt firma fide vitam, & optimis  
 moribus fidem illustrarent. Non mediocrem  
 quoque adhibebat diligentiam, ne quid ad vi-  
 ctum cultumque pertinens egenis deesset, rectè  
 intelligens apud eos, quibus cara paupertas non  
 est, fidem, cætèrasque virtutes rerum indigentia  
 periclitari. Hac de causa in Castella ac vicos Goæ  
 vicinos, inque Salzetana cõtinentis terræ oppida  
 aliquos ex societate assiduè mittebat, qui solici-  
 tè quærerent, an Neophyti illis in locis habitan-  
 tes aliqua rerum siue spiritualium, siue tempo-  
 raliũ difficultate præmerètur. Vnde cùm agri-  
 colæ nonnulli Euangelij audiendi causa con-  
 fluerent Tanaam, ibique ab incolis infidelibus  
 malè haberentur, nec possent commodè fidei  
 doctrinam percipere, obtinuit Gonzalus à Præ-  
 tore, vt in locum conuenirent vñbi vicinum, in  
 quo & sine dispendio viuerent, & fidei præce-  
 ptis cum fructu instruerentur. Locus is breui pa-  
 gus euasit, accipiens à Trinitate nomen; ac sub  
 ipsum

occasionem



ipsum statim sui initium centum quinquaginta numeravit incolas Christianos, apud quos, simul vt eos honoraret, simul vt ad altam quandam atque sublimē de Christiana religione opinionem animo concipiendam erigeret, noui cuiusdam ex eadem gente sacerdotis primum sacrificium, quanta potuit magnificentia, & splendore celebrauit. Facienti enim Diaconus ac Subdiaconus assiscebāt, quod erat locis illis & tēporibus perrarū. Conuocati insuper omni ex parte musici & symphoniaci, quos India tūc optimos habebat. Tādē prātor ipse nō solū rei diuinæ voluit interesse, verumetiā in cōmuni cum reliquis triclinio accumbere, nouūque prope se in eadem mensa habere sacerdotem: qua ex benignitate mirum est, quā incredibilis excitata sit in illis Christianis cum summa admiratione lætitia.



*Contra hæreticos & alios infideles fidei causam agit.*

### C A P. X I I I.

**D**V M Gonzalus hisce rebus intentus diligentem Christo operam nauat, ecce Goæ renunciatur, quendam ex Nestoriana hæresi, mentita Episcopi dignitate, Malabaricam oram pererrando, illis in agris Christiano aratro nondum bene subactis impiam facere sementem

tem. Nulla interposita mora, adscito socio Melchiorre Carnerio, Cocinū, notissimā Indię urbē, ad ostiū Mangatis fluminis, à qua regno nomen, magnis itineribus cōtendit. Inde Malchiorē eadem super re Canaorē misso, quā præmiis, quā pœnis nihil omnino non mouet, vt pestilentem fatorem deprehendat. Fit voti compos. Hæreticus ipse, nemine cogente (veritatis ne studio, an metu compulsus, incertum) Patrem adit, per se se errorem fatetur, peccati veniam, & remedium petit. Gonzalus successu lætus rem defert ad Prouisorem, qui Episcopi loco erat, & res fidei curabat, nondū in India constituto sanctę inquisitionis tribunali. Prouisor Hæreticum hominem Ecclesię reconciliat, errore deposito, & palam abiurato. Veruntamen ne ad pristinos rediens mores, quod aliquando vsu venit, fœdo contagio alios corrumperet; effectum Gonzali opera, vt in Lusitaniam opportunè mitteretur. Cum tanto propagandæ atque tuendæ fidei ardore Sylueriam inflammari, ac propè consumi, per illas regiones omnium rumoribus percrebuisset; quo quisque Christianam religionem vtcunque offendi norat, id ad ipsum, vti ad hereticæ prauitatis censorem, quamprimum deferrebat. Inter alia exhibitum quoque chirographum illi est, impiis in Christum maledictis & execrationibus refertum, quod in capsula colligendæ transeuntium eleemosynæ, ad templi ostium collocata, cum reliqua stipe fuerat inuentum. Suspiciatus pater id, quod erat, auctorem sceleris fuisse aliquem origine Hebræum,

E corum

corum de numero, qui foris simulant Christi fidem, intus Iudaicæ perfidiæ tenacissimè adhærent, cœpit statim in hoc genus hominū, atq; in dānatam sectā adeò studiosè, & scitè pro concione inuehi, vt breui tēpore omnes ferè, qui execrandæ petulantiz vel auctores, vel fautores & conscij extiterant, detecti, in carcerem detrusi, debita pœna fuerint multati. His verò ex rebus data Sylueriæ occasio scribendi ad Regē, & maiorem in modum postulandi, vt si Christi fidē, quam eximè colit, quamque tantopere propagare desiderat, seruata in Oriente velit, operam det, vt pontificia auctoritate tribunalia in India erigantur, in quibus electi in Lusitania viri, prudentia, literis, & sanctimonia præstantes, Religionis causas pro dignitate pertractent. Ita factum est. Atque hoc tam singulare beneficiū, quo Christiana fides in Oriente hodieque facta tecta conseruatur, Gonzali literæ peperere. Vt autem erat in pietatem eximiè affectus, ita & illos, qui pietatis causā vi & armis tuebātur, toto animi & corporis conatu adiuuabat. Cū esset Goæ, certò nūtio affertur, Melicum Chiauli dynastam maximis copiis ad oppugnandam Lusitanorum arcem in eadem vrbe sitam ex continente profectum, intra breuissimum tempus adfuturum. Prætor rectè sciens admodum infirmas esse in arce vires ad oppugnationem sustinendam, proindeque certissimum esse in mora periculum, cum paucis militibus, quos potuit raptim cogere, actutum nauim conscendit, atque ad propugnandos socios summa celeritate profi

proficiscitur. Discedens tamen à Gonzalo petit, vt ipse, qua est apud omnes auctoritate, & dicendi vi populum Goanum excitet, vt in tanta rerum omnium difficultate periclitatibus sociis subsidio currat; nec rem, non tam Lusitanam, quàm Christianam pessum ire sinat. Capit Gonzalus demandatam sibi à prætorè prouinciam. Nec mora, signo dato aduocat concionem. Adest subito frequentissima Ciuitas. Suggestum ipse cōscendit, grauitè causam explicat; impendentis periculi magnitudinem proponit, vt diligenter ac sedulò auxilium ferant, vehementer adhortatur. Paucis, inquit, vobiscum agam, viri Lusitani; nec enim longas moras instantia pericula patiuntur. Quo in statu res nostra Chiauli sit, probè nostis. Neque ego eam meliùs, quàm vestri vobis animi declarabunt. Paululum, obsecro, apud vos considerate, quidnam sit, nobilissimam Lusitanorum arcem fortunæ relictam, in Asiæ totius luce, à Mahumetano hoste Christianæ religioni & nomini infensissimo (quod Deus omen auertat) expugnari. Parum quidem erit, socios vestros, amicos, ciues, propinquos per omnia dura & aspera exercitos, miserè vexatos, bonis omnibus exutos, victosque tandem ac victos barbarorum manibus & crudelitati committi, ferro cædi, in frustra dissecari. Creditis ne, illa vna nostrorum carnificina satiandam, dirri hostis sæuitiam, aut ea tantùm præda eius auaritiā fore contentam? Haud extinguitur cupiditas habendo, sed accenditur: neque expletur sanguine crudelitas, sed excitatur. Nisi obuiam

malo itur, clades illa nostræ erit principium ruinæ. Aut enim Melicus victoriæ elatus huc arma superbè inferet, aut quod est procliuius, huius capiendæ vrbs spem faciet hosti potentiori. sed hæc minora. Agitur in illa oppugnatione vestra per totum orbem existimatio; & quod est longè grauissimum, honor & dignitas fidei Christianæ. Fingite animis, à Melico non admodum potenti & formidando hoste captâ Chiauli arcem, & propugnatores ipsos partim cæsos, partim in seruitutē abductos: Quid tū putatis reliquum, nisi vt illa tot victoriis ac triumphis, tantaque ac tam incredibili maiorum nostrorum virtute in Oriēte parta, perque omnes orbis terrarum plagas longè latèque diffusa Lusitani nominis celebritas, veluti momento pereat? Dum subitò crebris fama rumoribus falsa inuoluens veris, totam per Asiam, indeque per Africam, & Europam vulgat, superatos ab imbelli Indo Lusitanos, iam ab Chiauli finibus locisque aliis esse pulsos, & abesse parum quin à tota India summo cum dedecore & ignominia expellantur. Iam verò, quod me magis angit, quoniam ruet res Christiana? Num dubitare possumus, quin Lusitanorum arce ab infideli hoste capta, magnam iacturam fides nostra sit habitura? Vt enim cōpertum omnibus est, religione stare imperia, atque eam demum firmam esse fortunatamque republicam, quæ vnus veri Dei fidem & pietatem constanter colit; ita nemo vestrum ignorat, ad propugnandam conseruandamque in hisce gentibus Christi religionem, permagni interesse, quàm



quàm feliciter cum hoste congregiamur, quo euentu geramus bella, quàm fortiter vim illatam repellamus; nec posse res nostras, sine maximo fidei incommodo, detrimentum pati. Sed quid ego meis vos sermonibus demoror? ite, ite alacres, quò vos Deus, quò Lusitani Regis nomen, quò nominis vestri decus, quò tandem cuncta diuina & humana iura vocant. Imperatorem vestrum sequimini præeuntem. Addite vos illi & in periculo & in gloria socios. Vix dicendi finem Gonzalus fecerat, cùm magna in tota concione excitatur admurmuratio, atque ad arma clamantium strepitus.

Ergo bellico omnes spiritu agitati, templo confestim exeunt, domos petunt, arma capiunt, ad litus se proripiunt, parata nauigia conscendunt, è portu soluunt, velis remisque properant, Chiaulum appellant. Hæc autem omnia adeò promptè festinèque expediunt, vt ante vigesimum diem auctore & comite Gonzalo tanta Lusitanorum militum copia ad Chiauli oram præstò prætori fuerit, quanta in tota Indica ditione, in grauiissimis difficultatibus cogi potest. Defuit tamen votis occasio; nam cùm summo tenerentur congregiendi desiderio, hostem, quo cum configerent, haud reperere. Vbi enim Melicus rem nouit, adeò graui perculsus terrore est, vt obsidione statim soluta, turpi fuga sibi, suisque consuluerit. Quandoquæque Gōzalus castra sequebatur (quod faciebat nō rarò, ac tum potissimum, cùm ad bellum prætor ipse proficiscebatur,) in eo totus erat, vt militum animos

salutaribus institueret præceptis, atque ad ob-  
eundam, si mori in prælio contingeret, Christia-  
no ritu mortem egregiè præparabat. Ob hanc  
causam non solum militarem turbam oblata op-  
portunitate ad locum aliquem cogebat, ibique  
apprehenso manibus crucifixi Christi simula-  
cro, & conscenso tumulo, si quis erat, vel saxo  
pulpiti loco, vt videri audiri que facilius posset,  
de Diuina in primis caritate, qua qui moriens  
caret ad inferos deiicitur; de fide, de obedientia,  
de Iustitia, de vera fortitudine, de recta confes-  
sionis, & Eucharistiæ sacramenta suscipiendi ra-  
tione, deque id genus aliis militi necessariis vti-  
liter differebat: sed etiam quocunque se loco oc-  
casio & tempus dabant, pœnitentiæ lauacro ex-  
piabat, vt purgatis ritè animis nullisque pecca-  
torum stimulis conscientiam pungentibus, con-  
stantius & alacrius in pericula ruerent. Per  
id tempus Constantinus Iamij Brigantino-  
rum ducis filius, Theodosij frater, regio  
præfectus cubiculo, vir omni virtutum ge-  
nere cumulatus, summo cum imperio in In-  
diam ab Rege Sebastiano missus, vt eam pro-  
uinciam, quã pro Petro Mascaregna vita functo  
Franciscus Barretus prætor tenebat, Prorex ad-  
ministraret, anno superioris seculi quinquage-  
simo octauo, ingenti bonorum omnium exul-  
tatione Goam appulit. Nihil potuit tanti Prin-  
cipis aduentu iucundius Gonzalo nuntiari.  
Nouerat optimos viri mores, & in Christi fi-  
dem, atque in omnem pietatem valde propen-  
sam naturam. In magnam proinde spem addu-  
ctus

etus est, fore, ut res Christiana sub eius auspiciis maximum esset per totum Orientem habitura incrementum. Nec ipsum sua spes fefellit. sic enim Constantinus in omnibus officij sui partibus integrè se gessit, tantumque sua auctoritate & industria per barbaras illas nationes Christi fidem propagavit, stabiliuitque, ut hoc in genere nihil ferè desiderari ulterius potuerit. Multa Gonzalus ad pietatem attinentia à Constantino petiit, & facilè impetrauit. Inter reliqua illud, ut celebre & magnificum toto Oriente templum Thomæ Apostolo, Indiæ patrono, Goæ erigeret. Petitionis causa fuit, quòd anno post ipsius Constantini in Indiam aduentum secundo, (is erat à Christo nato quinquagesimus nonus post millesimum quingentesimum) Narfinghæ Rex cum præpotente exercitu, in quo sexaginta & ampliùs armatorum millia, & Elephantorum ingens copia, Choromandelem inuadens, præter multos mortales in seruitutem inde abductos, plurimamque magni pretij & varij generis suppellectilem, sacras etiam abstulit beati Apostoli Thomæ reliquias, arcula affabrè & scitè laborata inclusas, quæ Meliapore asseruabantur. Quamquam Rex barbarus, ubi nouit ea capsula prædictas reliquias contineri, quas sciebat apud maiores suos in summa semper veneratione fuisse, religione correptus, eam quamprimum restituendam curauit. Cùm igitur hæc de re inter Proregem & Gonzalum sermo fortè incidisset, opportunum Pater bene merendi de Beato Apostolo, cui maximè erat deditus,

64 *Vita Gonz. Syluer. Lib. I. Cap. XIII.*  
occasionem nactus, accusare cœpit Goensium  
cuium incuriam, quòd in ea vrbe, quæ totius In-  
diani Imperij caput est, nullum haberent tem-  
plum, quo ipse Indiæ patronus, tam in ipsos be-  
neficus ac salutaris, priuatim coleretur. Sed ni-  
mirum hæc tibi, inquit, inclyte Princeps debe-  
batur gloria. Te vnum Thomas expectabat, à  
quo dignâ meritis suis, dignam tua magnificētia  
ædē acciperet. Vix ista Gonzalus. Prorex verò,  
quo erat in Apostolū animo, pro tã grato sibi cō-  
silio gratias patri ingētes agēs, extēplo misit, qui  
darent operi initium, & quanta fieri celeritate  
posset, fanum extruerent amplitudine & ele-  
gantia clarissimum. Quod propter operarum  
multitudinem, & necessariæ materiæ abundan-  
tiam breui perfectum est. Nequeo sine piaculo  
præterire, quod est à multis obseruatum, omnes  
Gēriles, qui in hac extruptione operam posuere  
(erat autem magnus eorum numerus) Apostoli  
Thomæ precibus adiutos à superstitionū te-  
nebris ad Euangelicum splendorem transiisse.

VITÆ



# VITÆ GONZALI

SYLVERIÆ, SOCIETATIS

IESV SACERDOTIS, IN

vrbe Monomotapa mar-

tyrium passi,

## LIBER SECVNDVS.

*Prouincialis munere in India perfūctus ad pra-  
dicandū Cafribus Euangeliū designatur.*

### CAPVT PRIMVM.



ANNVS agebatur humanæ sa-  
lutis quingentesimus quin-  
quagesimus nonus supra mil-  
lesimum, cū Gonzalus pro-  
curatione Indicæ prouinciæ,  
quam ferè triennio summa fi-  
de, nec minori exēplo administravit, Antonio  
Quadrio relicta, ad disseminandū per eas na-  
tiones Christi Euangelium sese accingit. Re igi-  
tur cum Deo prius communicata, ab eodem  
Quadrio quanta potest animi contentione pe-  
tit, facultatem sibi faciat eundi ad Cafres, quibus  
per id tempus veritatis iter tot annorum milli

E s bū

bus clausū, aperiri tandem diuina benignitate  
 cœptū erat. Cafres populi sunt ad eā pertinētes  
 Æthiopiam, quam Ptolemæus maiorem vocat.  
 Australem incolunt Africæ partem, quæ inter  
 Prasum promontorium & Hesperios Æthio-  
 pas ab Oriente in Occidentem plagam longissi-  
 mo terrarum tractu protensa, gentes continet  
 feritate barbaras, linguis & moribus diuerfas,  
 multitudine innumerabiles, locis infinitas. Re-  
 gio ipsa Ptolemæo & aliis veteribus geographis  
 olim ignota. Apud eosdē Æthiopas pro Impe-  
 riorum diuersitate varia nomina sortitur. Ara-  
 bes & Persæ communiter, vocant Zanguibar;  
 incolas verò tum Zanguinos, tum Cafres, id est,  
 sine lege gentem. Nos mutuata ab ipsis appel-  
 latione, populos vniuersim Cafres; regionem  
 euulgato iam ac recepto per orbem vocabulo  
 Cafriam dicimus. Multi & varij sunt in hac  
 plaga Principes: reliquis opibus & copiis anteit  
 Rex Monomotapæ, hanc ob causam Impera-  
 toris loco habitus. Mozambico vicinior, &  
 propter eboris permutationem notior Lusita-  
 nis Rex Tongis est. Huius filius per eos dies  
 Mozambicum veniens, Christi fidem prædicā-  
 te Lusitano, & mentem intus Spiritu sancto per-  
 mouente, Gentilicæ execratus ineptias lustrali  
 aqua tingi voluit. Sebastianus Sala Sofalæ arcis  
 præfectus, vir nobilitate & pietate clarissimus,  
 Tongensis Principis votum, vt par erat, mirificè  
 probans, illum in primis idoneo tradidit cate-  
 chistæ, Christianis præceptionibus imbuendum;  
 statuit deinde, vt maxima totius insulæ celebri-  
 tate

tate & omni apparatu ornatuq; visendo, Baptisimum susciperet. Quibus rebus perfectis in patriam princeps reuersus, Lusitanorum quorundam seprus comitatu, Regi patri & cæteris regni primoribus Christianæ religionis veritatem, cælestis lauacri virtutem, exhibitos sibi à præfecto, atque ab aliis honores diligenter exposuit; eosque in eandem religionem quanta vi potuit, pertrahere conatus est. Fratris suasu & exemplo princeps natu maior non difficile permotus, iamque se Christo adiungere percipiens, Mozambicum cogitabat, cælesti laacro expiandus, fuissetque ablque dubio profectus, nisi Rex pater profectionem impediisset, certò pollicitus effecturum se, vt ab Mozambico, primo quoque tempore mitteretur aliquis, à quo & catechesi instrui, & sacra vnda ritè perfundi possent. Itaque ad hoc obtinendum destinatur idem Princeps, qui receptum Euangelium suis denuntiabat. Is Mozambicum reuertitur, à præfecto petit patris sui verbis, Tongem mittat, qui fidei nostræ doctrinam Tongëtibus explicet, & Regem ipsum, Reginam, Principem, dynastas, ac gentem reliquam diuino liquore abluat. Præfectus Sala negotij conditionem expendens, iudicat opus esse, vt Indicum Proregem faciat certiorum, simulque ab eo petat, aliquos ad eas gentes mittat viros, literis & virtute præstantes, qui frangant esurientibus panem, & in tenebris atque in vmbra mortis sedentibus Euangelicæ veritatis lucem ferant. Accepto nuntio Prorex, rem totam societati committit. Prouincialis Quadrius

drius à Deo primùm per orationes quærit, quid & qua ratione sit agendum: petito deinde à Patriarcha Nonio, aliisque religiosis consilio, omnē suam ac suorum operam offert Constantino Proregi. Cùm ergo vellet ad eam prouinciam aliquos designare, nec minùs de vñlo, quàm de Gonzalo cogitaret; ecce tibi idem Gonzalus tanto animi ardore tantæque constātia ab ipso petit, inter alios, quos ad hoc munus delegerit, se vñm ne prætereat, ea vt iniecta Prouinciali religio sit, fore vt non homini quidem sed Spiritui sancto resistat, si Gonzali desiderium, & petitionem repellat. Eius igitur votis satisfacit, & eundem ad Cafres concedit facultatem. Si quis rem hanc humano tantùm expendat iudicio, Prouincialem Quadrium, eiusque consiliarios non iniuria inculcabit, quòd virum talem ac tantum, quo per id tempus maiorem, pluribusve commendabilem nominibus, neq; in Oriente, neque alibi fortè societas habebat, per summas rerum variarum difficultates, & aperta vitæ pericula, non tam ad incertam barbarorum conuersionem, quàm ad certam mortem misisse videantur. Nam si de India tantummodo agitur, quantum societatis intererat, eum Goæ virum habere, qui nobilitate, literis, prudentia, vitæ sanctimonia, rei communis studio cæterisque rebus adeò erat excellens, vt esset prorsus nemo, apud quem auctoritate & gratia non plurimū valeret? Quis enim eo vel ad querenda miseris subsidia benignior, vel ad conciliandas inter se dissentium voluntates potentior



rior, vel ad castigandam morum licentiam feuerior, vel ad excitandum in hominum animis amorē pietatis ardentior? Quid à summis, ab infimis, ab omni sexu, atque ab omni ætate non obtineret, qui omnibus erat summè carus, summè iucundus, summè vtilis, nulli prorsus onerosus? Iam verò quid esse causæ poterat, cur incerta ac dubia Castrum ad Christum conuersio certissimis Lusitanorum & Gentilium tam corporalibus, quàm spiritualibus commodis anteponi deberet? præsertim cum ad pertractandos barbarorum animos, aptiores fortasse fuerint, qui & natura & ingenio non nimis ab ipsis discrepant, modò iis sint præditi virtutibus, sine quibus nihil in hoc genere rectè fit. Quare si ad humanæ rationis calculos reuocanda res erit, non deerūt qui Prouincialis consilium improbent, quod & ipsemet, & ipsius consiliarij visi sunt improbasse, cum statim à Gonzali profectio, ac si eos facti pœniteret, mirari satis non possent, quonam tandem modo hominis precibus, quamquam feruidis & piè importunis, vinci se passi fuerint. Cæterum Spiritus ille Diuinus, qui à fine ad finem attingit fortiter, & omnia disponit suauiter, cum præparatum Gonzalo haberet insignem apud barbaros vitæ mortisque triumphum, eam Quadrio, aliisque eiusdem consilij patribus iniecit mentem, vt quasi inuiti & nescientes id efficeret, quod postea factum à se, vehementer mirarentur, & si fieri posset, infectum vellent. Alia verò ex parte ad eam difficillimam prouinciam expetendam

dam ac procurandam duo præcipuè Gonzalum permouere ; Primum incredibile quoddam iuuandi omnes atque ad Christum perducendi desiderium ; quò erga illos Æthiopiarum populos tanto ardentius inflammabatur, quanto eos videbat reliquis ferè orbis nationibus à Christi cognitione remotiores , & ob eam causam cæteris mortalibus longè miseres. Alterum, aspera omnia & aduersa propter Deum tolerandi immensa quædam litis, quàm neque in Lusitania explere potuerat neque in India poterat. Quæ aliquândo auditus est dicere, dum hoc iter animo agitare, hîc referre operæ pretiû duco; sic enim ille secû, O Castrû gēs nō minùs nunc animo , quàm corpore atra & deformis, quam opto, quamque etiam spero, vt purissimo sacri Baptismatis liquore perfusa nigrum animo colorem breui depellas. Vtinam iam inter vos ac vobiscum essem, Æthiopes mihi carissimi, vt Iesum Christum Dei filium , eiusque potentiam & maiestatem nota vobis efficerem. Faxit sempiternum illud numen , cuius prouidentia mundus gubernatur, vt mihi intet vos vitæ finis sit, proque salute vestra mortem sustineam crudelissimam, atque ita illud assequar, quod summopere desidero; ea nimirum in me exerceatur crudelitas, vt omnia corporis mei membra mille in particulas minutatim concidantur. Quid pati possum tam graue, tam durum, tam asperum ac difficile perpassu , quo satis queam compensare quantum debeo optimo parenti Christo , quantumque eius causa me agnosco  
vobis

vobis debere, pro quibus ille præcutis clavis Cruci suffixus, & sæuissimis confossus vulneribus sanguinem totū effudit suum? Hæc secum & his similia Gonzalus, antequam ad Cafres destinaretur, veluti proludens, ingentes subeundi martyrij fouebat animo spes.



*Ad Cafres cum sociis proficiscitur.*

## C A P. II.

**D**ESIGNATO ad Æthiopicā legationem Gonzalo duo additi socij sunt; Sacerdos vnus, Andreas Fernandius; Laicus alter, Andreas Costa, nota vterque probitate vir, & negotio aptus. His comitatus sub ipsum profectio- nis articulum adit Prore gem, quo salutato ac valere iussu, acceptisque insuper ab ipso ad Reges Tongis & Monotapæ literis ac pretiosis muneribus, Chiaulum contendit. Paratam ibi reperit nauim onerariam, qua in Sofalā conducendus erat Pantaleo Sala, Gonzali propin- quus, vt Lusitanorū arcu cum imperio præesset. Chiaulo feliciter soluit idibus Ianuariis, anno Christi nati M. D. LX. Toto nauigationis tempore pietatis & Religionis operibus sese exercuit. In Beatissimam Virginem Deiparam, quam viæ ducem ac præmonstratricem delegit, eius studium præcipue enituit: meditandis enim illius virtutibus & ornamentis integram diebus singulis horam à prandio decreuit, quandiu du-  
raret

raret nauigatio. Primos tredecim dies, coactis ex mandato Nauarchi ad horam certam atque ad certum naus locum quorquot in ea ex militum & nautarum genere vehabantur, non minori omnium voluptate, quàm fructu, de magnæ Matris laudibus summa animi contentione dixit, instituitque, eodem Nauarcho assentiente, primùm vt vno quoque sabbato, deinde vt diebus singulis eiusdem sanctissimæ Virginis litanie solemniter decantarentur. Nec verò beatissima Virgo pietati defuit suorum; ipso enim purificationis die nauigantibus monstrauit terram, cuius aspectu plures dies caruerant. Sed repentinus casus gaudium turbauit; tanta enim de repente tamque insolens, ea anni tempestate exorta procella est, vt integram noctem mari toto errarint, incerti de via. Cumque ventorū vi nauim retrò agi crederent nautæ; ecce tibi illucescente die iterum Mozambici terra, & in ea eminens templum Deiparæ Virgini, cui à propugnaculo cognomen, religiosè dicatum, summa omnium lætitia & acclamatione cominus monstrantur; vt nemini dubium fuerit, quin Virgo sanctissima mediis in vndis nauim rexerit, tutamque ad portum adduxerit; & singulari beneficio gratam se suarum laudum prædicatori simul, & auditoribus exhibere soluerit. Obseruatum est, quo primùm tempore apparere terram nauicularius clamauit, Gonzalum recitandis horariis precibus intentum, tunc illum Psalms 104. versiculum dicere, Expādit nubem in protectionem eorum, & ignem

vt

vt luceret eis per noctem, quæ ille omnia præfenti Deiparæ patrocínio accommodabat. Vtque igitur ad portū appulsa naui, & facta deſcentio eſt, Gôzalus ſubitò ad illud ipſum Virginis templum, quod apparuerat, nudis pedibus ſe confert, aliquot ibi dies permanet, aſſiduæ intentus orationi, nec ſummis Papatæ leonis precibus moueri poteſt, eius vt domum diuertat; tâdiuque inibi permâſiſſet, donec intermiſſa in Monomotapæ urbem nauigatio repeteretur, niſi acerrimè obſtiſſet Franciſcus Barretus, iſ qui Indica functus prætura Proregi Conſtantino imperium ceſſit. In Mozambico tunc Barretus erat, quam in Inſulam, cùm in Luſitaniam nauigaret, maris fortuna fuerat delatus. Vbi ergo accepit Gonzalum in eo Virginis ſacello commorari, nec alibi eſſe velle; hominem conuenit, diſcalceatum reperit, & repugnantem vi penè adigit, vt inde in ipſius domum ſe recipiat. Quæ fuerit Gonzali frugalitas, quantæ animi moderatio & in conuictu vſuque cõmuni temperantia, præterire ſine reprehẽſione non poſſum. Cùm nauigium partim detineretur malacia, partim aduerſis ageretur ventis, atque eorum vi diſtractum nauigationem faceret ſolito tardiorẽ, prudens nauicularium inceſſit timor, ne deficeret cõmeatus, niſi ad anguſtas parſimoniz regulas ſe ſtringerent. Mandatum ergo cellario, vt quotidianũ victum cautius arctiũſque diſpenſaret. Gonzalus eo tempore, quia facere aliter non poterat, ad ipſius nauicularij menſam, quæ nullis arctabatur par-

simoniæ legibus, sumebat cibum, eam tamen moderationem ibi seruabat, vt præter communem portionem, quæ recenti naui lege cuique fuerat statuta, ac si vnus esset è naualibus sociis, nihil ampliùs reciperet. Cubiculo in naui utebatur exiguo & perangusto, nec vlla peruiosa fenestella, quæ posset vento inspirari. Ab eo Gonzalus in maximis solis ardoribus, quibus per illam Africæ oram terreri ac decoqui nauatæ solent, ne momento quidem recedebat, nisi inde vel proximi caritas, vel honesta necessitas ipsum extraheret. Idem vt socij facerent, vehementer ab eo commendatum. Dicebat enim in hisce navigationibus illud certissimè vsu venire, vt religiosi, qui fastidij leuandi causa se in publicum dant, aliorumque conuictui & colloquiis intersunt, non illis tantùm careant suauissimis animi voluptatibus, quibus perfruuntur ij, qui ab hisce rebus se abstinēt, qui silēt, qui suis se continēt latibulis; verùm etiā si quid habebāt spiritualis succi, totum id, veluti ardentissimis expositum æstibus, penitus amittant. Quas autē Gonzalus inter nauigandum cælestes hauserit voluptates, vel inde colligi potest, quòd affirmare ausus sit, in ea se navigatione fuisse expertum, Deum esse cibum, qui multò meliùs in mari, quàm in terra animis sapiat.

CAP.



*E Monzambico in Inhambanem soluit,  
& inde ad Regem Tongis unum è  
sociis præmittit.*

### C A P. I I I.

**V**BI Mozambicum Gonzalustenuit, mox ad Tongensem profectionem animum applicuit. Cùm verò Pantaleo illa ipsa naue paucis pòst diebus in Sofalam esset profecturus, possetque Gonzalus, si vellet paululum subsistere, eadem commodè vehi, moræ impatiens, quia nihil tunc habebat potiùs, quàm vt Tongis Regem & Reginam Euangelij splendore illustraret, sacròque Baptismi lauacro perfunderet, relicto Pantaleone, eiusque nauigio, Zambucum conscendit, & ad urbem Tongem dirigit iter. Est Zambucus, nauigij genus ex palma plerumque, ex alia quandoque materia confectum. Latera habet non ferreis, aut ligneis connexa clavis, sed cæiro, hoc est, stupeo quodam filo, canabi & sparto simili confata. Cæteris ferè rebus incommodum, vna sola securitate laudabile. Nisi enim vi procellarum aut fluctuum dissuatur, maris pericula egregiè euadit. Nam ad breuia, & syrtes impactum sine damno est, cùm maris æstu recedente, quibusdam nixum furculis, veluti in pedes rectum, in vado consistat. Gonzalus igitur cum duobus domesticis sociis,

totidémque externis, Quadragesimæ tempore, Mozambico soluens, per immensos solis ardores, ac non mediocres alias cæli salique difficultates relicta Sofala, ad Inhambanê, qui primus est Tongensis Regni portus, defertur. Ab ipso statim appulsu morbus cum grauissimus sic inuasit, vt penè ad exitum eius vitam adduxerit. Quo enim primùm die ab Inhambanis portum appulit, ingenti humorum copia adguttur confluyente, parum abfuit, quin suffocaretur. Acies verò oculorum sic hebetata est, vt iplis apertis nihil videret. Ad hæc, præ debilitate vix corpus versare, vix caput tantisper attollere, vix alia præstare leuiora. Ex quo subinde factum, vt ingrauescente in dies morbo, non semel se ad obeundum diem compararit, de martyrij beneficio cæteroquin certus. Hunc ergo in modum animo & corpore vehementer afflictus, qua potuit ratione, ægerrimum corpus sustulit, manibusque ac pedibus reptando, in locum vicinum traxit, vbi sub arboris vmbra confidens, sublati in cælum oculis, corde magis, quàm voce, Cafrariæ negotium, vt credere par est, cum Deo agit. Tum ad Deiparam conuersus, quam eo die, (sabbatum erat) colere impensius solebat, ad inceptum opus prosequendum, eius apud filium opem, operamque efflagitat. Ab hac oratione actutum febris recedit, & vires sensim restituuntur. Vt habere meliùs cœpit, ad inchoatum opus refert animum, atque ab Inhambanis portu, qui ab vrbe Tonge leucas fermè triginta terrestri itinere distat, cum

Casri



Cafribus quatuor Andream Fernandium mit-  
rit, vt de suo aduentu Regem moneat. Breui ac  
facile Tongem Cafres perueniunt ; tanta enim  
sunt agilitate corporis, vt volare potiùs videan-  
tur,quàm pedibus incedere. Andream tamẽ, qui  
vt animi submissionis præberet exemplum, Ca-  
frum humeris vectari recusauit, magno prorsus  
stetit, tanta eos celeritate comitari: sed vires ho-  
mini Deus suffecit: nam si quod exhiberet de-  
fatigationis specimen, nullo ab iis haberetur in  
pretio, & in via forsitan relinqueretur ; tantum  
inexpedita aptaque ad ambulandum corporis  
compositione putant esse momenti. Vbi ad vr-  
bem ventum , Regem Andreas conueniens,  
Gonzali verbis salutat. Illum Rex satis honorifi-  
cè, pro more suo, ac beneuolè excipiens læto  
animo esse iubet ; & paulò attentius intuens,  
vehementer miratur, quid in tam senili ætate,  
(valde enim senem ex canitie reputauit, quam-  
uis non esset) tam longum iter tanta celeritate  
pedibus confecisset. Illico mandat, vt ad defe-  
rendum Gonzalum aliqui quàm ocysimè pro-  
ficiscantur ; inter eos , in signum cuiusdam  
præcipui honoris , nonnullos etiam mittit  
sibi sanguine coniunctissimos. Interim Andreas  
Fernandius hospitio tenui, sed pro gentis vsu &  
more, satis nobili, & amplo , ad quietem exce-  
ptus , regiis muneribus & salutationibus foue-  
batur. Frequenter ad eum Regis filij ex patris mā-  
dato ventitabant, & propositis de religione va-  
riis vltro citròque dubiis ad multum tempus  
sermones trahebant. Inter alia munuscula ipso

primo die. Elephantis dentes ad Andream Rex misit, quos ille habita primùm ad eodem Rege facultate interpreti donauit. Dum hæc ita se habent, ex recenti itineris labore, atque ex nimia cœli solique inclementia grauissimum Andreas morbum contrahit, quo & propter vim febris & propter extremam rerum omnium inopiam acerbissimè vexatur. Lectus illi nuda humus; cibus, præter pulcem ex Indici milij farina cum sale mista, aliud prorsus nihil. Hac ratione cum per dies aliquot, humanis remediis omnino destitutus, grauissimè affligeretur, ope tandem diuina, ante Gonzali aduentû, febri solutus est.



*Tongis situs, & incolarum mores describuntur.*

#### C A P. I V.

**T**ONGE regia vrbs est, & regni caput, ultra æquatore gradibus circitet tribus & viginti ad austrum sita. Magno alluitur flumine, quod inibi maris æstuario exceptum, propter immistam saluginem, incommodos habet ad potum latices. Nec alibi in vrbe aqua ad bibendum apta, nisi à remotis fontibus importetur. Loco iacet humili, montibus intercluso, & imperuio ventis. Totum per annum, tribus aut quatuor duntaxat mensibus exceptis, cum videlicet ad Cancrî tropicum sol cursum efficit, tanta æstus vis, vt torreti omnia videantur. Insigni

signi cœli & soli malignitate, aduenis maximè, noxia est, & penè intolerabilis. Prope loca maritima tantum communiter pluuiarum est, quantum ad humanos vsus satis. Summa in continenti siccitas; ex qua oritur, vt sæpe segetes vel non nascantur, vel natæ humoris inopia, ad maturitatem non perueniant. Indicum milium terra fert, fabam, cicerem, phaseolum, & cætera ferè legumina. Gallinam nutrit abundanter: boum genus locis paucis & parcè, minorem pecudem pluribus & largiùs. Communis incolarum victus elephanti caro est. Magna huius armenti per agros & syluas copia, qui eius venationi incumbunt, certo à reliquis differunt signo, quod etiam inurunt filiis, vt discernantur ab aliis, qui eo de genere non sunt. Ad hanc venationem centum quinquaginta Cafres plerumque coeunt. His distributa officia, partim elephantorum greges agris palantes quærunt; partim propè nemora, arctos ad tramites, quibus angustus est ad interiorem syluam aditus, armati securibus occultantur. Priores fugere in nemora elephantos compellunt: posteriores, cum bestia per angustas illas semitas singulatim (plures enim simul vnus aditus non capit) cæco sese impetu in syluam recipiunt, magna vi, & dexteritate earum poplites sic à tergo feriunt, vt vel statim, vel paulò pòst, cum tantam corporis molem sustinere non possint, in terram concidant. Hoc vbi factum, vtraque simul conuenit venatorum caterua, & cæsa animalia in frustra secant. Proboscidem, quæ pars est potior, regi

destinant; reliquam inter se carnem, eburque partiuntur; atque illam ad esum, hoc ad commercium seruant. Vulgus vna antè & altera retrò pelle tantùm pudenda regit; cætera nudum. Nobiles linteum induunt ex gossipio, sex vel septem longum vlnas; illud stringunt in medio, cingulis ex arboris corrice confectis: appendunt insuper à collo gladiolos, filo adeò breui, vt vix infra alas demittantur. Ex nobilioribus aliqui Indicis vruntur vestibus; mediisque brachiis, & cruribus, siue ex ebore, siue ex æte, cui apud illos maius pretium, armillas sibi circundant, ornatus causâ. Arma omnibus communia, præter gladiolos, de quibus dixi, sagittæ sunt, & fræmæ. Ad virilis sæuitiæ & feritatis ostentationem, capitis capillos variè intorquent, & in cornua figurant. Ditiore extremis cornuum partibus induunt aurum, vt elegantiores videantur. Fœminæ sibi vestes modo suo texūt, iisque teguntur, additis à pectore & tergo globulis plurimis precarios imitātibus. Mille in capite effingunt orbiculatim formas, abradis ad id capillis. Castres portò omnes, qui Tongēsi Regi obediūt, ex iis ferè sūt, quos patrio vocabulo vocāt Mocarangas, genus hominum non nimis ad malum procliue. Multò maximam Castrariæ partem tenent alij, ingenio nequiores, quos Botongos appellant. Hi ex damnata Mahumetis superstitione circumcisionem acceperunt, nihil aliud. Omnes communiter vllum esse in mundo Numen, vllum post mortem præmium aut pœnam, vlla in hac vita bona vel mala opera, infician

ficiantur. Itaque neque idola, vt deos colunt, neque vitæ alterius vllam habent in gerendis rebus rationem. Cùm quidquam à quoquam fit, tūc fieri rectè putāt, cùm fit ex arbitrio & sentētia facientis. Auguriis, veneficiis, incantamentis, magicis præstigiis ita dediti sunt, vt ab iis difficillimè auellantur. Cùm quis apud ipsos diem obit, eius mortem diligenter occultant, & quo sepeliant loco, aliis vt ignotum sit, sedulò curant. Creduntur enim secum mortem ferre, qui cum moriente, aut mortuo fuere, & ob id facilè ab amicis deferuntur. Omnem cuiuscunque morbi & mortis causam in aliquo homine sitam esse putant. Vt verò eum agnoscant, veneficos consulunt, quibus tantam habent fidem, vt quem ipsi designant mali auctorem, confestim si possunt, è medio tollant. Ita paulò ante Gonzali aduentum Rex Tongis fecerat. Cùm enim ex veneficis accepisset filiū, quē per eos dies amiserat, ideo fuisse mortuum, quòd alius quidam eius instrisset vestigiis, statim misit, qui miserum hominem ferro confossum auferret è viuīs. Vocum & instrumentorum cantibus maximè delectantur. Choreas exercent, variāsque in iis bellatorum actiones imitantur. Nunc enim vel obsidentes urbem hostes, vel ciues ab hostibus obsessos, nūc milites repente coortos, multis simul partibus inimica castra inuadentes; nunc acies ad ineundum prælium aperto in campo hinc inde expositas; nunc alia eiusdem generis compositis artificiosè saltibus mirificè referunt. Ad hæc spectacula pro-

deunt, tum rebus aliis, tum etiam leonum ac tigrium pellibus, aliorumque animalium exuviis, more suo, diligenter exornati. Pelles sic implicant corpori, ut cum, pede stantes in vino, summa celeritate se in gyrum vertunt, amplos in orbem aperiant sinus; quod in primis magnificum & visu delectabile apud ipsos existimatur. Cum dissolutis choreis ad suum se quisque locum recipit, captam pede arenam tam altè proiicit, ut aciem vincat oculorum. Quando stabilire aliquid iuramento volunt, vel terræ pugillum, vel incensam fauillam manu sumunt, & insufflantes demittunt in terram, tum iureiurando rem affirmant, aut negant. Solemnior alius est iurandi modus, atque is talis: Primùm ante bellicum Regis tympanum, cuius ad leucas quatuor auditur sonitus, poplitè flectit iuraturus: eius deinde corio dextram imponit: tum illud osculatur: demum hæc ipsi, ac si non tantum sensum & rationem, sed etiam diuinitatem habeat, verba facit: Iureiurando adigor confiteri, an tale crimen susceperim. Si factus reus sum, en adsum, cædite me; si culpa careo, ne patere innocenti mihi vitam eripi. His dictis, manum iterum tympano imponens, osculumque repetens, surgit. Tanta verò illis barbaris in hac tympani carimonia religio est, ut credant illico moriturum, qui eo modo falsum iuravit. Impensè venerantur Mosibum (sic appellare videntur fortunam, quam & Arabes nonnulli, & alij Ethnici Nasibum vocât.) Hunc Mosibum & suis maioribus fuisse, & sibi quoque

que aiunt esse propitium, cum faustè res cedūt. Huic acceptum referunt, quòd gratia valeant. apud alios, quòd prosperè negotia agant, quòd lucrentur. Et verò, licèt Cafres vniuersim nec Deum colant vllum, vt dixi, nec immortales esse hominum animos agnoscant, eorum tamen nonnulli ex frequenti cum Lusitanis & Satacen- nis consuetudine Numen aliquod esse faten- tur, quod Vimbe vocant, & immortalitatem concedūt animorum. His religio nostra vtcun- que arridet; sed ingenio adeò sunt obtuso, & crasso iudicio, vt puerorum instar, facile susci- piant Christianam fidem, facile relinquant sus- ceptam. Quid enim hominis interfit, Christi le- gem profiteri, & seruare, haud satis capiunt. Hoc tam illis ex hac mentis hebetudine consecu- tamen tum est bonum, quòd cum superioribus annis ex Mahumetana impietate quidam, cuius igno- ratur nomen, multò maximam Cafrae par- tem fœdissimis pseudoprophetae erroribus im- buerit, prater circumcisionem, quam vt suprà memoraui solùm retinent Botonghæ, nullum prorsus aliud nefandæ superstitionis vestigium in hisce hominibus relictum sit; vt ad Christia- na sacra suscipienda, hac etiam ex parte minùs sint impediti. Cum tanta animi tarditate con- cordant gentis mores. Hi planè ferini sunt, nec vlla culti disciplina. Nihil nisi commodi sui cau- sa, faciunt. Deberi sibi, ac sua esse credunt omnia, quæ dono accipiunt: vnde nulla apud ipsos beneficiorum memoria. Si quem ex iis insigni aliquo beneficio mane afficias, & leue A tibi

tibi ab eo exhiberi officium vespere desideres, nisi pretium soluas, non obtinebis. Iustitiæ, cuius tantus est splendor, ut latere non possit, ne nomen quidem agnoscunt. Id sibi licere putant, quod libet. Sua cuique voluntas agendi lex est. Nec timore Numinis, nec amore virtutis à scelere manus abstinere. Furta, cædes, adulteria, & quidquid grauius est, cum nihil ab iis, quos lædunt, sibi timent, facillimè perpetrant. Filij à parentibus ne leuiter quidem increpiti, quantumuis ipsis non solum scientibus; sed etiam spectantibus delinquant. Quare illa omnium domina ac regina ratio, vix maius in his, quam in bestiis, à quibus omnino abest, exercet imperium. Veruntamen Lusitani sunt prudentia & iudicio præstantes, atque in illis Castrariæ regionibus diu multumque versati, quibus gentis natura, morèque optimè uoti, qui negant Cafres sic esse natura rudes, ut nequeant bonis moribus imbui, si excolantur; illamque peruersè viuendi, perque omnia scelera liberè vagandi rationem non ad ingenitam eorum feritatem, sed ad inueteratam inter ipsos per tot secula & ætates impune agendi consuetudinem, putant esse referendam. Compertum enim est, eos ab incultis illis Æthiopiarum saltibus in Lusitaniæ vrbes oppidaque abductos politioris vitæ vsu mitescere, & humanis atque etiam urbanis moribus assuehieri.





*Tongem Sylueria defertur , &  
Regem regiosque baptizat.*

## C A P. V.

**G**ONZALVS sub ipsas sanctioris hebdomadæ ferias, morbo diuina ope, vt dixi, superato, postquam sacra morientis ac resurgentis Christi mysteria, concurrentibus ad Inambanis portum omnibus, qui circum erant, Lusitanis, Ecclesiastico ritu celebrauit, mox Castrum humeris sublatus, Tongem defertur. Vt autem ipsum, & eius socium Andream Costam aduentare audisset Andreas Fernandius, sicut erat, corpore admodum imbecillo, & viribus penè consumptis, contineri non potuit, quin procul ab vrbe obuiam procederet venientibus, & se infirmum infirmis coniungeret. Gonzalus enim nondum erat viribus confirmatus, & ipse Costa valetudine etiam utebatur valde incommoda: vbi ad congressum venire, vix dici potest, quanto, inter præclara fraternæ caritatis & benevolentiae signa vtrunque exhibita, gaudio spiritus perfusi sint. Non putauit Gonzalus sibi cunctandum. De via fessus, nec satis consistens, Regem adit, datas ipsi à Constantino Prorege literas offert, aduentus sui causam exponit. Hisce rebus maiorem in modum lætus Rex, ita in primis literas accepit, vt se à Prorege singulariter honoratum, palam testificaretur. Mox  
Regi

Reginam, principes filios, cæteramque domus suæ nobilitatem ad audiendum Gonzalum acciri iubet. Adest frequens aulæ regiæ nobilitas. Adsunt & alij Cafres notæ inferioris, nobilibus permisti. Tū attentis omnibus ac stupentibus de Christi fide dicere Gonzalus aggreditur, primaque ponit Christianæ doctrinæ fundamenta. Pauca eo die inculcata; reliqua in sequentes omiſſa, & pedetentim expoliſta; donec aptè omnes Christianis præceptionibus instructi, & cælesti lauacro idonei iudicati. Tum verò celebritate, ut locus ferebat, maxima, splendorumque rerum variarum apparatu, lustrali aqua simul aspersi Rex, Regina, Regij liberi, propinqui nobiles permulti, & quotquot ferè in aula erant. Constantini nomen impositum Regi, in memoriam & magni Constantini Imperatoris, sub quo florere Christiana religio olim cœpit, & Constantini Brigantij tunc Indiæ Proregis, de ipso Tongési Rege, deque eius ad Christi conuersione optimè meriti. Regina Catharinæ, Reginæ soror Isabellæ nomen accepit. Illa à Catharina Ioannis Tertij Lusitanorum Regis coniuge, & Caroli Quinti Imperatoris sorore, hæc ab Isabella Odoardi Principis vxore, Iamij Brigantinorum ducis filia, atque eiusdem Proregis Cōstantini sorore. Regis filij & alij viri principes alijs quoque Lusitanorum principum nominibus honorati sunt. Septem hîc hebdomadas commoratus Gonzalus est; quo tempore tantum Christo adscripsit Æthiopum numerum, quantum studiosissimus quisque posset optare,

optare, sed non erit à loco alienum, quid ipse hac de re, ad socios, qui in India erant, è Cafraria scripserit, ex quadam eius epistola proponere. sic enim post alia: Duplici ego de causa, carissimi fratres, hæc ad vos scribo: prima ut illud meminerim, quod nemo vestrum ignorat, neque ignorare potest, si Deo, eiusque obsequio iuxta sacrosanctæ obedientiæ præscriptum totos nos ac penitus tradiderimus, fore, ut ille nobis vita & salus sit, omniâque ad vitam & salutem necessaria abundantissimè suppeditet: altera est, ut intelligatis, cum morbo aliquo vel alio vitæ incommodo Dei causa præpedimur, tunc ipsum per se nostra gerere negotia, & otiosam atque inanem esse hominis operam, quando sine illa aliquid sibi diuina bonitas agendum assumit: quare siue vllam sanitatis passi iacturam, siue aliis inuoluti malis à proposito retardemur, ferenda nobis æquo animo omnis rerum vicissitudo est, ac tota nostri, nostrorumque negotiorum cura in Deum iactanda; ipsique infinitæ semper agendæ gratiæ, quòd efficere solus velit, quæ nos ob animi nostri elationem & prauitatem corrumpere potius, quàm efficere mus. In nobis ipsis obseruate, carissimi fratres, quod dico. Cum enim grauissimo omnes teneremur morbo, essemusque ad omnia planè inepti, multò plus diuina præstitit bonitas, quàm viribus integris sperare, aut etiam cogitare nos ipsi poteramus. Nihil igitur nostra ægritudo nobis, aut Castrum conuersioni incommodauit; quin potius magnum attulit adiumentum, ut &

virium

virium nostrarum infirmitatem, & immensam Dei clementiam melius agnosceremus. Quod ad me attinet, in Monomotapæ regnum, Duce numine, propediem proficiscar. Aiunt plurimum illic Dæmonem artibus suis, & præstigiis valere, nec miseros tantum Cafres vanis superstitionibus irretitos dare in barathrum præcipientes; sed iis quoque, qui à vero Deo stant, insidias tendere, & miris in eos modis sæuire. Ego cælesti fretus auxilio diaboli vim & dolos nihil timeo. Tantum opto, ita me Deus iuuet, ab eius diuina voluntate ut ne latum quidem vnguem vnquam discedam. Hoc ut præstem, vestris mihi precibus obtinete.



*Tongis Rege sacra vnda expiato, aliquot post dies relictis sociis in Mozombicum Gonzalus reuertit.*

## C A P. VI.

**T**ONGENSIVM Rex Christi militiæ feliciter adscriptus, illud inprimis sedulò curauit, ut per literas Baptismi beneficium Proregi Constantino, secundum Deum, referret acceptum. In Conimbricensis Collegij Societatis Iesu archiuio literarum exemplar repertum est, Lusitana lingua scriptum, quod in Latinam bona fide

na fide conuersum hoc loco ponam. Excellen-  
tissime Domine, nolim ad litteras tuas respon-  
sum à me expectas aliud, quàm quod ab eo  
dari potest, qui à veri Dei cognitione, atque ab  
amore Christi Iesu libertatis humanæ assertoris  
tot annos alienissimus fuit. O quantum toto an-  
teactæ vitæ tempore à recto veritatis tramite  
aberrabam, dum omni ope & opera conabar po-  
pulos mihi subditos in officio continere, nec  
curabam interim, ut æterno Principi ac Regi  
regum Deo debitam præstaremus obedientiam.  
Non possum equidem tuam in me beneuolen-  
tiam, & caritatem non summo opere mirari. Fa-  
me consumptus miserè peribam, sed tu, Inclyte  
Constantine, ac tuus in primis Rex, firmissimum  
religionis columen, meum mihi porrexisti pa-  
nem, ad Christi, inquam, fidem, ad cælestē lau-  
crum, ad diuinas Christianorum epulas nihil ta-  
le merentem, nihil tale cogitantem per mini-  
stros vestros me inuitalis & perduxistis. Laude-  
tur infinitè Deus, qui lucis suæ radiis mentem  
meam illustrat, ut apertè videam, quàm sublimis  
hæc sit, quam media Christi fide, inter nos con-  
trahimus, cognatio; quantumque mea intersit,  
cum potentissimo & maximo Lusitaniæ Rege,  
atque etiam tecum, qui pro illo rem Indicam  
administras, societatis iure esse ligatum. Quò  
enim enarrare valeam, quæ & quantæ ex hoc  
religionis & amicitiae vinculo mihi & regno  
meo proueniant utilitates, siue temporalia bona  
spectentur, quæ finem habent, siue æterna, quæ  
sunt perpetuò duratura? Talibus enim sociis ho-

nor nobis tantus est, vt esse maior non possit; redditus, & vectigalia summopere augentur; stabilitur regnum, eiusque securitas; & quod est longè optimum, magistros accipimus, à quibus docemur, & quonam modo rectè nunc viuere, & æternam postea consequi possumus felicitatem. Quare inuictissime Prorex, tibi ac Regi tuo me regnūque meum libentissimè offero. Quam verò ex animo hæc faciam, testis ipsa sit, cui me sacramento obligauī, Christi religio. Illud te multis ac supplicibus verbis oro atque obtestor, vt qui nobis per tuos salutis monstrasti viam, per eisdem, duce inprimis Deo, quantum erit in te, iuues, ne ab ea, vllis vitæ incommodis retardati, vel minimum desleētamus. Vale. Gonzalus etsi diebus singulis multos Tongenses per Baptismū Christo iungebat, nec putabat difficile fore, vt si in eo regno diutiūs persisteret, humani generis hostis ab eo fauente numine, penitus depelleretur; quia tamen maximi illius Monomotapæ Imperatoris ad fidem conuersio tandiū expetita, cuius potissimū de causa illud irer erat susceptum, vehementer ipsum vrgebat; re prius cum Deo communicata, statuit tandem relictis in Tongensi regno sociis, qui tam feliciter inchoatum ibi religionis opus prosequerentur, in Monomotapam proficisci. Regem igitur Constantinum adit; quid consilij ceperit, exponit; relictos socios, & nouum Christi gregem eius curæ ac fidei obnixè commendat, demum bona cum venia Inhambanem repetit. Multos in via Christianis præceptis prius informatos, quatenus

quatenus temporis ratio patiebatur, salutari aqua abluit; inter quos nonnulli Xequij, Betangarum reguli, fuere. Ad regna quoque vicina ex itinere diuertit, usque Euangelij lucem intulit. Cum iis verò, quos Christo lucratus est, Regis alterius, Tongensi potentioris, filius fuit, quem Mozambicum secum duxit, ut solemniter ibi pompa, & apparatu magnifico Christianis Sacris initiaret. Rex autem ipse non solum passus est ab se filium abduci, verum etiam Gonzali prædicatione in rem Christianam egregie affectus, & se fidelium numero aggregari, & fidei nostræ leges suo in regno ab Euangelicis præconibus diuulgari percipiebat. Sed res in tempus aliud opportunè dilata. Ad Inhambanis igitur portum peruenit Gonzalus; inde Mozambicum contendit, ut nauigium & reliqua ad Monomotapicam profectionem necessaria compararet.



*Gonzali socij post maximos labores,  
apud Tongenses exantlatos Mon-  
zambicum atque Indiam  
repetunt.*

## CAP. VII.

**F**ERNANDIVS, & Costa Gonzali socij,  
cùm ob alias causas, tum ab eam maximè pa-

tris disiunctionem ægerrimè tulere, quòd eius carere cogerentur conspectu, quo adiutore ac socio nullas difficultates, quæ in hoc promulganda fidei ministerio solent esse plurimæ, & grauissimæ, nulla etiam incommoda pertimescerent. Sed illud inprimis eorum animos sollicitabat, angebatque vehementer, quòd parentem optimum, desertum à suis, atque omni humano auxilio destitutum, per ignotas Castrum regiones, perque immensos animi & corporis labores in apertissima vitæ pericula ire permisissent. Cæterum à Gonzali discessu, sic ut erant mœsti & anxij, ad fidei negotia conuertère sese; cœperuntque pro sua quisque facultate gentilicas superstitiones radicitus extirpare, hostiliter veneficia persequi, dæmonum fallacias & præstigias prodere, vnius veri Dei cognitionem animis inferere, immortales esse mentes hominum, & decreta post hanc vitam bonis præmia, malis supplicia, aliâque Christianæ, religionis dogmata ad salutem necessaria palam facere. Mirum, quantum laboris & molestiæ in hac vinea colenda Andreas Fernadius potissimum exorbuerit. Haud erat difficile, barbaris Castribus persuadere, Christi ut legem acciperent; id quidem nullo ferè negotio faciebant: sed eniti, ut semel acceptam ritè seruarent, neve suos cum illa miscerent errores, id erat egregio patri non modò difficile, verum etiam valde periculosum. Nam cum ad veneficia, incantationes, sortilegia, supersticiosos iurandi modos, atque ad alia flagitia, ex pristina consuetudine redirent, ob idque à Fernandio



nandio reprehenderentur, præcipiti infania fur-  
rentes sic in ipsum facto agmine irrebant, ut pa-  
rum sæpe abfuerit, quin sagittis confossus inter-  
ierit. Duo potissimum erant mala, quæ barba-  
ris illis sic adhæserant, ut quàm difficilimè ab iis  
auelli possent. Vnum ex Mahumetana & Gen-  
tilica turpitudine ortum, quo plures sibi quis-  
que, cum quibus simul viueret, cõparabat vxor-  
es: Alterum ex antiquata Iudæorum lege  
deriuatum & mordicus retentum, quo frater  
vnus alterius fratris, absque liberis deceden-  
tis, coniugem matrimonio sibi copulabat.  
Cum ergo Fernandius enixè contenderet, ut  
qui nomen Christo dederant, ab vtraque  
impietate penitus abstinerent, nève cum luce  
tenebras, cum Christo Belial coniungerent, eius  
monita & obiurgationes adeò iniquè ferebant,  
ut perciti furore eiusdè oculis & collo frameas,  
manusque frequenter intetarint, sublato etiam  
clamore, quo se inuicem hortabantur, ut repre-  
hensores suos vel ferro caderent, vel iniecto  
igne simul cum domicilio absumerent. Verum-  
tamen tantus tamque præceps barbarorum fu-  
ror vi diuina coercitus innocentis vitæ pepercit,  
quam truculenti Regis sæuitia sanis irritata  
consiliis absque dubio eripuisset, nisi eius quo-  
que conatus eadem vis diuina irritos fecisset.  
Sunt apud Cafres quidam, quos Sangas ipsi vel  
Sengos vocant, vulgò habentur sapientes; cum-  
que cæteros nequitia superent, & veneficiis ac  
superstitionibus sint impensè dediti, eos tamen,  
qui hisce maleficis artibus se dedunt, ut homi-

insimulatus

num generi valde noxios, hostiliter persequuntur. Quem verò esse veneficum declarât, quamvis ab eo crimine longè abât, is statim & veneficus creditur, & eo nomine punitur. Huius ergo maleficiij insimul à Sangis apud Regem Ferdinandus est; idque duabus potissimum rationibus & ab illis probatum, & à Rege creditum. Prima, quòd id ætatis cùm esset (propter canitiem enim plusquam centesimum annum putabatur excedere,) tantam haberet animi & corporis firmitatem, ac robur, ut vi & laborum tolerantia iuuenes superaret: altera, quòd librū manibus gestaret (id Breuiarium erat,) eiusque folia percurreret ac legeret; nam cùm typici apud illos characteres non essent, nec vlla ratio similium librorum, quid liber ille, eiusque voluntatio aliud esse posset, quàm veneficium, non intelligebant: vulgata per barbaros fama, Ferdinandum esse veneficum prius fermè creditum, quàm dictum est. Quapropter non alij tantum, sed ipsi quoque Sangi valde ipsum metuebant, vehementerque oderant, & quoad poterant, eius conspectum vitabant. Cùm verò de extirpandis atque extinguendis veneficiis Rex aliquando cum Sangis egisset, de eorum consilio statuit, ut ipsi summa adhibita diligentia veneficos & veneficia tota vrbe quærerent, & tanto terrore populum liberarent. Illi comparata armatorum manu postquam alia lustrarunt loca, veniunt ad templum, ut si qua ibi veneficia sint, uno & eodem cum reliquis inclusa vase deferant ad Regem. Rei pater conscius ad ianuam exit,

exit, ingredi volentes aditu intrepidè arcet, acerbè increpitat, vas de manibus eripit, in terram deiicit, pedibus conculat. Tanta hominis libertate attoniti barbari, continent manus, nec mali quidquam inferre audent. Erant inter Sangas duo, Regis frater vnus, Reginae alter; patris isti factum considerantes nonnihil conquesti sunt, additis etiam de futura vindicta minis. Dicebant enim grauissimam Regi iniuriam fuisse à patre illatam, quæ nisi eiusdem morte, non posset debite expiari. Ille eadem, qua Sangis restitit constantia, his quoque respondit, paratissimum esse se ad oppetendam pro veritatis assertionem ac defensione mortem, nec posse quidquam sibi felicius contingere, quàm vt pro sempiterna Regis atque omnium Tongensium vita temporalem ipse vitam amittat; denique nulla prorsus rerum difficultate, aut mortis metu, suo se officio defuturum. Ea est horum barbarorum fatuitas, vt credant Regem suum pro arbitrato cogere in sublimi nubes, statis temporibus pluuiam segetibus dispensare, dominari ventis ac tempestatibus, mutare posse tempora, rerum vicissitudines & varietates efficere. Ex tam stulta persuasione illud oritur, vt cum alioquin vilius ipsum, quàm bouem, aut equum pendant, hac tamen ex parte miro colant obsequio & obseruantia. Si quando aliquos terrete velit, nihil illis minari potest terribilius, quàm si dicat effecturum se, ne suspensæ in cælo nubes soluantur in pluuias, desitque satis necessarius liquor. Rex Tongensis etiam post Baptismum gentilico more hanc fi-

etiam & inanem sibi vsurpabat potestatem, nec  
 tumidam mentem monitus deponebat. Pati id  
 diutius Fernandius non potuit: itaque oblata  
 aliquando opportunitate, frequentissima aula  
 in Regem inuehitur: Quid, inquit, tam superbè,  
 ac tam impiè tibi, Rex arrogas, quod tuum non  
 est? An nescis potentia esse diuinæ, non infirmi-  
 tatis humanæ, præcepta ventis nubibusque im-  
 ponere? vbi nam tibi cœli clauēs vt illud pro li-  
 bito aperias & claudas? Age verò, quādo te plu-  
 uia iactas auctorem, profer in hac hominum  
 frequentia, vel id tantum, quod nō est cognitu  
 difficile, qua nam ex materia nubes consistit,  
 cur in sublime tendant, qua vi huc & illuc a-  
 gantur, quid aliquādo in aërem, nonnunquam  
 in aquam dissoluantur? Si isthæc, quæ minima  
 sunt, & Philosophis non ignota, tu ipse ignoras,  
 quid nubium, quid pluuiarum, quid tempesta-  
 tum tibi imperium impudenter iuxta & ineptè  
 vsurpas? Agnosce communem rerum condito-  
 rem, cui in Baptismo fidem tuam iureiurando  
 adstrinxisti. Vnus hic est omnium Dominus; cu-  
 ius ditione ac numine geruntur omnia; qui hu-  
 manis rebus non solum vniuersis, verum etiam  
 singulis consulit; qui cursus astrorum, mutatio-  
 nes temporum, rerum vicissitudines, ordinesq;  
 conseruat; qui hominum commoda vitasque  
 tuetur. Hic est qui vapores è terra in sublime  
 tollit, cogitque in nubes, quique de thesauris  
 suis profert ventos, quibus eadem nubes huc il-  
 luc impulsæ, perque varias cœli stationes dissi-  
 patæ, atque in humorem resolutæ terram augēt  
 imbribus,

imbribus, non vno decidentibus imperu, sed guttatim defluentibus. Nūquid niuis aut grandinis officinas aliquando intraſti? Tu ne ille, qui tonitrus, qui fulgura, qui fulmina fabricas? Effice nunc ſi potes, vt aër repēte cogatur in nubē, & hæc in aquam reſoluta arentem humectet terram. Si nulla tibi ad hæc poteſtas, quid te pluuiarum mentiris patrem, ac miſerum populum fallaciter deludis? Id ſaltem vel ſemel effice, & tuam prædicabimus poteſtatem, ne iacentes campi, quos cernimus, matutino madefcant rore. Quòd ſi ne hoc quidem potes efficere, agnoſce eum, cuius à nutu pendent omnia, ſupera, infima, media; quique arbitrio ſuo cuncta diſpenſat. Homunculum te fatere vnum de multis, qui non minùs, quàm reliqui, miſeriis premeris, curis fatigaris, ærumnis conſumeris. Venerare Deū, qui te ac totum genus hominum benignè fouet, & ſuſtentat. His dictis, patefacta fraus, deſtructaque impia Regis de ſe & apud ſuos exiſtimatio, rationis enim vi coactus non dubitauit corā fateri, nullam ſibi in pluuias atque in id genus rerum eſſe poteſtatem. Magna Caſſres, qui aderant, tam apertæ confeſſionis tenuit admiratio, ſtatimque rei fama ab aula & vrbe egreſſa abſentium quoque aures compleuit. Sed erat de cunctis nemo, qui & Andreæ orationem, & extortam Regis confeſſionem eiſdem Andreæ beneficiis non adſcriberet. Aiebant maximum eſſe Sengum, cuius potentia Sengorum nullus, ne omnes quidem ſimul poſſent reſiſtere. Rex inter omnes cū bene grandem ſibi honoris &

auctoritatis partem ademptam crederet, non occultum modò in patrem odium fouere animo cœpit, sed externis etiam signis apertè illud declarauit. Ex eo enim tempore nec facilem volebat esse Fernandio aditum ad se, nec docilem præbebat autem diuina præcepta inculcanti, nec à gētiliciis superstitionibus, quamuis seuerè monitus, abstinebat. Regem ceteri imitati, angue peius patrem oderant. Vnde factum, vt toto biennio, quo illic fuit, incredibiles passus sit calamitates. Nam post Gonzali discessum, cum Andreas Costa multis & grauibus oppressus morbis, nec vllum iis locis haberet vitæ remedium, nec operam suam laboranti Fernandio posset impedere, eo inibi relicto Mozambicum petiit, gratia sanitatis. Fernandius ergo omnia extrema apud Cafres expertus, tantum mortuus non est. Nullus illi erat, cum quo, aut leuamenti causâ tantisper colloqui, aut sua consilia posset communicare. Multos sæpe diēs nihil prorsus edebat, quod ad vitam conseruandam videretur satis; nec habebat pecuniam, qua cibos emeret, neque eos poterat precariò parare, cum nullum beneficentiæ aut misericordiæ apud immanem illam gentem vestigium sit. Ne penitus fame periret, coactus est tenuem illam supellectilem, quæ sacris templi vñibus erat dicata, alimento permutare; iis exceptis, quæ profana fieri sine scelere nō poterant. Ad hæc lentā quadam consumebatur febris, quæ intimis infixā medullis ad tantum languorem corpus traxerat, vt nec membris vti, nec sensibus posset. Mors itaque

que illi perpetuò ante oculos obuersabatur, quàm nihil putabat sibi posse iucundius contingere, cum summo arderet desiderio vitam in tanta rerum difficultate & inopia propter Deum amittendi. Hæc vna cogitatio nonnihil eius animum tangebatur, ne fortè intumatum corpus putredine sua aërem inficeret, & aliquorum sanitati incommodaret. Certò sciebat, sepulcro cariturum, si illic moreretur. Nam cum Cafres à tangendis demortuorum cadaueribus adeò superstitiosè abhorreant, vt vix parentes, nec nisi admodum secreto, filios sepeliant, dubitare non poterat, quin mansurus esset insepultus, nisi adhuc viuens aliquod sibi quæreret sepulturæ remedium. Ne igitur iis mortuus noceret, quorum salutem tantopere viuens procurarat, hanc parandi sibi sepulcri iniit rationem. Ligneà erat domi arca, qua pro lecto utebatur: huius à tergo fossam excauat, excipiendo cadaueri idoneam, vt dum Cafres, quorum est nimia rapacitas & cupido, post eius mortem ingressi domum ad ea deripienda, quæ crederent in arca esse, in aduersam partem operculum leuarent, supra impositum cadauer suo pte pondere in fossam decideret, ac per eum modum sepultū maneret. Hoc erat Fernandi hisce de rebus consilium. Statuerat enim non priùs ab illis barbaris erudiendis desistere, quàm eum vires vitæque deficerent. Sed illa hominem cura vehementissimè vrgebat, quòd cum vulgò veneficus haberetur, nec ea opinio à Castrum animis vllò modo auelli posset, nullum ex suis maximis laboribus

intumatum

bus sperabat, fructum se consecuturum. Præterea Rex, quoniam paulò antè propter arrogatam sibi in pluuias potestatem acerbè fuerat à patre obiurgatus, & propter cōtinuas obrectatorum calumpias ita iam illum auersabatur, vt miserit, qui verbis suis nuntiaret, si vel momēto temporis in Tongensi regno vellet consistere, sciret sibi omnino vetitum, tam Christi legem vlli hominum prædicare, quàm patrios Tongensium ritus, & vsurpatas per tot secula tantaque omniū approbatione cultas cæremonias vlllo modo reprehendere. Quamobrem tali pater mandato accepto, adit Regem, liberè affirmat, in eas se regiones non ideo venisse, vt ebur, aut alias, quæ inde auehi solent, merces in Indiam vel Europam exportaret; neque esse se ex eo negotiatorum genere: mercaturam exercere multò nobiliorem; causamque aduentus sui, quod iam Rex ipse debeat satis agnoscere, non aliam esse quàm salutem animarum; ac proinde idcirco illuc cum sociis venisse, vt viam vitæ errantibus monstraret, vt sparsa Euangelij luce infidelitatis tenebras discuteret, vt ipsos diuinis imbueret præceptis, & in Christi ouile adduceret. His verò si operibus sibi interdicatur, nihil esse, quod eo in regno vltrà permaneat; multoque esse satius, vt quod sibi vitæ reliquum est, apud veteres Dei cultores, quàm apud impios desertores transigat. Velle igitur in Indiam, vnde venerat, reuertibi se dum vita erit, non cessaturum, summis Deum precibus obsecrare, vt misericordibus oculis Tongente solum benignè despiciat, nec sinat



sinat sementem fidei, faustis in illud initiis iactis,  
 luctuoso fine perire. Post hæc à Rege Fernan-  
 dius discedens, in Indiam profectus est; in quam  
 propior mortuo, quàm viuo peruenit: statimque  
 tum ipse per se, tum per alios internuntios, &  
 cum Indico Protege, & cum Rege Sebastiano  
 de Castrum remedio sedulò tractauit. Ex quo  
 tandem effectum, vt anno salutis humanæ M. D.  
 LXIX. non exigua ad illas partes classis mittere-  
 tur, in qua Euangelici erāt ex societate Iesu præ-  
 dicatores, qui vel sopitam fidem suscitarent, vel  
 expulsam restituerent.



*Gonzalus è Mozambico in fluium Ma-  
 futum, inde per Quilimanem &  
 Loabum in Senam oppidum  
 venit.*

### C A P. V I I I.

**I**Nterim Gonzalus paratis in Mozambico ali-  
 quor ad Monomotapæ Regē muneribus, vl-  
 tra illa, quæ à Protege in India acceperat, & re-  
 bus cæteris ad protectionem necessariis, quæ  
 omnia Pantaleo Sala arcis Sofalæ præfectus mu-  
 nificè & liberaliter illi donauit, quarto decimo  
 calendas Septembres, anno à partu Virginis  
 quingentesimo sexagesimo supra millesimum,  
 cum

Pinna

cùm lex Lusitanis, Francisco Borchiaro, Frãcis-  
co Costa, Aluaro Prima, Antonio Díazio, qui  
intèrpretem agebat, & aliis duobus, quorum  
ignota mihi nomina, Myoparonem conscendit,  
illamque Africæ oram legens, bonam eius par-  
tem secunda nauigatione transcurrit. Ante-  
quam ad fluminis Masuti ostium veniretur, tam  
fœda repente tempestas coorta est, vt dubium  
non fuerit, quin naue & nautis vndarum impe-  
ru absorptis imponendus esset nauigationi finis,  
nisi Gonzali preces obstitissent. Protinus enim  
editiorem ascendit Myoparonis locum, ibique  
sublatis in cælum cum clamore manibus, Do-  
mine, inquit, salua nos, perimus. Ad hanc vocem  
venti confestim ponunt, euanescent nubes, in-  
clarefcit aër, compressis fluctibus sedatur mare.  
Nec multò post ipso S. Hieronymi festo die flu-  
minis ostium superant, factaque descensi one  
plicatilem in littore excitant aram, in qua rem  
diuinam Gonzalus facit. Tanta tunc erat in cæ-  
lo, vt memorât, Solis vis, tam vehemens in So-  
le ardor, vt & Lusitani terræ calorem ferre cal-  
ceati non possent; & Gonzalo inter sacrifican-  
dum toto ex capite pustulæ eruperint, quas ta-  
men ipse naturæ reliquit curandas, cùm medica-  
menta non deessent. Tertio post die ad amnem  
Quilimanem, ex Cuama profluentem, vela fa-  
ciunt, eoque haud facili cursu vehuntur. Est in  
interiori Æthiopia latè patens lacus, trecenta  
longus miliaria. Tres ab eo exeunt celeberrimi  
totius Africæ fluuij, Nilus, Zaires, Cuama. Nilus  
in mare internum, Cuama aduerso cursu septem  
& octo

& octo ostiis in externum influit. Ex his ostiis duo cæteris grandiora, alterum, cui Loabus nomen, ad australem plagam gradus septem cum dimidio ab æquatore distat: ab Euronoto versus aquilonem excurrit, & ingentem aquarum copiam immittit in mare. Alterum Quilimanes est, de quo loquimur. Hoc magis in Septentrionem flectit, primumque à Mozambico in Europam nauigantibus occurrit. Cedit Loabo aquarum multitudine, à quo triginta leucis disiungitur; nec potest, nisi sex tantum anni mensibus, nauigari. In ista duo vario flexu ac reflexu cætera influunt refluuntq; Cuius brachia. Totum ferè terrenum, quod hoc flumine alluitur, campestre est. Gens locis variis nonnihil diuersa, magna ex parte deformis visu, & cultu horrida; Nonnulli rubram cretā, ficulneo quodam oleo, & aliis ingratis medicamentis coagmentatam, incrustant capiti, lima dentes expoliunt; labrumque inferius perforant, æreoque aut stanneo frusto foramen opplent. Quoad religionem & mores, magis sunt belluis, quàm hominibus similes. Nullum agnoscunt numen, nulla inter ipsos iustitia, nulla fides, nullum flagitiis supplicium: nulla ferè virtus ex iis, quæ in generis humanæ Societate cernuntur. Pudori enim, probitati, integritati, bonis artibus nullus est locus, suis tantum student commodis; & si quid esse putant è re sua; id nisi aliter possint, per vim & insidias sibi vindicant. Denique vna tantum corporis figura differre à bestiis videntur; adeò rationis lumen deprauati mores extinguunt.

tinguunt. Sunt in Quilimane flumine animalium genera complura, hisce nostris locis ignota. In his Hippopotamus ab Indico valde diuersus: fœdum animal, & nimium deforme: caput illi figura asturconi simile, magnitudine tam enormi, vt aperto ore iustæ homo staturæ vtramque inter malam stare rectus possit: media in fronte stellam habet: cauda eidem perextingua, & quæ vix cauda sit: crura breuissima; breuissimi item pedes, & in stellam desinentes; parte quippe extrema anserinis similes, ad natandum aptis: dies agit in aqua, noctes in terra: communis illi cibus herba est: hanc per campos, & prata noctu quærens hinnitibus implet auras: cum satur ad flumen regreditur, tanta fertur vi & celeritate, vt oppositas etiam arbores perumpat, ac secum rapiat. Crocodilum etiam hic amnis gignit, non illi absimilem, quem Nilus habet. Præter pleraque eorum, quæ de Nilico scribuntur, hæc in isto amplius obseruata: crustis tegitur grandibus ac duris, vt singulæ singulos veluti aeneos thoraces efficiant: nullum adhuc illis in locis repertum est venenum eius epate efficacius: ceruorum frequenter ac bubalorum victitat carnibus: per insidias hæc animalia capit, dum mali ignara, potus causa, ad fluuium contendunt: hæc verò capiendi ratio illi est: latet sub aqua occulto in loco ripæ vicino: cum ceruus, aut bubalus accedit, osque ad mouet liquori, magno impetu irruit, tenaciter apprehendit, in fluuium trahit, inibi comedit. Paulò antequam Franciscus Barretus in Monomotapam

motapam missus, ad ea loca veniret, res accidit hoc in genere mirabilis. Insequebatur leo fugientem bubalum, hic ut erat ex cursu defessus, relicto à tergo leone, ad fluminis ripam bibiturus accedit: cum bibere incipit, ecce tibi ex insidiis irruens Crocodilus, apprehenso bubali rostro, trahere illum in profluentem conatur: resistit constanter bubalus, pedibus terra nixus: magna utrinque certatur vis, sed dum implicatae bestiae pugnam producant, ista trahendo, illa resistendo, aduenit leo bubali odore pellectus, eiusque in armum ungues iniiciens, utramque intet se colligatam belluam tanto impetu extrahit, & in terram proiicit, ut ex iactu rupta & aperta crocodilo alius sit. Enauigato igitur Quilimane, Giloam, regiam urbem, ventum est. Ibi Gonzalus cum sociis è Myoparone egressus ad Mingoaxamem Regem, vno tantum nomine Mahumetanum, cætera Ethnicum, sed Lusitanorum amicum, tantisper diuertit. Hospites Rex qua potuit benignitate, & liberalitate excepit. De re Christiana cum eo Gonzalus sermones contulit, quos libenter audiuit, significans fore sibi gratissimū, cœlestis doctrinæ apud se, atque in suo regno habere seminatores, concessa etiam amplissima Euangelij promulgandi facultate. Cum Gonzalus ad Monomotapæ Regem properaret, atque illum imprimis cuperet Christo adiungere, quod in aliis postea regibus ad religionem conuertendis nihil ferè esset negotij, nec diutius cum Mingoaxame fuit, nec vltus est prædicandæ fidei potestate. Relicto igi-

tur cum bona venia Rege, ad Loabū, triginta à Sofala, distantem leucis, se confert. Atque hīc noua rursus exoritur tempestas, cuius causa tutum in sinum, cui Lindes nomen, sese Myoparo recipit. Tredecim ibi consumpti dies, quoad sedata tempestas nauigandi fecit potestatem. Per id tempus eundem in locum delatus ab Mozābico Pangaius, Myoparonem aliquantulum comitatur, sed non ita post ab eo recedēs, procellæ impetu abreptus, fluctibus obruitur: ipse autem Myoparo saluis rebus rectā in Cuamam contendit. Ad ipsum fluminis aditum propitiato prius per sacrificium numine, his Gonzalus verbis Lusitanos alloquitur: Quandoquidem, Deo duce, Monomotapæ fines ingredimur, velim, socij, in mentem paulisper reuocetis, quāobrem India relicta, ad has Barbarorum Æthiopum regiones per tot incommoda & vitæ pericula delati simus. Non ignoratis, quanti hoc nostrum negotium momenti sit. Neque enim aurum, aut argentum, aut pretiosos lapides, aut quæ hisce rebus siue superiora, siue inferiora in hoc genere sunt, quærimus. Merces istæ fallaces sunt, & fucosæ: mercaturam facimus longè sublimiorem; nec lucrari nobis, sed Deo volumus: eius enim nos causa Goā eduxit, eius benignitas ex tot actantis morborum ac tempestatum discriminibus ereptos hunc in locum adduxit; eius clementia legationem istam ad optatum exitum perducet. Vt ergo postrema primis respondeant, maiori quàm antea, contentione orandus nobis est, vt præsentī auxilio conatus nostros

nostros corroboret, ne irriti & inanes sint. Mihi certè precationi impensius incumbere, animas, est. Æqui bonique consulite, si ob hanc causam, reliquo nauigationis tempore, à conspectu vestro, consuetudinèque semouear, & cum summo illo Rege, cuius in manu regum cæterorum corda sunt, de Monomotapæ Regis regniquè salute secretius agam. His dictis, in parte Myoparonis puppi viciniore velum sibi iussit prætendi, ibi octo integros dies inclusus ab omni humano consortio penitus abstinuit. Toto hoc tempore nihil aliud, nisi haustum aquæ, & tantum ciceris tosti, quantum capi pugna potest, semel dumtaxat in die degustabat. Ad preces, quas mente & voce interdiu noctuque assidue fundebat, lectionem addebat rerum earum, quas heroici homines, adiutore Deo, strenuè patrarunt, ut ipsorum exemplo, ad subeundas fortis & alacri animo susceptæ provinciæ difficultates sese excitaret. Octauo die ventum est in conspectum Senæ, oppidi eo terrarum loco celeberrimi, ubi futura erat nauigationis meta. Monitus eade re Gonzalus, antequam è cubiculo exiret, genua continuo flectit, oculosque ac mentem in cælum attollens, ita sibi propitium precatur numen, ac si atrox & periculosum prælium sit initurus: à sociis etiam petit, ut & oratione Dominicam, atque angelicam salutationem singuli recitent, & Deiparam Virginem, quam possunt ardenter, obtestentur, ut Monomotapæ Regis, ac totius Castrariæ patrocinium dignetur suscipere; se quidem adeò non solum intrepidè,

verum etiam hilarè negotium aggredi, nihil ut omnino periculi timeat; quin potius iamiam in illo esse omnibus votis percipiat. Scilicet Gonzali animus hic erat; nullis vnquam frangebatur laboribus, nullis succumbebat difficultatibus; mediis in periculis sic perstabat impavidus & constans, ut maiora semper expectare optareque discrimina videretur. Ex quo factum, ut ab insigni quodam & magnæ auctoritatis viro aptè & verè dictum sit, Gonzalum esse sanctum Gladio & Clypeo apprimè munitum, & ad omne certamen promptum; quo apophthegmate, ex vulgari Lusitanorum loquendi usu, significare voluit, summam hominis esse virtutem & constantiam, cum à rebus iis, quæ ad diuinum honorem, aut hominum salutem pertinerent, vel aggrediendis vel perficiendis nullo prorsus mortis metu deterreretur. Antonium Quadrium maximi virum iudicij, cui tum in Lusitania, tum in India, intima semper cum Gonzalo familiaritas fuit, ut hanc eius magnanimitatem declararet, dixisse ferunt, eiusmodi Gonzalum esse, ut si quis suo illo tempore deligi deberet, quem Anti-Christo aduersarium Deus apponeret, neminem sibi eodem Gonzalo aptiorem videri.

*Quid*



*Quid Senæ egerit, dum ibi fuit.*

C A P. I X.

**M**ARITIMO itinere cōfecto Gōzalus cū sociis Senam ingreditur. Oppidum est, ut dixi, illis in locis celebre & frequens: magna ex parte ingentem later intra syluam: ædificia habet ex culmo: fluuius ibi, passus circiter mille & quingentos latus: nauigari vltcrius, versus ortum potest, maioribus nauigiis; tēpore etiā æstiuo ad ducenta ferè milliaria: eius aqua gustui suauis, sed insalubris. Vbi Gonzalus pedem in terra posuit, ipsum statim Regem ducentas ab Sena leucas, in vrbe regia, distantem per destinatum nuntium de suo aduentu certiores fecit. Misit item ad vicum nomine Tetem, qui habitantem ibi Gomesium, Coellium Lusitanum, Monomotapæ Regicarum, & Castrum lingua peritum, suis verbis salutarer, peteretque ad se venire ne grauaretur: quod Gomesius libentissimè præstitit. Interim dum Pater responsum expectat, quatuor circiter, transcurssi menses, quos procurandæ animarum saluti magna caritate impendit. Erant ex Lusitanis aliquot, qui domicilium Senæ fixerant: erant alij ex India, qui lustrali aqua non ita pridem fuerant abluti. Vtrumque genus necessaria destitutum doctrina vix ab Ethnicis viuendi ratione differebat. Hos igitur salutaribus instituit præceptis; à sce-

leribus abstraxit, à pellicatu ad legitimas nuptias  
 traduxit, confessionis Sacramento expiauit; di-  
 uino pabulo refecit: ex Lusitanorum quoque  
 mancipiis ad quingenta ferè capita sacro Bapti-  
 smate absterlit: præterea Inhamioris Regulum,  
 tribus à Sena milliaribus remotum aliquoties  
 adiit, eique atque eius familiæ ita religionis no-  
 stræ mysteria exposuit, vt statim Rex ipse, Regi-  
 na, & octo vtriusque liberi Baptismum suscipe-  
 re peroptarint: plurimis tamen de causis rem  
 Gonzalus distulit: ea potissima fuit, quòd nemi-  
 nem secum haberet e Societate, quem loco suo  
 relinqueret, vt eos qui Christo essent adiuncti,  
 & Christianis præceptionibus melius imbue-  
 ret, & in suscepta fide conseruaret. Illud etiam  
 causæ accessit, quod iure optimo timere pote-  
 rat, ne Monomotapæ Rex minùs æquè ferret  
 suum sibi beneficiarium anteponi, illique priùs,  
 quàm sibi Christiana sacra impertiri. Laudato  
 igitur Reguli còsilio, ipsum consolatus est, & se-  
 riò hortatus, vt ab proposito ne discederet; vbi  
 Monomotapæ Imperator sacra vnda esset lu-  
 stratus, tum verò lustrari se opportunè posse; da-  
 ret in super operam, vt subditis suis cognitam à  
 se veritatis viam demonstraret. Præterea desti-  
 natis Gonzalus horis in locum secedebat ab  
 hominum frequentia remotum; ibi sub arboris  
 umbra confidens, longos cum Deo trahebat  
 sermones. Visus etiam nonnunquam est, po-  
 mum colore quidem aureum & pulchrum alpe-  
 ctu, sed gustui peracerbum, & odore tetrum,  
 quadam ex arbore decerpere, tantoque volu-  
 ptatis

ptatis sensu se illo cibare, ac si nihil edere posset iucundius. Quinetiam rogatus, quî posset rem tam acerbam ore contingere, respondit, si ratio saporis habeatur, nullum inter illud pomum & Olyssipponense persicum apud se discrimen esse: in suauibus quippe & amaris cibis ita gustatus sensum castigarat, ut discernere saporis non posset. Inter hæc legatus aduenit à Rege Monomotapæ missus, qui Gonzalum illuc perducatur. Ille accepto nuntio aram lapideam, calicem, & reliquum Missæ paratum in sarcinam colligans, humerisque imponens, asperum ac difficile iter, sexcenta continens passuum millia, ingressus pedibus est. Multa in eo itinere flumina sunt: vado quædam, alia nando transiri oportebat: in transitu magna erat Gonzalo cura, ne sarcina maderet: cum igitur amnem traiebat vado, vel sublatam manibus, vel si aqua collum pertingeret, impositam capiti portabat: cum verò propter fluminis altitudinem nare opus erat, tum quidem vase fictili, ad eum usum comparato, sarcinam recipiebat, idque verso in altum orificio, ne ingredi aqua posset, à Castris adiutus in alteram partem nando traducebat. Nonnullis amnibus superatis ad vicum Tetem, ubi Coeliû diximus habitare, peruenit. Aliquot ibi dies cômoratus, re diuina aliisque religionis mysterioris peractis, Lusitanos incolas recreauit, & Fumû cû filia Christiano gregi adiûxit. Fumi veluti oppidorum gubernatores sunt; locum habent à Rege secundum; magna proinde eorum est apud eos gentes dignitas, & auctoritas. Nemo,

qui alio ex loco veniat, potest vlllo cum Fumo per se loqui: suum prius negotium alteri exponit: is deinde alteri; postque alios atque alios, ad Fumum tandem res peruenit: eius in conspectu nemo aliter est, quàm curuatis innixus poplitis venerantis more. Solus ipse sedet: tripodis figuram sella refert, Quite dicitur: si quis ipsum coràm alloqui debeat, magno prius cum strepitu palmas quatiat, & alias generis eiusdem cæremonias præmittat opus est. Fumi dignitas apud hos barbaros non parum honoris, sed vtilitatis nihil omnino habet: non hæreditate, sed electione acquiritur: vix vllus est, qui non inuitus eligatur; non enim, qui virtute aut prudentia, sed qui opibus præstat, is plerumque eligitur, qui vbi res suas consumpsit, nec in aliorum vsus conferre quidquã amplius potest, tum demum ab iis contemptus de gradu deiicitur. Egressus ex hoc loco Gonzalus, quod erat viæ reliquũ, confirmato ac renouato animo suscepit. Cafres, qui erant in comitatu, consumptis paulo post cibis, quos parauerant, premi famẽ cœpere. Id vbi à Gonzalo cognitum, quæcunque ad alendum se asportabat, benignè illis, & liberaliter distribuit; Iangamis ipse (pomi genus est) immaturis & acetbis victitabat; eas tamen saporis aiebat esse iucundissimi. Nec verò negata in ea re à sociis fide; sed res miraculo tributa. Compertum enim ab ipsis, iangamas illas, quas pater manu tetigisset, quanuis alioquin & natura immites, gustuique insuaues, & maturitatem nondum essent consecutæ, ipso Gonzali tactu reddi suauissimas.

Interea

Interea ventum ad oppidum, cui Mabate nomen. Cognito hic Gonzali aduentu, occurrunt turmatim oppidani tectis effusi, nouumque hospitem insolitis officiis exceptum, pro sua quisque facultate hospitio inuiriunt. Gratiā multò officiis maiorem illis Gózalus retulit. Paululum enim inibi commoratus, Baptismum omnibus & Christiana sacra impertiit; discedensq; prædixit, nunquam in eo oppido religionem Christi de futuram. Fidem euentus vaticinio fecit; posteri enim, quāquam necessario destituti doctrinæ pabulo, in suscepta tamen à maioribus veritate hodieque firmi perstant; cumque aliquis illuc Lusitanus trásit, si quos habet infantes, nondum sacra perfusos vnda, certatim offerunt abluendos. Continuato dein itinere, perueniunt Bambam; vicus est parum à Monomotapa distans. Castrum in eo Gonzalus reperit morti propinquum, quem ut vidit, Non sinamus, inquit, hominem hunc sine Baptismo decedere. Propius igitur accedens fidei mysteria breuiter ægro exponit, rogat, velit ne salutari aqua lustrari, annuentem lustrat, Ludouici nomen indit. Manibus inde infirmo corpori impositis, quædam recitat ex Euangelio verba; quibus absolutis mox è lecto Caeser surgit, & in signum recuperatæ sanitatis cibum petit, corpusque reficit, vtriusque sibi salutis diuino beneficio collatæ Gonzalo debitor. Post multos tandem, variosque asperitum itineris labores sub natiuitatis Christi perui-gilium Chetuchim, pagum Monomotapæ vrbi vicinum, cum sociis venit. Re diuina ter ibi ex

ecclesiastico ritu, ipso natali Christi die, celebrata, ad urbem contendit, eamque die postero, qui protomartyri Stephano sacer est, summa cum animi voluptate ingreditur.



*Regis Monomotapæ potentia, gubernandi ratio, gentis mores, & huiusmodi alia.*

# C A P. X.

**M**Onomotapa regiæ urbis nomen est, ab Mea in totâ regionem deriuatum, cuiusmodi in orbe multa; in Italia Neapolis; in Hispania, Toletum, Carpentanorum; Legio; Valentia; & alia diuersis locis cõplura. De Monomotapæ regione nihil omnino veteres, aut geographi, aut historici scripsere. Ptolemæi enim tabulas ab oriente terminauit Prasum præmontoriũ, quod nunc Mozambicum est; ab occidente Hippodramus, quod alterum est promontorium, proximum illi Africæ monti, quem Lusitani inuentores, ferram lioam, hoc est, montem Leenam vocauere; & quidem harum rerum periti illum esse credunt, quem Deorum rhedam, antiqui Græci dixerunt. Hæc, de qua nunc agimus, Æthiopia tribus clauditur lateribus. Primum à monte Leæna secundum oram maritimam ad bonæ spei præmontorium excurrit. Inde secundum  
vsque

vsque ad promontorium Prasum, seu Mozambicum. Tertium rursus à Prasò per interiores terræ partes ad Leçnam vsque protenditur. Ex quo planè manifestum est, nouam hanc Æthiopiam ad nullam pertinere earum quatuor, de quibus in antiquis literarum monumentis memoria reperitur. Namque ab illis omnibus longè differt: ab Asiatica inprimis, quam Madianiticam terram sacra volumina appellant: deinde ab ea, quæ est supra Ægyptum, & Abassinos continet: tum ab interiori Æthiopia, quæ magna ex parte Zamzibar est: denique ab illa, quam in interiori Libya Hesperij Æthiopes incolunt. Quatuor igitur Æthiopiis, veteri sæculo à Græcis vel Latinis scriptoribus cognitis, addèda quinta est, ab Lusitanis inuenta; ad cuius Occidentem plagam regna sunt Congi, Angolæ, & alia ad Guineam pertinentia: ad Orientem vastissima hæc Monomotapæ regio, septingentis, vel vt alij malunt, octingentis in orbem contenta leucis, longè latèque porrigitur. Eius Imperatori præter populos Mongazes, qui regibus carent, & Fumos habet rectores, multi alij circum populi ac reges beneficiario iure tributa pendunt. Pendebat etiam olim Sofalæ Rex, sed post Lusitanorum aduentum ab eo onere exemptus. Plurimum autem valet opibus & copiis, facilique delectu centum hominum millia ad pugnandum exponit. Habet in sui custodiam electa de gente triginta Castrum millia. Hi regiam circum urbem per vicos dispositi, & in omnem euentum prompti atque expediti. Mocomoegi parent, id nomen

men officij est, alij Zonum vocant, quod sonat Regni portis præfectum; quasi ad regni aditus semper excubet, ne quid aduersi ingrediatur. Quo tempore Monomotapam Gonzalus subiit, penes Antonium Copiadum Lusitanum hominem, Regi carissimum, hoc munus erat. Vexilla, quibus est in exercitu usus, non ex serico, aut lino, vlloue panni genere confecta, & figuris depicta, vt apud nos; hastilia sunt, summo in culmine affixas habentia diuersas animalium formas, opere cælato. Nam vt veteres Romani aquilam, Carthaginienfes Draconem, & aliæ olim nationes alias ferebant animantes; ita singuli Castrum duces propria habent cælati generis insignia, Elephatum hic, bouem ille, alius leonem, crocodilum alius; hîcque ex signis & nominantur in bello, & inuicem distinguntur. Vita militaris communis omnibus, & inprimis grata. Ab insidiis, & cæteris belli stratagematis valde abhorrent. In congressibus campo vtuntur aperto, & primam plerumque lucem opperiantur. Hostium enim castra noctu aggredi, ignominiosum putant. Arma habent, non quibus corpora ab ictu tutentur, sed tantum quibus lædant hostes. Armorum verò quatuor illis genera, quibus non singuli singulis, sed singuli omnibus instrueti, ad bellum procedunt; arcum inprimis vnusquisque fert, & pharetram cum sagittis: deinde frameas, & missilia quædam, quæ iaculari facile possit: tum accinctum ad femur gladium lignea inclusum vagina: postremò sudem egregie dilatam, & ad feriendum peraccomodam.

quam



quã,cùm decertat , vltimò expedit, si opus est. Regio partim suo pte ingenio , partim habitantium inertia, magna ex parte frugum parca. Atque inde fit , vt quamuis Cafres nihil ferè ad esum reputent inutile, omnique vesci immunditia sint assueti, ob commeatus tamen inopiam duos aut tres dies eodem in loco sub armis vix esse possint, sed alias subinde atque alias quære sedes oporteat, in quibus aliquid habeant, quo ali queant. Quocunque verò accedunt, nihil omnino ibi, non terrestria & fœda animalcula , non herbas, non ipsa arborum folia relinquunt; hocustarum more quidquid viride siue in planta, siue in solo reperiunt, summa aviditate vorant. Oblongo, & malè textu gossipio atque in modum crucis ad pectus conformato ita se tegunt, vt plerasque corporis partes relinquant nudas. Vxores emunt, & quò quisque ditior, eò plures habet; iisque in agris colendis, cæterisque in rebus, tanquam mancipiis vtuntur. Quæ circa ignorationem numinis, animorum interitum, contemptum virtutum, aliâque generis eiusdem de Tongensibus diximus, ea omnia cum istis sunt communia. Tantùm nasci hominem & mori norunt, id quod vident, quem in finem nascatur, quò animus post mortem tendat, quibus in hac vita operibus debeat exerceri, prorsus ignorant. Gallinam & arietem habent inter esculenta; vtrumque animal integrum ac sine veru imponunt igni, & torrent, tostumque edunt, nulla parte detracta, sed cinere tantummodo excusso. Vinum bibunt  
expressum

expressum è milio, & alio legumine hîc ignoto. Nachenim vocant, figura & quantitate sinapis grano haud multum absimile. Vix potest quidquâ his Casibrus concipi magis rude & incultum. Nullam per tot secula, neque ipsi per se artem inuenere, neque ab aliis inuentam accipere. Eadem semper apud illos indumenta, iidem cibi, & eodem modo parati; eadem construendi ex culmo tuguria & casas ratio, iidem denique mores atque eadê scæda & inueterata barbaries. Mirum in modum inuidi sunt. Si quis fortè, quia maiorem vel in colenda terra, vel in pascendo grege adhibuit diligentiam, plus cæteris aut fructuum colligit, aut pecoris habet, in summâ aliorum incurrit inuidiam. Aiunt enim illud veneficio, non industriæ tribuendum. Aliquando meliore aliorum sorte adeò offenduntur, vt conpiratione facta ipsos trucidant. Hoc verò vt faciant non aliud opus, nisi vt ipsis veniat in mentem. Vix de futuro cogitant, & à formicis ferè superantur, quæ in hyemem pabulum æstate prouident. Si quid isti habent, totum id statim consumunt, & ipsi postea fame consumuntur. Boues habent & bubalos, sed ob inertiam otiosos esse sinunt. Cùm annis superioribus Franciscus Barretus conductis Senam plaustris boues iussit imponi, vt ædificandæ arci cœmenta importaret; cùmque Lusitanorum alij bouum, bubalorumque ministerio terrâ aratro proscinderent, adeò visâ res Casibus noua, vt magnus eorum ad spectandum factus sit concursus, magnaque ipsos tenuerit admiratio. Quinetiam obseruatum

uatum à nostris est, sic illud inuentum fuisse ab  
ijs barbaris exceptum, vt in conditis corporis ge-  
stibus, risu, cachinnis significarint rem esse à cō-  
muni hominum sensu alienam. Ipsi ferramento  
breui versant terram, mōxque in fossulas demit-  
tunt sementem, & rursus terra contegunt. Ne-  
gant experti messem fore abundantiozem, si al-  
tius semina iaciantur. Hæc illis ratio, quod nimis  
aridum terrenum sit, & pluuiæ in partibus ab  
ora maritima remotis adeò raræ ac modicæ, vt  
alere augereque fruges non sufficiant: rores con-  
trà serena nocte assidui & copiosi; qui tamen in-  
timam in terram non penetrant, ideòque suppe-  
ditare nequeunt alimentum primis segetum ra-  
dicibus, si ab extrema soli superficie longè absint.  
Vt igitur cælesti humore semina nutriantur, eo  
loco sint oportet, quo penetrare roris liquor  
possit. Volucrum & ferarum ingens copia. Vix  
à nostris differunt quadrupedia. In volatilibus  
differentia non modica. Elephanti hîc numero  
& magnitudine quosum alios superant. Propter  
carnes & ebur multa eorum millia annis singu-  
lis in viarum angustiis intercepta à venatoribus  
occiduntur. Saltus ac syluæ tigribus abundant  
& leonib. Hi nulla re Indicis abstimiles; illi feri-  
tate & velocitate cedūt Malacēsis. Tota ferè  
regio auri & argēti feracissima est. Multo vtrius-  
que metalli maior prope Bocuttū & Mosapam  
copia. Hæc emporia sunt, nō lōgè à Mazapo flu-  
mine, quorū illud quadraginta aut quinquagin-  
ta leucis à Tete vico, de quo suprà dixi, distitū  
est. In immensam vastitatem mons propè excur-  
rit

rit nomine Fura, in quo ferunt veterem illam Sabæ reginam, quæ ad explorandam Salomonis sapientiam à finibus terræ Hierosolymam profecta est, camelos auro onerasse. Constat tã longè latèque diffundi terram, in qua aurifodinæ sunt, leucas amplius ducentas quinquaginta contineat longitudinis, & vastissimum latitudinis spatium. Tanta autem naturæ vi illis in locis hoc metallum erumpit, vt fidem superet. Nã in ipsa terræ superficie plura auri frustra reperta, quorum quædam quattuor, alia plura, alia pauciora aureorum nummûm millia pependere. Deprehensæ quoque intra ipsos arborum truncos auri venæ, ex attracto ab ramis humore inibi ortæ. Lapidicinæ præterea pars quædam non admodum magna, à Fura monte excisæ quadringenta aureorum millia breui, exiguoque labore fudit. Argenti fodinæ, quas Achiconæ appellant incolæ, plurimæ etiam & maximæ, aurifodinis conterminæ, perque Zambazam fluuium, æquo ac plano solo longissimè porriguntur. Duo dicuntur esse Monomotapæ Imperatoris insignia; vnum pala est cum eburneo manubrio, quam instar ensis ad latus accinctâ gestat, vt agriculturâ subditis commendet, veluti rem humanæ vitæ maximè necessariam: alterum duæ frameæ sunt, quibus se & malorum vltorem, & defensore bonorum profitetur. Ignem renouat annis singulis, quem regno toto distributum iri vult. Eius rei administri sunt magnates, quibus distribuendi cura commissa. Hos adeunt, qui nouum ignem quærunt. Siquis verò quærere negligat, læsæ maiestatis

iestatis reus efficitur. Cùm Rex bibit, tussit, sternuit, qui adsunt, ingenti clamore concepta proferunt verba, quibus ipsi bene precantur; idẽ præstant, qui foris sunt; auditis prioribus sequuntur reliqui tota in vrbe, in qua immensa quædam totius populi summo cum strepitu attollitur acclamatio, & bibisse Rex, aut tussisse, aut sternuisse ea significatione cognoscitur. Fletere aiunt genua, qui quidquam ipsi ministrant. Generatim omnibus vetitum, eius interius cubiculum ingredi, nisi vel sit Rex, vel ex regis aliquis. Aliquantulum distare oportet ceteros, qui cum eo colloquuntur. Nec quisquã prorsus, quacunque excellat dignitate, ad alloquendum accedit, quin sibi prius calceos detrahat, si calceatus sit. Hæc regionis natura; hi regis & gentis mores.



*Monomotapæ Regem, Reginam, Regis  
matrem, & alios regni primores  
Gonzalus baptizat.*

## C A P. X I.

**V**BI Gonzalus Monomotapæ urbem tetigit, eiusque aduentus Rex certior factus est, cùm iam antea ex Lusitanis mercatoribus ibi commorantibus de illius sanctimonia & nobilitate multa audiisset; confestim misit, qui verbis cum amicis, donisque liberaliter exciperet.

I Legatum

Legatū egit Antonius Caiadus. Is Regis nomine patrem salutauit, & ingens auri pondus, boues permultos, nonnullosque ad quotidiana ministeria famulos obtulit. Gonzalus per eundem Caiadum debitas Regi gratias agens, munera hisce cum verbis intacta remisit. Quodnam genus auri, quasve huc diuitias quæsitum venerim, Rex potentissime, ex ipso, quem ad me misisti, Antonio faciliè intelliges. Neque enim ego aliud præter te & tuos quæro. Harum me opum amor à patrio solo abductum in istas egit regiones: quod me narrante paulò post melius agnosces. In magnam Rex admirationem adductus, vix credere poterat, hominem esse, qui aurum, qui boues, quos ipsi Cafres plurimi faciunt, qui famulatum respueret. Cum igitur ad illum Gonzalus adiit, incredibili amoris æquæ & honoris significatione exceptus est. Ad interiorum enim cubiculum introiit, quò ne stipendiarij quidem reges, vt diximus, cum ad Imperatorem ventitant, admitti solent. Calceos non exiit. cum cæteri comites, etiam Lusitani, nudis adessent pedibus. Ad alterum Regis latus (alterum Regina mater tenebat) operto capite, & in Quite, hoc est, tripode, stragula veste bellè instrato, Regi pane æqualis insedit, relicto ad ostium cubiculi Caiado, regni portis præfecto, qui interpretē agebat. Dicta igitur primū salute, allata ex India & Mozábico munera Regi Gonzalus offert. Ea ille læto iuxta & libet animo accipit; atque vt parè referat gratiā, Patrem rogat, quot velit fœminas, quot prædia, quot boues, quantum

quantum auri; omnia, quæ optet, libentissimè se daturum. Respondet Gonzalus, nihil se præter ipsum Regem velle, sicuti per Antonium priùs nūtiarat: omnia enim tam corporis, quàm fortunæ bona, aliis commutasse bonis longè præstantioribus, quorum ipsum cupiat efficere participem; aurum, prædia, boues, & huiusmodi alia, multoque magis cupiditatum lenocinia non solùm boni nomine esse indigna, sed planè fordida, & contemnenda. His Rex auditis, ad interpretem conuersus, Fieri, inquit, Antoni, non potest, ut qui ista, quæ tanto homines studio cupiunt, & quærunt, nihili pendit, ex eodem sit, quo reliqui, genere; ex herbis natum esse, opus est. Tunc iterum peramanter Patrem intuens, & quidquid velit, daturum se pollicens, benignis verbis in hospitium mittit. Ductus in ædiculam est, tugurio similem, in qua diebus singulis plicatilem ad sacrificandum erigebat aram. Dum ibi die quadam rem diuinam facit, quidam de primoribus fortè præterit, obseruat quid agatur, Deiparæ Virginis imaginem eleganter depictam & in ara politam conspicit; veram scēminam reputans, nuntiat Regi, eximiæ pulchritudinis mulierem apud Gonzalum esse, iubeat illam ad se duci. Rex videndi desiderio commotus, ætutum mittit, qui Gonzalo dicat, renunciatum sibi, illum secum vxorem duxisse suam, cupere se eam videre, det operam, ut ipsum voti compotem efficiat. Regis nuntium, ut de cælo delapsus pater excipit, sanctissimæque Virgini refert acceptum, quod talis sibi ipsius virginitaris

& partus mysteria euulgandi, oblata occasio sit. Veste igitur pretiosa tabulā inuoluit, & ad Regem defert. Sed antequam videndam proponat, altiùs aliquanto exordiens, de beatissima Virgine, deque eius diuina sobole non pauca præfatur. Vnum ait esse in mundo Deum, terræ ac cæli Dominum, rerumque omnium effectorem, qui vt vindicaret mortales à sempiterno exitio, in quod sceleribus suis præcipitabant, fieri homo voluerit, assumpta in vtero intemperate Virginis humana carne, qua & diuinitatem tegeret suam, & misérias pateretur nostras. Eius matris, quæ neque in conceptu, neque in partu virginitatem amiserit, quippe quæ neque ex viro vlllo conceperit, neque aliarum mulierum more pepererit, illam esse effigiem, quā ante oculos ipsi proponit, & summa cum veneratione conspiciere necesse sit. Tum caput Gonzalus aperiens, & vtutrumque flectens genu, operimentum detrahit, imaginem Regi ostendit, ad eamque venerandam his verbis hortatur; Ne dubita, Rex, submissim colere effigiem illius quam Regis regum matrem, suamque Reginam cælitates ipsi agnoscunt, & reuerenter fideliterque suspiciunt. Hoc simulacrum Deipara est, qua præside atque adiutrice inferorum hostium conatus, impetusque contundimus; cuius etiam patrocinio innumerabilia à Deo beneficia obtinemus. Dei ergo parentem, & rerum dominam pio animo venerare. Visam Rex imaginem officosè in primis colit, & obseruat; eius deinde piulchritudine captus; etiam atque etiam Gonzalum



zalum rogat, illam ut apud se esse sinat; eius enim se conspectu mirificè recreari. Annuir pater Regis votis, & ipse per se ex pretioso peripetasmate in eodem Regis cubiculo quoddam quasi sacellum instruit, inibique illam quàm decentissimè reponit. Lusitani, qui in ea tunc vrbe erant, in Indiam reuersi, memoriæ prodiderūt, sanctissimam Virginē sub eadem, qua depicta erat forma, mirabili circumfusam luce, quater aut quinquies dormienti Regi adstitisse, & incognita lingua cum eo fuisse locutam: quod ille manē euigilans, & matri suæ, & Lusitanis familiaribus summa cum admiratione narrabat. Tandem Gonzalum, ad quem Lusitani rem totam, ut à Rege audierant, deferebant, vocat ad se, & visa exponit, additque se magnopere animo cruciari, quòd sibi comparentis loquentisque Reginæ verba intelligere non possit. Cui Gonzalus, Illa, inquit, lingua diuina est, intelligi à nullo potest, qui Christianis sacris imbutus non sit, quique ipsius sanctissimæ Reginæ filio, immortalī quippe Regi, non obtemperent. Nihil ad ista Rex, vultu tamen significat, in animo sibi esse, Christianam legem profiteri. Discedit lætus hac significatione Gonzalus. Post vnum deinde & alterum diē, Rex illi per Caiadū denuntiat, velle se eum in matre sua Christi populo aggregari, pergat quamprimum ad se baptizandum. Patet præpotenti Deo & Deiparæ Virgini pro tam insigni beneficio gratias agit immensas. Ratus tamen non properandum, aliquot intermittit dies, in quibus ad tantum mysterium Re-

gem ac Reginam probè præparat, fideique rudimentis ac præceptionibus diligenter imbuat. Bis illis in die Christianæ legis capita exponit, efficitque vt memoriæ mandent. Vbi rectè instructos iudicat, tum verò sub finem mensis Ianuarij, quinto & vigesimo post aduentum suum die, quanta potest solemnitate & apparatu, Regem & Reginam eius matrem aqua saluari abluit, illique Sebastiani, huic Mariæ nomen indit. Ipso Baptismatis die, quoniam aurum Pater contemnebat, centum illi boues rex dono misit; quibus acceptis Hecatombem æterno Numini Gonzalus fecit. Duci ad Caiadum boues iussit, vt in frustra dissecti pauperibus distribuerentur. Quæ res, vt illis in locis noua & insolens, ita & magnam Gonzalo conciliauit totius populi beneuolentiam; & incredibilem apud omnes admirationem consecuta est. Trecenti ferè post Regem è prima regni nobilitate Christiano sacramento se adstrinxere, qui cum multa ad Gonzalum munera assidue mittebant, lac videlicet, butyrum, oua, hædos, & hisparia; tum verò ab eius latere nunquam ferè discedebant. Illos Gonzalus amicè inprimis ac beneuolè tractabat, atque optimis documentis ad sanctimoniam & pietatem erudiebat. Quæ autem mittebantur, ea ad egenos integra remittebat; cocto ipse milio, herbisque ac fructibus Syluestribus & peracerbis contentus. Tam insigni frugalitate, tamque inusitata apud barbaros in pauperes caritate adeò rei Christianæ existimatio augebatur, vt esset ferè nemo, qui Christianus fieri non vellet.



*Mahometani Regem muneribus & fallaciis corruptum ad Gonzali cadem inducunt.*

## C A P. X I I.

**D**V M hæc feliciter prosperèque procedunt, ecce tibi nefarius humani generis hostis inuidiæ facibus stimulatus ad labefactandam regis fidem Mahumetanos, egregios scelerum administratos, acerrimè instigat. Conueniunt inter se de re acturi. Cōuentus Princeps Mingames ex Mozambico, vir pessimus, & Mahumetanæ superstitionis antistes. Magno eorum consensu statutum, vt Gonzali inprimis cædes omni ope procuretur; hinc pendere omnia. Iniquissimi deinde consilij certiores & conscios per literas, ac nuntios faciunt reliquos eiusdem sectæ cultores, qui habitant Senæ, qui in regno Sofalæ, qui cæteris in locis atque insulis magno flumini Cuamæ conterminis. Præterea, quia nullum telum est pecunia fortius, decernūt bonam inter se colligere pecuniæ summam, qua Regis animum aduersus Gonzalum irritent, si dolis, mendaciis, falsis criminationibus nihil efficiant. Tâdem toto ex grege deliguntur quatuor, qui & gratia apud Regem plus valeant, & calliditate ac potentia reliquos superent; quorum primus Mingames ipse. Omnes hi fallēdi arte & beneficiis insignes, illico ad Regem volant; sincerum

erga ipsum, eiusque domum atque vniuersum regnum simulant studium; Gonzali innocentia per summam nequitiam insidias tendunt. Tantum illum veneficiis & incantationibus aiunt posse, quantum vix fingi queat. Exploratorem in ea loca venisse, non amicū; id ipsum in Monomotapæ regno velle, quod tota in India, & in maxima Africæ parte voluere Langarij; (sic Lusitanos vocant.) eos verò per speciem societatis & amicitia aliena regna fraudulentè inuadere, & sua sub iuga mittere. Id si Rex ipse oculis videre suis velit, & suis manibus, vt dicitur, tangere, effecturos se, vt nulla ratione dubitet, vera esse, quæ nuntiant. Quatuor ergo sudibus in medium allatis, & varia huc & illuc superstitione motis, sortes ducunt; Regique impudenter suadent, sortibus ipsis apertissimè significari, Cacizium Nazarenorum (Saraceni Christianos appellant Nazarenos,) ab Indico Prorege & Sofalæ præfecto ad explorandas Monomotapæ regiones missum; ni statim opprimatur, Lusitanorum exercitum Regi regnoque exitio venturum. Dubitasne, inquiunt, deluse Rex, vera esse quæ prædicimus, ac certò futura, nisi maturè properes, malorum auctorem de medio tollere? Reuoca in memoriam, quonam pacto, simulatque in Mozambicum receptum est hoc genus hominum, Sofalæ regnum, tibi primum vectigale, per vim occuparit. Ignoras hac Langarios arte maritimam Indiæ oram suam sub Imperium ditionemque rede gisse? Consule tibi, innocens Rex, ac rebus tuis; vide in quantū iam discrimen

adductus sis. Cæcus sanè est, qui non videt coniurationis huius partem maximam ad Scipitum pertinere Sofalæ tyrannum, qui non ita pridem debitam tibi obedientiam fidemque ausu sacrilego negans, ad Langarios defecit. Non sentis popularium animos ficta liberalitate ad defectionem clanculum sollicitari? Quorsum ea tendit simulata pietas, qua astutissimus impostor boues à te dono missos, per speciem misericordiæ, populo distribuit? Agnosce dolos: tuis tibi muneribus insidiæ parantur. Tuorum sibi animos conciliat, ut ipsi cædis tuæ non modò conscij, verumetiam adiutores & administri sint. Quid hominem istum mortalibus æquè & immortalibus exosû sibi velle credis, cum capita vestra medicato liquore pertundens, verba quædam pronuntiat orco, non superis nota! Non vides tuum, ac tuorum exitium verbis illis procurari? terribiles ab styge euocantur furie, quæ vestris sensim mentibus illabantur, ut deinde

**L**ymphati ac dementes mutuis inter vos cædibus concurratis. Quid plura? Res notissima est. Vna tantùm restat occurrendi malis via. Vnus iste mactetur, cuncta in tuto sunt. Age, de medio tolle, qui tibi ac tuis interitum molitur: quò feceris citiùs, eo te instanti periculo faciliùs expedies. Hæc & multa alia, quæ perfidis hominibus summum in Christianam religionem atque in Gonzalum odium, certumque amittendi quæstus discrimen abundè suppeditarunt, Addita insuper, quæ inter se collegerant, munera ita Regis adolescentis, parumque experti animum per-

mouere, vt Gonzalum internecioni dare statim decreuerit, & in eandem sententiam familiares suos pertraxerit. Latebant adhuc nefaria Regis consilia, cùm Gonzalus, diuinitus præmonitus, Antonio Caiado portarum, præfecto rem totam exponit. Non sum, inquit, nescius, Antoni mortem mihi à Rege parari, nec abesse procul, quin sacrilegis oppressus manibus, supremum edam vitæ spiritum. Mors me neque imparatum, neque metu trepidum inueniet, sed impavidum & lætitia exultantem. Infelicitis regis me miseret, quem Mahumetica iniquitas mendaciis obrutum, humanæ diuinæque fidei efficit desertorem. Caiadus somnium sibi narrari credit, subridensque, Ecquis, inquit, optime pater, hanc tibi iniecit mentem? Neminem Rex, mihi crede, pluris te facit; neminem etiam habet cariorum. Hæc ubi dicta, actutum se in aulam proripit, sermones de Gonzalo cum Rege miscet: peruersum Regis propositum, vultu animum prodente, facileprehendit: tum verò omnes industriæ, neruos intendit, vt deceptum adolescentem ad meliorem mentem reducat: iterum atque iterum orat & obsecrat, ne quid temerè aggrediat; maturè consideret, quàm execrandum in Deum crimen suscipiat; quantū Indici Proregis & Lusitani Regis amicitia lædat: quàm denique graue suis humeris imponat onus: neque enim aut mortales homines, aut immortales cælites eadem Gonzali, innocentissimi viri & omnibus carissimi, inultram passuros. Hæc & id genus alia, quæ Caiadus protulit, Regis animum, in nefario

rio proposito firmiter obstinatum, nihil mouere. Ad omnia respondit, iussurum se acciri Engāgas ( hoc erat Mahumeranis nomen ) & rem cum illis denuo acturum. Hoc audiens Caiadus cum rectè intelligeret, in eo consilio, in quo ipsi sceleris auctores sententiam essent laturi, non aliud decerni posse, quàm quod omnibus votis appetebant, ad Gonzalum reuersus, Ergo, inquit, optime pater, subeunda tibi mors est : ea Regis animo firma constansque insidet sententia, à qua non video qua possit ratione deterri. Interim Enganghæ cum Rege ad concilium coeunt. Eripi Gonzalo vitam oportere, nemini eorū dubium; neque id volunt in consultatione adduci. De genere lethi & tēpore quæritur; facileque inter omnes conuenit, qualiscunque mors sit, ut quàm minimum differatur. Cum igitur consilium idibus Martiis initum sit, ut sequenti statim nocte vita Gonzalo eriperetur, omnium calculis decretum est. Caterùm res adeò secretò gesta, nihil ut in vulgus prodierit. Quapropter Regē iterum Caiadus adit, iterumque minas cum rationibus miscens, ab iniquissimo proposito reuocare conatur. Tum Rex, Mahumeranam imitatus vafritiem, fingit à Gonzali nece velle se abstinere; satis esse, si ab vrbe tantum discedat, eo se discessu fore contentum. Similia Regis mater, quam quoque Caiadus alloquitur, simili calliditate respondet. Gonzalus tamen vltimam sibi instare lucem certo sciens, ab Antonio ad se reuerso, & mitiora nuntiante obnixè petit, ut duos tresve Lusitanos ab vico  
quo

quodam non longè disiuncto , ad se confestim vocet, vt confessione expiatos cælesti pane reficiat. Enitere, inquit , vt quamprimum veniant, nisi enim hæc illis hodie sacramenta confero, conferre postea non potero. Caiado profecto, rem diuinam Gonzalus differt , dum vocati veniunt; sed iis sub meridiem nondum præsentibus, sacrum facit, duasque hostias consecrat, vt se vna, altera vocatos , si inter litandum venerint , reficiat. Verùm cum ad Missæ finem comperit, eos adhuc abesse, vtramque consumit. Peracto sacrificio , quinquaginta circiter Cafres, quos rectè priùs instituerat , Christo per Baptismum adiungit, iisque vestes & rosaria partitur. Veniunt sub vesperam cum Caiado Lusitani, quos quia Christi corpore cibare tunc non poterat , saluari tantùm pœnitentia expiauit , & optimis ad rectè viuendum consiliis munitos domum remisit. Tanta verò lætitiæ significatione hæc præstitit, vt omni ipsos imminentis mali suspitione liberarit. Cumque nihilominus permanere aliquantulum cum ipso vellent , haud permisit, ne laboris socios haberet. Præterea, qui domi erant libri , eos cum sacra supellectile deferri ad Caiadum iussit, relictæ sibi cum linteo & duobus cereis imagine Christi crucifixi nõ alium vitæ defensorem, neque alium habere volens in morte socium. Reuertit sub noctem Caiadus; Gonzalum reperit prope domicilium deambulantem noua indutum veste, ac linteatum, adeò hilarem ac lætum, vt attonito similis constiterit. Hominem Gonzalus conspiciens sollicitudine

ne



ne anxium; propius accedit, eiusque pectus leuiter manu prehensens, Quæ te, inquit, de me sollicitudo tenet, Antoni? Scito multò me prompriorè esse ad obeundam mortem, quàm ipsimet sint hostes mei ad inferendam. Regi inprimis, & Regis matri libèter parco; ille adolescens, hæc scæmina est; vtrumque ab Sarracenis decipi, haud erat difficile. Summis deinde precibus à Deo contendo, ne huius necis, quæ mihi iam iam imminer, vllam ab inferentibus vindictam sumat; sed damno potiùs meo, grauissima huius vrbis scelera compensari velit. Hæc pater, non impauido tantùm, sed hilari etiam vultu, Caiadus contrà sollicitus & mœrens, quanuis inducere animum non posset, tam immane nefas contra innocentissimum virum ab Rege patratum iri, diuelli tamen ab ipso nec volebat, nec vlla ratione poterat: sed tandem Gonzali precibus defatigatus discessit. Vix domum attigit, cū duos famulos misit, qui rectè obseruarent, quid ageretur, & se, si quid esset periculi, continuò monerent. Non tam parati erant hostes ad inferendam Gonzalo mortem, vt idem Antonio Caiado dixerat, quam ipse ad sustinendam, summo eius subeundæ ardebat desiderio, nec poterat, præ immenso animi ardore loco vno firmus consistere. Nunc ad Crucifixi imaginem accedens flectit genua, trahensque ab imo corde suspicia, Christum pro humano genere crudeliter occisum precatur, omnes in se barbarorum iras effundi sinat; meminerit, quid sibi sæpiùs in Lusitania promiserit, quid futurum prædixerit; oblatam

oblatam esse adimplendi promissi & liberandæ fidei sibi datæ opportunitatem. Nunc incredibili quodam animi ardore ab oratione surgens, horæ, quæ mactandus est, segnitiam tarditatemque incusat. Nunc iterum redit ad preces, iterumque ante crucifixi imaginem genibus nixus, vehementer Christum orat, ne hostium manus impediat, quominus in corpus suum crudelissimè desæuiant. Tandem carnificum aduentum Spiritu præsentiens è diuersorio egreditur, vt Christi exemplo, venientes excipiat, atque in vicina area intentis semper in cælum oculis, manibus modò in altum sublatis, modò in formam Crucis ad pectus compositis, hinc illuc citatis passibus ambulat, intèrque suspiria & gemitus dulcissima ferit cum Deo colloquia. Cùm ad multam iam noctem ventum esset, nec dum tamen hostes comparerent, (latebant enim in vicino loco, neque deambulantem, aut vigilantem audebant impetere,) fessus ad suum se cubiculum iterum recepit, & in arundineo strato, quod inibi erat, Christi effigiem inter accensos cereos mediâ collocans, flexis rursus genibus, eadem, quæ priùs, precari à Deo cœpit; atque inter vòta precesque ex lassitudine decubuit, leuique somno correptus est. Id verò hostes, qui eo interim spatio venerant, conspicati, in Dei seruum repente irruunt, & crudelissimè oppressum communi luce priuant. Octo circiter satellites erant. Inter eos nobilitate & rebus cæteris princeps Macrumes, genere sectaque Ethnicus, sed Gonzalo apprime notus, eiusque familiaritate & in

& in mensa & in priuatis colloquiis frequenter vsus. Hic proditorem Iudam imitatus, nefarij facinoris dux reliquis fuit. Primus enim impetum faciens, iacentis Gonzali pectus summa vi insidet. Accurrunt subito quatuor alij: duo manus, duo pedes apprehendunt, immotumque tenent corpus. Tum reliqui funem collo iniciunt, fortiter vtrinque adducunt, & obstrictis faucibus spiritum præcludunt. Multo tum cum sanguine ex ore & naribus expresso victor animus è corporis ergastulo exiens, atque ad cælestes sedes aduolans, mortali vitæ, & immensis laboribus imponit finem. Obiit Gonzalus eodem lethi genere, quod sæpius in Lusitania prædixerat, anno salutis nostræ millesimo quingentesimo sexagesimo primo, postridie idus Martias, quarta Quadragesimæ Dominica, quæ cum à Lusitanis propter Susannæ historiam, quæ præcedente sabbato in Missa decantatur, Susannæ Dominica soleat appellari, occasio alicui fuit scribendi, Gonzali martyrium in eum incidisse diem, qui Virgini & Martyri Susannæ natalis est. Sancti viri cadaver reste per terram tractum in vicinum fluuium, quem Mosengeßem, seu, vt apud alios reperio, Motetem incolæ vocant, iidem carnifices proiecere; non ob id quidem, quod Mahumetani finxerant, ne sub dio relictum halitu suo terram cælumque corrumperet, & miseros mortales pestifero tabo absumeret; sed ne diuinæ prædictioni deesset fides. Prædixerat enim Gonzalus, se pro Christo ab eius hostibus præfocandum, corpusque suum in fluuium, vbi  
nun

nunquam ampliùs appareret, proiiciendum; quod euenit. Ferunt plurimos in eo amne degerè miræ magnitudinis & voracitatis lacertos, crocodilos crede; Eos verò, cùm antea efsèt soliti accedètes incautè ad ripam homines, ex insidiis capere, & deuorare, vbi tamen Martyris corpus fluuio exceptum est, veluti deposita feritate, sic ab humanis carnibus temperasse, vt exploratum sit, nulli deinceps homini, ad hunc vsque diem nocuisse, cùm id facere non difficile possent. At enim antequam interfectores mortuum corpus è tugurio pluerent, sordida victi cupiditate illud vestibus denudarunt: cumque ferreum cilicium carni coniunctum reperissent, attoniti rei nouitate, statuerunt apud se hominem, qui pro lanea aut linea veste, ferro utebatur, non alium, quàm insignem veneficum esse posse. Non fuit autem miseris satis, in corpus Martyris desæuisse, in ipsam quoque Christi imaginem effudere furorem; arreptam enim tabulam post mille iniurias & probra, varias in particulas sacrilegis manibus sectam, pedibus cõculcandam in terram proicere.



*Qui post Gonzali necem Regi &  
aliis contigerit.*

### C A P. XIII.

**G**ONZALO vita mortali exempto, audiens  
Rex, homines quinquaginta paulò ante  
cuius

eius mortem, lustrali aqua ab ipso fuisse perfusos, & variis muneribus donatos, ira excādescēs, vt exuri donis quamprimum interimantur, seuerē mandat. Peruulgato Regis imperio, Lucazes, qui regni primores sunt, ipsum adeunt, cur occidi illos homines iubeat, sciscitātur: Si ea, inquit, causa est, ô Rex, quodd aquam capitibus suis à Gonzalo infundi passi sunt, & nos etiam, & teipsum mori, necesse erit; cū eadem omnium culpa sit. Victus ratione Rex à cæde abstinet. Interim tamen Mahumetani & Gonzali nece, & Regis, à Christo defectione sūmopere gaudere: conuentus per domos gregatim facere; alacres & læti inter se gratulari; celebrare conuiuia; immensis laudum præconiis Mahumetem extollere; innumeris probris & contumeliis Christianam religionem proscindere: ad reliquos eiusdem superstitionis, qui in tota Castraria erant, læta de euentu nuntia per tabellarios mittere. Verū neque diuina defuit iustitia, quæ iniustam sanctissimi atque innocentissimi viri necem vindicaret, sicut iurati testes affirmant, Gonzalum ipsum ante illatam sibi mortem prædixisse: neque benignissimi Numinis clementia eiusdem viri precibus & sanguine conciliata. Secuta inprimis est maxima, arque ad id vsque tempus in illis locis incognita & inaudita agrorum calamitas. Comparuit enim innumerabilis quædam ac panē infinita, inque exercitus morem disposita locustarum multitudo, quæ obiectu suo solis lumen in ipso meridie tegebant; segetes, fructus, frondētque arborum,

tigit, vt carcer templo Lusitanorū propinquus  
 esset, & aduersus; ex quo effectum, vt Christiana  
 inde sacra & cæremonias per otium notare pos-  
 set. Videbat enim quo pacto mortuorum cor-  
 pora apud nos accensis cereis, funebri cleri can-  
 tu, campanæ sonitu, bono viuorum comitatu  
 in templū delata, multa cum supplicatione sepe-  
 lirentur. Audiebat musicos concentus, quibus  
 festis profestisque diebus res diuina celebratur.  
 Conspiciebat magnam Christianorum multitu-  
 dinem ad audiendum sacrum quotidie in tem-  
 plum confluentium. Cū verò hæc & plura  
 alia mente fixa Ampeus teneret, contigit vt ali-  
 quando dormiens videre sibi videretur alterum  
 ē duobus Societatis sacerdotibus, qui tum Senæ  
 erant, accedere ad sese, & amicè monere, vt ex  
 Mahumetanis, tenebris ad Christianam lucem  
 transfugeret. Sequenti deinde nocte pulcherri-  
 mam Crucem in somnis conspiciens simul vo-  
 cem audiuit, quæ monebat, vt Patrum Societa-  
 tis arbitrio se committeret, nec ab eorum con-  
 silio vnguem latum discederet. Postero die à le-  
 cto surgens acciri ad se iubet Antonium Me-  
 lum, nobilem Lusitanum, quo cum ipsi nonnul-  
 la erat amicitia necessitudo. Rem totam narrat,  
 certò affirmat, velle se Christianum fieri; det igi-  
 tur operam, vt aliquis ex Societatis religiosus ad  
 se instituendum, & salutari aqua mundandum,  
 quamprimum veniat. Vocatus ad id negotium  
 P. Stephanus Lupius, qui carcerem ingrediens,  
 cū dubitare iure posset, fictōne animo ad vi-  
 tandam mortem, an sincero Baptismum Am-  
 pēus

pêus postularet, apertè hominem monet, siue in Mahumetica superstitione persistat, siue saniori mente Christianam amplectatur religionem, certò sciat stabili prætoris sententia statutum, ut absque vlla dubitatione mortis suppliciû subeat. Negat Ampêus vllò se artificio uti; neque verò curæ sibi esse vitam corporis tueri; sed animi salutem optare quàm maximè, & eius causa Christo velle copulari, id tantum obnixè petere, ut ante mortem lustrali aqua perfundatur, & Christianorum numero aggregetur; post mortem verò corpus suum Ecclesiastico ritû sepulturæ commendetur. Habita Ampêo fides, & Christiana mysteria, quo ad tempus patiebatur; sedulò impertita. Pêreos dies res contigit non indigna relatu, qua Deus videtur voluisse, sincerum Ampêi animum dubitantibus patefacere. Decumbebat graui morbo correptus Ignatius Mendijs nobilis iuuenis moribus æquè & fortitudine clarus, & Antonij Valêris regij quæstoris contubernalis. Hic ad extremum deuenerat, mortuóque similis tres aut quatuor iam dies sine voce ac sensu animam trahebat. Ecce tibi de repente clamorem tollit, apertè atque expeditè, duo hæc pronuntiat verba, Xequius Ampêus, eaque iterum atque iterum repetit. Ad hæc excitatus quæstor, & ægerrimè ferens à moriente Christiano, cuius ex ore sola Iesu & Mariæ nomina audiri debeât, Mahumetanum turpissimû, & Lusitanis maximè exosum appellari, (de eius conuersione nihil adhuc audierat.) Eia, inquit, quid tu hoc tempore in faustum nomen mori-

K ; bundo

bundo ore vsurpas? Iesum cōpella, veram hominum salutem, & eius marrem, vnicum in periculis subsidium. Desine fœdissimo nomine os conspurcare. Nihil æger ad hæc; sed postquam paululum quieuit, elata iterum voce illud idem ingeminat, Xequius Ampêus; additque insuper, Cum illius anima mea anima sit. Post hæc medico interuallo extremum reddidit spiritum. Summum quæstor ex hac re mœrorem animo concepit, deque mortui iuuenis salute hac ex parte valde dubius, adit Franciscum Monclarū Societatis Iesu sacerdotem, & cum magna intimi doloris significatione, quid euenerit, exponit. Re Monclarus audita, occultas mortalibus diuinæ prouidentiae rationes summopere admiratus, anxietate & mœstitia Quæstoris animum liberat, simulque docet, illas Ignatii morientis voces veluti oracula fuisse, quibus beneficentissimus Deus & suam in Ampêum clementiam, & felicissimam hominis conditionem voluerit demonstrare. Atque his dictis, cum graui premeretur ægritudine, contineri non potuit, quin è lecto ocyssimè surgeret, & Ampêi videndi gratia hominum manibus deportatus, tenderet in carcerem. Eò ubi venit, nouum Christi militem reperit, sic erectum animo, vt pro eodem Christo, mori summopere optaret, sic item in nostram religionem affectum, vt reliquis Mahumetanis, qui in vinculis erant, fidei Christianæ veritatem incredibili animi contentione predicaret. Quoniam verò ardeni quodam Christi amore erat inflammatus, placuit Monclaro, vt Laurentij nomen



men in Baptismo acciperet; quod factum est. Proximo igitur post Pasca sabbato, cum aliis quinque ex Mahumetana etiam fœditate ad Christianam munditiem conuersis, sacra vnda lotus, paucis post diebus commissa per antea actam aetatem crimina debito mortis supplicio expiauit. Porro, vt notavi supra, illud per id tempus crebris vulgi sermonibus iactatum, & magna approbatione receptum est, Gonzali animum corporis custodia solutum, calidas ad Deum fuisse preces, atque ab eo obtinuisse, vt Ampêus ab ignorantie carcere ad veritatis lucem educeretur, pessimam vitam sine optimo, quod tamen rarissimum est, feliciter concluderet.

K 4 VITÆ

bundo ore vsurpas? Iesum cōpella, veram hominum salutem, & eius matrem, vnicum in periculis subsidium. Desine fœdissimo nomine os conspurcare. Nihil æger ad hæc; sed postquam paululum quieuit, elata iterum voce illud idem ingeminat, Xequius Ampêus; additque insuper, Cum illius anima mea anima sit. Post hæc modico interuallo extremum reddidit spiritum. Summum quæstor ex hac re mœrorem animo concepit, deque mortui iuuenis salute hac ex parte valde dubius, adit Franciscum Monclarū Societatis Iesu sacerdotem, & cum magna intimi doloris significatione, quid euenerit, exponit. Re Monclarus audita, occultas mortalibus diuinæ prouidentia rationes summopere admiratus, anxietate & mœstitia Quæstoris animum liberat, simulque docet, illas Ignatij morientis voces veluti oracula fuisse, quibus beneficentissimus Deus & suam in Ampêum clementiam, & felicissimam hominis conditionem voluerit demonstrare. Atque his dictis, cum graui premeretur ægritudine, contineri non potuit, quin è lecto ocyssimè surgeret, & Ampêi videndi gratia hominum manibus deportatus, tenderet in carcerem. Eò ubi venit, nouum Christi militem reperit, sic erectum animo, vt pro eodem Christo, mori summopere optaret, sic item in nostram religionem affectum, vt reliquis Mahumetanis, qui in vinculis erant, fidei Christianæ veritatem incredibili animi contentione prædicaret. Quoniam verò ardeni quodam Christi amore erat inflammatus, placuit Monclaro, vt Laurentij nomen

men

men in Baptismo acciperet; quod factum est. Proximo igitur post Pasca sabbato, cum aliis quinque ex Mahumetana etiam fœditate ad Christianam munditiem conuersis, sacra vnda lotus, paucis post diebus commissâ per anteaetâ ætatem crimina debito mortis supplicio expiauit. Porro, vt notavi supra, illud per id tempus crebris vulgi sermonibus iactatum, & magna approbatione receptum est, Gonzali animum corporis custodia solutum, calidas ad Deum fusisse preces, atque ab eo obtinuisse, vt Ampêus ab ignorantie carcere ad veritatis lucem educus, pessimam vitam sine optimo, quod tamen rarissimum est, feliciter concluderet.

K 4 VITÆ

bundo ore vsurpas? Iesum cōpella, veram hominum salutem, & eius matrem, vnicum in periculis subsidium. Desine fœdissimo nomine os conspurcare. Nihil æger ad hæc; sed postquam paululum quieuit, elata iterum voce illud idem ingeminat, Xequius Ampêus; additque insuper, Cum illius anima mea anima sit. Post hæc modico interuallo extremum reddidit spiritum. Summum quæstor ex hac re mœrorem animo concepit, deque mortui iuuenis salute hac ex parte valde dubius, adit Franciscum Monclarū Societatis Iesu sacerdotem, & cum magna intimi doloris significatione, quid euenerit, exponit. Re Monclarus audita, occultas mortalibus diuinæ prouidentiae rationes summopere admiratus, anxietate & mœstitia Quæstoris animum liberat, simulque docet, illas Ignatii morientis voces veluti oracula fuisse, quibus beneficentissimus Deus & suam in Ampêum clementiam, & felicissimam hominis conditionem voluerit demonstrare. Atque his dictis, cum graui premeretur ægritudine, contineri non potuit, quin è lecto ocyssimè surgeret, & Ampêi videndi gratia hominum manibus deportatus, tenderet in carcerem. Eò ubi venit, nouum Christi militem reperit, sic erectum animo, vt pro eodem Christo, mori summopere optaret, sic item in nostram religionem affectum, vt reliquis Mahumeranis, qui in vinculis erant, fidei Christianæ veritatem incredibili animi contentione predicaret. Quoniam verò ardentem quodam Christi amore erat inflammatus, placuit Monclaro, vt Laurentij nomen

men in Baptismo acciperet; quod factum est. Proximo igitur post Pasca sabbato, cum aliis quinque ex Mahumetana etiam fœditate ad Christianam munditiem conuersis, sacra vnda lotus, paucis post diebus commissâ per antea actâ ætatem crimina debito mortis supplicio expiauit. Porro, vt notavi supra, illud per id tempus crebris vulgi sermonibus iactatum, & magna approbatione receptum est, Gonzali animum corporis custodia solutum, calidas ad Deum fuisse preces, atque ab eo obtinuisse, vt Ampêus ab ignorantie carcere ad veritatis lucem educus, pessimam vitam sine optimo, quod tamen carissimum est, feliciter concluderet.

K 4 VITÆ

rum, herbas, & quidquid terra profert, insatiabili  
 ingluvie deuorabant. Immenſa inde hominum  
 ſtrages conſecuta; poſt aliquot verò annos Rex  
 ipſe ingenio & ſæuitia Neroni ſimilis, Mariam  
 matrem, quòd Mahumetanos Gonzalo interitū  
 machinantes non modò non repulerit, ſed etiā  
 inuerit, interfici imperauit. Eandem in quatuor  
 conſiliarios tulit mortis ſententiam, ex quibus  
 duo ſtatim occiſi; alij duo rem ſubodorati, vitæ  
 fuga conſuluerunt. Ex iis verò Cacizius Minga-  
 mes, conſpirationis & iniquiſſimi conſilij prin-  
 ceptor, cum in nulla Caſtrariæ parte tutò eſſe, ne-  
 que in natale ſolum (id Mozambicum erat) re-  
 meare poſſet, velut alter Cainus, ignotas, dū vi-  
 xit, regiones vagus exulq; pererrauit. Cæteri de-  
 mum, ad quos peſſimi facinoris cauſa pertinuit,  
 aliquanto quidem ſetiùs, ſed iuſtam tamen Nu-  
 minis iram experti ſunt. Cum enim poſtea vali-  
 do cum exercitu in ea Monomotapæ loca veniſ-  
 ſet Franciſcus Bärretus, dux Luſitanius, effecit, vt  
 Mahumetani omnes, qui regia tunc in vrbe erāt,  
 edicto regio foras pellerentur, & Senam ipſe in-  
 grediens ex Luſitani Regis mādato ſceleris par-  
 ticipes diligentiffimè conquiſiuit, comprehen-  
 ſosque atque exquisitiſſimis tormentis ad terro-  
 rem & exemplum cruciatos, morte turpiſſima  
 multauit. Quæ tamen Dei benignitas eſt, ex iis  
 ipſis, qui ſuſceptum flagitium ſupplicio capitis  
 perſoluere, nonnulli cognita fidei noſtræ veri-  
 tate, animi ſalutem procurantes, Chriſtianis ſa-  
 cris initiati voluerunt, ſuſceptoque Baptiſmi Sa-  
 cramento à corporis morte ad immortalẽ vi-  
 tam,

ram, ut æquum est credere, commigrarunt: In his auctoritate, doctrinæ opinione, & iniquæ super-  
 stitionis studio primus fuit Xequius quidam  
 nomine Ampêus, quem nostri cognomento  
 composito ex duobus vocabulis apud Lusita-  
 nos & Castellanos idem significâtibz, ignomi-  
 niæ causâ, camperrum, hoc est, canem vocita-  
 bant. Quô iste, spectato hominum iudicio, à  
 Christiana religione amplectenda alienior vide-  
 batur, eò verisimilius est, Gonzali precibus ac  
 sanguini secundum Deum tribuendum esse,  
 quod illam sit amplexus. Referunt illum, Mahu-  
 meticis erroribus cæteroqui apprimè deditum,  
 & omni flagitiorum genere corruptum, vitamen  
 ingenij & acuti iudicio præditum, simulatque So-  
 cietatis Iesu religiosos in Æthiopia vidit, summa  
 diligentia observare solitum eorum mores,  
 omnemque agendi rationem, quid videlicet di-  
 cerent; quid facerent, quomodo militum & re-  
 liquorum hominum vitia persequerentur, eos-  
 que ad iustitiam, atque ad omne genus virtutum  
 accenderent; pauperum miseras subleuarent; so-  
 larentur vinctos; ægros inuiserent; sepulturæ  
 mortuos mandarent; aliaque huiusmodi miseri-  
 cordiæ ac pietatis opera præstarent. Hæc cum  
 perspiceret, sensim animo commoueri, de virtu-  
 te bene sentire, Christianam professionem ma-  
 gni facere, veritatis agnoscendæ desiderio de  
 Mahumetica turpitudine dubitare. Cum ergo  
 super hanc rem ancipiti teneretur cogitatione,  
 comprehensus ob Gonzali necem, & in vincula  
 coniectus est: sed diuino profus beneficio con-

pêus postularet, apertè hominem monet, siue in Mahumetica superstitione persistat, siue saniori mente Christianam amplectatur religionem, certò sciat stabili prætoris sententia statutum, vt absque vlla dubitatione mortis suppliciũ subeat. Negat Ampêus vllò se artificio vti; neque verò curæ sibi esse vitam corporis tueri; sed animi salutem optare quàm maximè, & eius causâ Christo velle copulari, id tantum obnixè petere, vt ante mortem lustrali aqua perfundatur, & Christianorum numero aggregetur; post mortem verò corpus suum Ecclesiastico ritũ sepulturæ commendetur. Habita Ampêo fides, & Christiana mysteria, quo ad tempus patiebatur; sedulò impetrata. Per eos dies res contigit non indigna relatu, qua Deus videtur voluisse, sincerum Ampêi animum dubitantibus patefacere. Decumbebat graui morbo correptus Ignatius Mendius nobilis iuuenis moribus æquè & fortitudine clarus, & Antonij Valêris regij quæstoris contubernalis. Hic ad extremum deuenerat, mortuóque similis tres aut quatuor iam dies sine voce ac sensu animam trahebat. Ecce tibi de repente clamorem tollit, apertè atque expeditè, duo hæc pronuntiat verba, Xequius Ampêus, eaque iterum atque iterum reperit. Ad hæc excitatus quæstor, & ægerrimè ferens à moriente Christiano, cuius ex ore sola Iesu & Mariæ nomina audiri debeât, Mahumetanum turpissimũ, & Lusitanis maximè exosum appellari, (de eius conuersione nihil adhuc audierat.) Eia, inquit, quid tu hoc tempore in faustum nomen mori-

K ; bundo



bundo ore vsurpas? Iesum cōpella, veram hominum salutem, & eius matrem, vnicum in periculis subsidium. Desine fœdissimo nomine os conspurcare. Nihil eger ad hæc; sed postquam paululum quieuit, elata iterum voce illud idem ingeminat, Xequius Ampêus, additque insuper, Cum illius anima mea anima sit. Post hæc modico interuallo extremum reddidit spiritum. Summum quæstor ex hac re mœrorem animo concepit, deque mortui iuuenis salute hac ex parte valde dubius, adit Franciscum Monclarū Societatis Iesu sacerdotem, & cum magna intimi doloris significatione, quid euenerit, exponit. Re Monclarus audita, occultas mortalibus diuinæ prouidentię rationes summopere admiratus, anxietate & mœstitia Quæstoris animum liberat, simulque docet, illas Ignatii morientis voces veluti oracula fuisse, quibus beneficentissimus Deus & suam in Ampêum clementiam, & felicissimam hominis conditionem voluerit demonstrare. Atque his dictis, cum graui premeretur ægritudine, contineri non potuit, quin electo ocyssimè surgeret, & Ampêi videndi gratia hominum manibus deportatus, tenderet in carcerem. Eò ubi venit, nouum Christi militem reperit, sic erectum animo, vt pro eodem Christo mori summopere optaret, sic item in nostram religionem affectum, vt reliquis Mahumetanis, qui in vinculis erant, fidei Christianæ veritatem incredibili animi contentione predicaret. Quoniam verò ardeni quodam Christi amore erat inflammatus, placuit Monclaro, vt Laurentij nomen

men in Baptismo acciperet; quod factum est. Proximo igitur post Pasca sabbato, cum aliis quinque ex Mahumetana etiam scditate ad Christianam munditiem conuersis, sacra vnda lotus, paucis post diebus commissa per anteaetatem crimina debito mortis supplicio expiuit. Porro, vt notavi supra, illud per id tempus crebris vulgi sermonibus sacatum, & magna approbatione receptum est, Gonzali animum corporis custodia solutum, calidas ad Deum fuisse preces, atque ab eo obtinuiffe, vt Ampêus ab ignorantie carcere ad veritatis lucem educus, pessimam vitam fine optimo, quod tamen rarissimum est, feliciter concluderet.

K 4 VITÆ



VITÆ GONZALI  
SYLVERIÆ, SOCIETATIS

IESV SACERDOTIS, IN  
vrbe Monomotapa mar-  
tyrium passi,

LIBER TERTIVS.

*De studio orandi.*

CAPVT PRIMVM.

**Q**VI Gonzalum nouere, testati sunt, nullam esse virtutem, qua non fuerit cumulatè præditus. Vagari per omnes, nec lubet, nec operæ pretium est. Dicam pauca de quibusdam, quæ religiosi viri magis sunt propriæ. Inter quas illa in primis se offert, quæ vt hominem Deo, ita vicissim Deum homini facit familiarem. Ergo semper cùm Deo Gonzalus erat. Siue iter faceret, siue quiesceret, defixos habebat in cælo oculos, cuius aspectu mirabiliter reffectus, omnes eas, quæ ex humanis rebus percipiuntur, voluptates, vt rem valde noxiam, aspernabatur, ac respuebat. Sæpe in cubiculo  
reper

reperitus est, sic extra se positus, ut nullum externorum sensuum haberet usum. Nonnunquam etiam visus est, superato corporeæ molis pondere, abstractus à terra in sublimi pendere. Rem dicam hoc de genere graui testimonio firmatam. Domum professam Olyssipponensem incolebat Gonzalus. Erat tunc ibi sacrarij custos Petrus Marchius, Conimbricensis postea collegij ministerio notus. Is negotij causa ad Gonzalum adiens, & cubiculi ostium aperiens, hominem videt è terra sublatum pendere in aëre. Visu attonitus accurrit subito ad Gonzalum Vasium de Mello, magnæ virum prudentiæ, & pietatis, qui tunc in eadem domo concionatorisungebatur officio, prouinciam postea magna laude administravit. Huic Petrus vix animum ex lassitudine colligens, quid viderit, exponit. Uterque alios vocat. Multi simul ad cubiculum properant; apertis foribus Sylueriam aspiciunt, eleuante spiritu sarcinam corporis, à terra sublimem. Miraculi magnitudine perculsi, sese mutuo contuentur, vim diuinam simul & viri sanctitatem facile prædicantes. Tum diligenter cuncta obseruant, statum, formam, elevati corporis circumscriptionem. Hisque notatis, & clauso cubiculi ostio, non stupefacti minus, quam recreati, discedunt. Mello insuper admirationi & solatio lacrymas addens, immensa diuinæ liberalitatis dona, corde & ore quantum potest, extollit. Olyssippone iterum propter regij palatij vestibulum iter faciens, diuina contemplando, eum in modum ab se ipso recessit, ut socio-

K s inter

facile

inter prætereuntem turbam relicto, currentis more gradum accelerarit. Constat, occulta aliqua vi compulsus rapi. Cum rem diuinam faciebat, adeò frequenter ecstasim patiebatur, ut quid, quòve loco dicendum esset, à ministro quærere cogeretur. Indicæ prouinciæ præfectus, re diuinæ confecta, ita ab altari redibat ab se abstractus, ut relicto sacrario, sicut erat, sacris vestibus indutus, ad cubiculū pergeret. Quamquam verò siue cum externis, siue cū domesticis ageret, semper cum Deo esse, eiusque frui consortio videbatur; priuatim tamen, partim in cubiculo, partim in templo multas diei, multas noctis horas orando consumeat. Hic porro corporis status, hæc ferè Gōzalo forma, cum priuatim orabat: Flexis erat genibus, sublati in cælum oculis, brachiis interdum per corpus rectà demissis ac protensis, interdum in Crucis figuram conformatis, reliquo corpore ita erecto & immoto, ut res magis in anima, quàm prædita sensu videretur; cum ne leuiter quidem vllam in partem caput inflecteret, neque aliò, quàm ad cælum volueret oculos; Cum accumbebat mensæ, sic erat totus in earum rerum, quæ legebatur, consideratione defixus, ut loci, officij, sui denique obliuisceretur. Quoniam verò multum interest, qua animi integritate niteat Euangelicæ doctrinæ prædicator; nec minùs exemplo, quàm verbis adduci debet, tam infideles ad fidem, quàm ad iustitiam peccatores; in assiduam verò atque intimam cum Deo familiaritatem & rectè viuendi & in proximorum salutem vtiliter incumbendi

tota

tora ferè ratio constituta est, dum Indicæ provinciæ clauum tenuit, prudenter statuit, vt præter consuetam matutini temporis horam, quæ Deo peculiariter impenditur, præterquæ semihoram discutiendæ bis in die conscientiæ tributam, socij omnes tempore pomeridiano integram rursus horam Deo darent, quo ad bene viuendum atque ad cōuersionis officium cum fructu peragendū ab eo vires acciperent. Simili quoque modo ne se aliorum saluti procurandæ ita socij dederent, vt obliuiscerentur sui; iis, qui in ora Piscariæ rem Christianam administrabant, præcepit, vt quantum ius & ratio paterentur, per horam quotidie meditandi ac deprecandi, ad animi profectum aliquid spirituale legendi, conscientiæ bis examinandæ exercitium nulla de causa prætermitterent. Statuit item, vt ad collegium se aliquoties per annum reciperent, ibique secretò cubiculo abditi, per dies aliquot priuatim agerent cum Deo, & ex animo depellerent, si quid sordis esset ex hominum consuetudine contractum. Hanc ob causam in Cocinensi collegio pauciores esse voluit à Resurrectionis Dominicæ festo conciones, quàm esse prius solerent, vt concionatores ipsi vacuum ab studio tempus rebus darent diuinis, easque animis suis acquirerent diuitias, quibus postea possent aliorum animos locupletare. Est enim experientia compertum, illos, quibus concionandi munus demādarum est, tantum communiter prodesse aliis, quantum profunt sibi. Fieri enim non potest, vt cui animus friger, is  
aliorum

aliorum mentes accendat; aut rerum diuinarum saporem, aliis communicet, cui diuina gustui non sunt.



*De affectu in res sacras.*

C A P. II.

**I**N primis ex augustissimo Missæ sacrificio summam percipiebat vtilitatem. Eam ob causam, ne in maximis quidem occupationibus, illud vnquam intermittebat. Quoniam verò rectè nouerat, eò fructuosius peragi hoc mysterium, quo purius; non semel tantum in die, sed bis etiam ac ter ante celebrationem, animum confessione expiabat: quod fuit multos per annos, in India præcipuè, obseruatum, cum inibi prouincialem ageret. Si quando tanta erat vis morbi, vt à litando abstinere cogeretur; à cælestis quidem cibi sumptione nequaquam abstinerebat. Atque ita nullus transibat dies, quo diuino illo pane non pasceret. Christi crucem, quæ semper animo portabat, præcipuo quoque honore putauit palam sibi esse colendâ. Quocirca quocunque in cubiculo habitaret, in quatuor parietis partibus cruces quatuor, in singulis lateribus singulas, affigi curabat, vt quamcunque se in partem volueret, illa sibi imago offerretur intuenti, quæ & dulcissimum Iesum indignissima crucis morte propter homines multatam in

memo

memoriam reuocaret, & insuper moneret, à do-  
nando corpore, & comprimendis ànimi appe-  
titionibus, nullo sibi loco, nullo tempore esse  
cessandum. Quanto studio Deiparam Virginem  
prosecutus sit, cùm multa alia, tum frequentissi-  
mi de ipsa publicè & priuatim habiti sermones  
argumento sunt. De sanctissima enim Virgine,  
vbi se occasio dabat, libens gaudensque loque-  
batur. Interno autem ànimi in illam affectui ex-  
ternus cultus ex æquo respondebat. Vbicunque  
enim aliquam eius imaginem intuebatur, de-  
missis modestè oculis, & magna capitis ac to-  
tius corporis inflexione, flexis etiam nonnun-  
quam genibus, illam venerabatur. Erat in ambu-  
lacro Goani Collegij Virginis effigies, venera-  
tionis ergo vulgò exposita: in eius conspectum  
quoties Gonzalus se dabat, nocturno præsertim  
tempore, quo minùs posset obseruari, subsiste-  
bat paulisper, & supremam rerum reginam ac  
dominam agnoscens, venerabundus ante illam  
procumbebat. Idem sæpe animaduersum, cùm  
in eiusdem collegij horto precarios globulos  
deambulando percurreret: quoties enim angeli-  
cam salutationem inchoabat, toties ante sacram  
effigiem genua flectens, pium erga beatam Vir-  
ginem animum ostendebat, quod facere solitas  
accepimus, tum Margaritam Hungariæ regis fi-  
liam, quæ festis Deiparæ diebus salutationem  
angelicam millies recitans, cuiusque salutationis  
initio magna pietate poplites curuabat; tum  
Mariã Oegniacensem, insigni probitate fœmi-  
nam, quæ singulis quaternis diebus millies cen-  
ties



ties noctu & interdiu eadem oratione Deiparam salutans, ad initium quoque cuiusque salutationis idem præstabat. Quam venerationis formam dedisse mortalibus creditur Archangelus Gabriel, cum admirabile illud Filij Dei cum humana natura coniugium Virgini Mariæ, cuius in vtero celebranda erant nuptiæ ex augustissimæ Triadis mandato Legatus exposuit. Ferunt enim sub humana modestissimi ac pulcherrimi iuuenis specie oranti Virgini comparuisse, eamque flexis genibus magna cum submissione & reuerentia salutasse. Quin etiam toto legationis negotio peracto, sub ea venerantis forma apud Virginem aliquanto tempore perstitisse, donec tandem in cælum, vnde venerat, reuersus est; quod enim quidam commentantur, Angelum legatione exposita, acceptoque Virginis responso & consensu, statim abiisse, haud probabile nobis est. Vero certè similis, quod monumenta tradunt venerabilis illius congregationis S. Georgij in Alga, quæ in Lusitania apud peritiores à sancto Ioanne Euangelista, apud vulgus à sancto Elogio nomen habet. Ibi enim scriptum legimus, eos, qui dictæ congregationis auctores fuere, à beata Virgine accepisse, Archangelum Gabrielem, cum Incarnationis mysterium nuntiatum venit, totas atque integras nouem horas apud eandem Virginem fuisse, ac si ob incredibilem Virginis modestiam, & maiestatem humana maiorem, atque ob diuini Verbi carnem induti præsentiam in admirationem raptus discedere non posset. Quod non ineptè quis pu-

- ter

tet à Scriptore sacro indicatum, cum eius discessum referens, his usus est verbis, Et discessit Angelus ab ea. Videtur enim voluisse indicare, Gabrielem rerum nouitate & magnitudine obstupefactum sic hæsisse, ut auelli non posset, donec tandem, re exigente, quodammodo tamen inuitus, à loco discessit. Sed quoad Gonzalum atinet, tanto, secundum Deum, Virginem beatissimam & reliquos cœlites immortales studio coluit, tamque intimo beneuolentiæ, & familiaritatis affectu prosecutus est, ut cœlestem vitam ageret in terris.



*De futurorum prædictione.*

C A P. III.

Cum tanta Gonzalo esset cum Deo familiaritas, mirari nemo debet, si diuini instinctus impulsu, plurima, antequam forent, prænouerit, & prænuntiarit. Dicam pauca, quæ facile testentur præscium fuisse futurorum. Vir erat in Lusitania sanguine illustris, vita & moribus obscurus. Eius animæ salutem ut maximè Sylueria exoptabat, ita assiduè eam precibus obtinere à Deo nitebatur. Nunquam verò hoc pietatis officium præstabat ardentius, quàm cum rei diuinæ operam dabat. Verùm id precanti accidebat, ut cum in reliquo sacrificio nomen sibi valde propi

propitium placidumque sentiret, vbi de misero illo homine agebat, mox sibi videretur videre, Numen idem terga vertere, ac veluti iratum recedere. Pater visu attonitus, atque id, quod erat, intelligens, hominem videlicet in fœdissimo scelerum suorum cœno adeò pertinaciter voluntari, vt vel ipsum eius nomen nauscam moueret Deo, rem eidem narrare statuit, quò diuinæ iustitiæ terrore percussum ad bonam mentem, si posset, reuocaret. Eùm igitur aliquando siue studio quæsitum, siue casu obuiam factum sic dicitur allocutus; intelligere non possum, quidnam hoc sit, quod in diuino Missæ sacrificio quoties pro te ad Deum preces fundo (fundo autem quotiescunque rem sacram facio) videre mihi videor, Deum ipsum, ad cætera clementem ac benignum, vbi de te mentio fit, murato quamprimùm vultu, alienum atque auersum animum ostendere, & quasi significare velit, meas pro te supplicationes sibi gratas non esse, recedentis speciem præbere. Rem homo risu excipit, & amicis iocose narrat, Patris vel ineptam sollicitudinem, vel stulticiam notans. Ex iis, qui narrantem audierunt, vnus fuit Hieronymus Menesius, is, qui multos annos Conimbricensem primùm Academiam, Mirandæ deinde, vltimò Portus episcopatum rexit, vir nobilitate, literis, & virtute in Lusitania clarissimus. Funestus hominis exitus, vt idem Hieronymus obseruauit, quo instinctu pater locutus fuerit, satis declarauit. Per varia enim animi & corporis incommoda miserrè iactatus, & à Romanæ Ecclesiæ corpore, veluti cor

ri corruptum membrum, anathemate præcisus, calamitoso fine infaustam vitam terminauit. Sedente Bracharæ Balthazare Limpo, eò Gonzalus venit, vt Bracharensem populum ad animi salutem iuuaret. Multa in hoc genere præstitit, quibus vniuersos ordines mirificè sibi & Societati deuinxit. Cum reuersionem pararet, ciuem quendam, virum egregiè pium, quo fuerat in spiritualibus negotiis familiariter vsus, dolentem, quod ea ciuitas Societatis religiosis careret, his verbis solatus est, Si operam, inquit, nostrorum in hac tua vrbe desideras, bono esto animo, non multos post annos tibi, tuisque ciuibus licebit societatis collegium in ea visere, & sociorum doctrina frui. Visum id tum, quàm dictu facile, tam factu impossibile. Quominus enim in ea vrbe vllum fieret quorumcunque religiosorum domicilium, tanta semper omnium ordinum vi intercessum est, vt ne ipsi quidem Archiepiscopi, vrbis domini, quorum nonnulli ex religiosis familiis fuerant assumpti, id vnquam à populo obtinere potuerint, cum maximè desiderarint. Cæterum à Deo fuisse Gonzali vaticiniū, euentus probauit. Nam Bartholomæus de Martyribus ex Dominicana familia, antistes pietate & doctrina clarissimus, cum nullum Bracharæ fratribus suis cœnobium erexerit, nobile Societati Iesu Collegium dedit, quod fuit primum religiosorum hominum domicilium, intra vrbis mœnia ædificatum. Graui aliquando morbo premebatur Philippa Gonzali soror in oppido Goczio de quo dixi suprà; re cognita Conim-

L      bricen

bricensis collegij rector eò Gonzalum mittit, vt laborantem sororem aspectu recreet, & si oporteat, ad tolerantiam adhortetur. Profectus illico est ex obedientiæ præscripto. Dumque iter faciens sanitatis negotium Deo commendaret, creditur diuinitus nouisse, neque vlum esse ex ægritudine periculum, neque ita æcerbè, vt initio morbi, Philippam affligi. Vbi enim cubiculum ingressus est, nec decumbentem sororem salutans, nec de valetudinis statu quidquam sciscitans, de rebus statim diuinis disserere, & quantum quisque immensæ Dei beneficentiæ adstrictus sit, coràm explicare cœpit. Visus homo est iis, qui aderant, plus æquo austerus, & parum fortasse cultus. Fuit ex propinquis, qui interrupto eius de Deo sermone, quætere auius sit, quid causæ esset, cur mœstis omnibus, deque Philippæ periculo valde sollicitis, solus ipse, cui tam arctæ cum illa intercederent rerum multarum necessitudines, veluri omnium immemor, tanta vteretur animi duritie, vt nec iacentem salutarit, neque de morbi natura & grauitate quidquam ab assidētibus intelligere voluerit. Ad hæc Gonzalus mansuetè & confidenter respondit, in primis beneficentiæ diuinæ commemorationem, gratissimæ cuiusdam salutationis loco habendam esse; deinde de sororis suæ salute nihil sibi opus esse quærere, cum non dubitet, quin & periculū absit, & vis morbi imminuta sit; magno opere oportere, vt pro beneficiis, quæ in nos Deus identidem confert, quantas possumus gratias illi agamus, ne ingrati animi culpa dulcissimos eius

eius liberalitatis & clementiæ fontes nostram in  
perniciem obstruamns. Maritimam Persici ma-  
ris oram ingenti classe infestabant Turcæ simul,  
& Rumes (aliud Turcarum genus est ab Con-  
stantinopoli profectum) & graue Ormusiæ bellū  
inferre statuebant. Constantinus Indiæ Prorex,  
ad obsistendum hosti, classem similiter parari iu-  
bet, eique Aluarum Sylueriam Gonzali fratrem,  
virum militari industria, & rebus gestis insignē,  
prudenti consilio præficit. Id ubi Gonzalo re-  
nunciatum, ad orationem statim se confert, &  
cum Deo negotium communicat. Adit post hæc  
Proregem, constanter precatur, ne classem Al-  
uaro cōmittat. Non dubito, inquit, Inclyte Pro-  
rex, quin Aluarus is sit, cui demandari grauissi-  
ma quæque sine temeritate queant. Eius enim  
virtus multis armorum casibus explorata, cuius-  
que belli feliciter & pro dignitate gerendi, re-  
portandæque de hostibus victoriæ non modò  
spem, sed fiduciam facit. Mihi tamen omni-  
no certum est, fore, vt & se & vniuersam clas-  
sem exitio sit daturus, si cum summo imperio  
ipsi præficiatur. Iterum igitur atque iterum te  
oro, vt Lusitaniam rem saluam à Turcis ve-  
lis, & Aluari virtutem expeditionibus alijs  
reserues. Credit Prorex non ex oraculo, sed ex  
animi submissione profectam Gonzali vocem.  
Perstat in sentētia; Aluarū cum classe ad Ormu-  
siam mittit. Soluit ille ~~ex~~ portu hilaris, & recta  
ad hostem contendit. Ad eius conspectum ubi  
ventum, tanta illico in Aluaro magnanimitas  
eminuit, vt Turcarum Dux perterrefactus, ho-

norificis à Lusitano conditionibus pacem postularit. Aluarus successu latus pacem negat, seque ante rubam sine dubitatione reputat victorem. Dein in memoriam reuocans ac ioco militari irridens Gózali minas, Tandem, inquit, compertum est, non semper fratrem meum vera prædicere. En falsus vates, in hoc saltem euentu,prehenditur. Ab his dictis, in hostium classem dirigi proras iubet, & summo impetu certamen inicit. Pugnatum acriter vtrinque; sed vt bellorum euentus incerti sunt ac dubij, à Turca, qui se victum reputabat, sterit victoria. Cæsus in prælio Aluarus, classisque Lusitana miserabili strage deleta, magno fuere documêto, & compescendi exultantis animi ferociam, & hominum piorum minas ac prædictiones reuerendi.



*De ardore pænitentia.*

C A P. I I I I.

**P**OST QUAM Gonzalus Societari Iesu nomen dedit, tam alacri statim animo affligendi se, & motus suos coercendi negotium suscepit; tantæque deinde assiduitate vique ad vitæ finem in eo perdyrauit, vt dubitare quis iure possit, vtra plus admirabilitatis habeat, ea ne animi alacritas, qua tam asperam viuendi legem ab ipso religionis ingressu sibi imposuit; an illa potius, qua ad vltimum vitæ spiritum impositam

tam legem constantissimè tenuit, perseverantia. Perpetuò gestabat cilicium, in modum thoracis efformatum, alligato desuper lineo collari, indusium mentiente. Addebat nonnunquam cilicium asperius, quàm ex ferro, quàm ex orichalco minutatim puncto, obuersis in carnem punctiunculis. Ita se frequenter, & acriter verberabat, ut toto in dorso nihil sanum aut integrum esset, sed vniuersa caro plagis pertusa, vnius circumfusi vlceris speciem præberet. Res hac ratione cognita. Incidit aliquando Gonzalus in vnum ex sociis, interna perturbatione commotum. Ex ipso vultu agnouit hominem mœstitia torqueri. Eia, inquit, quin tu mœrorem istum ex animo depellis? qui in famulatu Dei sunt, eos hilares & lætos esse oportet. Tu pater, ait ille, sanctus es; animum habes sedatum, & ab omni perturbatione securum; experiri in te non potes, quibus ego curis exedar. Certè, si hisce, quibus æstuo, tentationum fluctibus iactarere, non posses vlllo gaudio aut pace frui. Hic Gonzalus commiseratione motus manu hominè apprehendit, in secretum locum ducit, dorsum illi suum nudat, ostendit pænè fractas ac ruptas verberibus costas; Tum sic, Quid animum despondes, mi frater? te ne solum hostis hominum sollicitat? quis in hac vita, quæ militia est, cum terribimo cacodæmone pacem habet aut inducias? nec flagella timet, nec plagas istas, quas vides, horret; me frequentissimè impetit, acerrimè oppugnat, sed persto, auxiliante Numine, & perstiturum spero, imò & victurum. Ne te, obsecro,



perditum puta, aut desertum à Deo. Hoc quod tibi calamitas videtur, Dei benignitas est; Gloriæ nobis segetem ministrat. Non ideo patitur hominem oppugnari, vt succumbat, sed vt ipso duce & commilitone vincat. His Sylueriæ dictis dispulsa inprimis ex corde mœrentis tota illa tristitiæ nox: tanta deinde animi alacritas consecuta, vt bonus vir increpita grauitèr timiditate & ignauia, actisq; Deo gratibus, quod præclaras sibi bene de ipso merèdi occasiones offerret, intrepidus ad certamen accesserit, in maximam erectus spem de pessimo, tandem hoste victoriam reportandi. Cùm in India prouinciam moderaretur, dici vix pòtest, quanto per e contendere, vt ne ibi nullum haberet superiorem, qui nullum ibi iure habebat. Sibi igitur ipse subdebatur, & corpus submittebat spiritui. Quod vt perfectè fieret, singulis se diebus crudelissimè cædebat. Flagellum ex virgis erat, quas Indi Rotas vocant. Tenuis sunt & flexibiles, atque ad ciendum dolorem & infligenda vulnera adeò natura accommodatæ, vt ad primum ictum cum acerbo animi sensu sanguinem eliciant. Ex hac verberatione id sequebatur, vt curandis vulneribus in carne relictis remedium quæri & applicari oporteret. Hoc plerumque oleum erat ex nuce Melindica, aptum tali morbo & paratu facile medicamentum. Eo se pater libenter inungebat, non vt dolorem minueret, sed augeret; & priori decrescienti nouus succederet. Adeò enim se hostiliter persequebatur, vt postero statim die, nondum curata cute, repetitis ver

tis verberibus vulnera cū doloribus renouaret. Cū verò pars vna corporis sic erat faucia, vt ferre ictus non posset, cædebat aliam:& hunc in modum percurrebat omnes, nulla prorsus vt esset, quæ propriis doloribus vacaret. Hinc illud fiebat, vt vix aliter, quàm stando consistere valeret. Vnde ortum, vt quamuis nimis studiosè hanc viuendi rationem tegere curaret, ex ipso corporis habitu detegeretur. Quin etiam cū in hortum Goani collegij, quo tempore obseruari à nomine posset, se conferre consuesset, vt ibi in quadam ædícula inclusus liberè se verberaret; quominus res nota fieret, impedire non poterat. Inuentus enim in ædícula, & in vestibus internis cruor factum prodidit. Inter hæc, mira in cibo & potu parcitas. Præter panem & aquam rarò ad victum aliud adhibebat. Ab auium esu, & quouis alio suauis aut delicato edulio tam constanter abstinebat, vt à proposito nullis precibus se abduci pateretur. Pauperum victu mirificè delectabatur, paupertatis amore. Cibario pane, cū edere oportebat, & ex milio, aut secale confecto victitabat libenter. Quando Lusitaniæ oppida & castella concionando lustrabat, ad simplicem panem precariò mendicatum aliquid nonnunquam cœpæ vel halecis addebat, suscepti laboris gratia. Quando domi cum sociis communi mensæ accubabat, ita se ad comedendum componebat, vt nihil videretur ex appositis ferculis relicturus. Iusculi enim aut pultis catinos trahebat ad sese, immerfis etiā per simulationem ex pane particulis. Carnem

lōsopho pateretur vinci, qui nōn humanæ; sed diuinæ sapientiæ studio operam nauaret. In peregrinationibus, excursionibus, ceterisque itineribus nunquam ad domum aliam, quantum fieri poterat, quàm ad commune pauperum xenodochium diuertebat. Ibi si fortè opus esset somnum cubando capere, quod aliquando coactus necessitate faciebat, ad reponendum corpus, culcitra vtebatur ex canabeduris paleis referta, stragulo vili & crasso, sine lintheis & ceruicali. Decumbebat aliquando in quodam Portuensis orbis nosocomio (Societatis Collegium ibi nondum erat) magna febris iactatus. Inuisit ægrum Henricus Gouea, is, qui postea propriis ædibus & tribus filiis Societati datis, dum pestilentia infectis piè ministrat, laudabili fine diem clausit. Patrem ita miserè iacentem vir nobilis conspiciens, & vehementer dolens, tam indignè haberi virum tantum, inter alia caritatis officia hoc etiam voluit exhibere, vt mitiori lecto afflictum corpus exciperet. Valde in ea re ab Henrico laboratum; sed tandem vicit; remotaque dura illa culcitra alia ex lino & lana sultam suppposuit molliorem. Hanc rem morbo ipso grauius Sylueria tulit, adeoque commutationem est auersatus, vt quo primū die iudicatum est à medico, abesse febrim, suis ipse manibus atque humeris lineam culcitram sustulerit, & priuato in loco reponens, ad suam reuersus sit. At non paruo res illi sterit; febris enim, quasi collecto ex cessatione impetu, debile corpus sauius inuadēs, diutius afflictauit.

nis gradū fuisse euectū. Constat inter Spiritualiū rerū peritos, non posse humanū animū liberē in Deum euolare, nisi pars illa hominis inferior, quæ omnium parens est & effectrix perturbationum, constricta vinculis, & simul cum vitiis & concupiscentiis, vt Paulus ait, cruci affixa sub rationis imperio contineatur. Quandiu enim sui iuris est, nec vllius subiaceret dominatui, cū sit crasso & concreto permista corpori, suo pte pondere fertur ad ima, perque innumeras rerum cupiditates mentem trahens, non sinit eam vno in loco meditando cōsistere, vt possit diuini illius animarum sponsi, vel loquentis vocem audire, vel præsantis aspectu & suauitate frui. Hanc ob rem magnus ille Antonius vir orandi studio eximiē deditus, ipsisque inferorum monstris vel hoc nomine formidabilis, cū à quodam sene cremita rogaretur, quomodo posset diuina contemplando sic integras noctes transigere, vt grauit̃ etiam ferret, oriri solem, quod luce sua nocturnam quietem interturbaret, hunc in modum fertur respondisse: Scias, frater mi, tandiu me latuisse, in quo vera contemplandi ratio sita sit, quandiu vllam mei ipsius habui rationē: vbi verò inquietis motibus veluti noxiis herbis mentem purgaui, meque à me ipso, atque ab omni terrena concretione segregatum ad superiora transtuli, quamprimum degustare cœpille mirificum illum diuinæ voluptatis fructum, qui ex cælestium rerum contemplatione à perpurgatis animis percipi solet. Purissimus namque Dei spiritus animum exigit de fœ

detœcatum & purum, cui gaudia sua instillet; quoniam æquum non est, Gregorio Nazianzeno teste, vt pretiosissimus opobalsami liquor immundo, sordidoque in vase recipiatur. Priùs ergo myrrhæ mons, quàm thuris collis est conscendendus. Hanc enim expeditam esse rectè precandi & contemplandi rationem, monuit apud sapientem qui dixit; Vadam ad montem myrrhæ, & ad collem thuris. Etenim vt humanus animus dulcia cum Deo ac suauia miscere possit colloquia, ex quibus gratissimus eidem Deo exhaletur odor, antè ipsi adeundus est mōs myrrhæ, qua perfectæ quædam omnium perturbationum mors designatur. Vnde qui nondum mortuis ac sepultis, sed planè viuis ac vigilantibus appetitionibus ad diuina contemplanda accedit, neque illos percipiet, qui ex contemplationis opere expetuntur, veræ pietatis fructus, neque verò in hoc studio poterit diutius persistere; cùm indomita illa atque effrenata affectionum caterua soleat plerumque cæco impetu ex improviso irruere, & contemplantis animi quietem obturbare. Vtrunque igitur coniunxit Gonzalus, atque ab illo incepit, necessario, & summæ veritatis voce commendato sui odio, quo sicut ad stabiliendum religiōis vitæ virtutumque ædificium nihil est constantius, ita ad inchoandum nihil debet esse prius. Domitis itaque Sylueria affectionibus, rerum diuinarum contemplationi tanta mentis, tum libertate, tum iucunditate se dabat, vt relictis plerumque, sicut antea diximus, in terra sensibus, libero animo

mo ad Deū raperetur. Singularis beneuolentiae signa iis maximè exhibebat, quos norat & in cōprimendis animi sui cupiditatibus solitos maiori studio operam collocare, & in colenda religiosa disciplina cæteris esse diligentiores. Summo semper opere socios hortabatur, nihil ut antiquius haberent, quàm ut hostes sibi ipsis essent intensissimi; cum appetitionibus suis perpetuum gererent bellum, nunquam de manu falcem deponerēt, quæ non succrescentes tantum, sed & vix enatas malorum affectuum herbas penitus ab radice resecarent; nulla prorsus in re facerent, quod liberet, nisi ad ipsum scirent fore gratum Deo. Dicere erat solitus, habere Societatis religiosum in hac vita, si velit, veram purgandi animi rationem, eamque in vna sui victoriâ esse positam; non deesse enim illi occasiones, & quidem assiduas, quæ & suscepta contra Deum peccata aspero vitæ instituto rependendi, & multa ac præclara merita per voluntarium sui neglectum atque odium acquirendi, vberem segetem materiamque suppeditant. Ut cuique martyri dies sacer aduentabat, ita in eo, eiusdem martyris exemplo, ad Christi amorē & imitationem opportunè subditos monebat. Cum festum aderat S. Laurentij. Eritne, aiebat, ex vobis, qui diuino amore incensus imponi velit ferreis cratibus, & subiecto igne torrerī? Cum S. Andree, Crux, aiebat, nos vocat, fratres mei, quid moramini magno animi impetu propter Christum ad illam rapiamur. Cum S. Sebastiani, En paratæ directæque in nos sagittæ, quin alacres  
damus

damus corda, & pectora tranfigi sinimus? Hunc in modum per dies alios multa, in mortificationis, vt vocant, commendationem differens, sic ad eius studium atque exercitationem socios excitabat, vt qui tunc in Goano collegio erant, disertè affirmarint, se toto illo triennio, quo Pro- uincialem Gonzalus egit, ea ratione vixisse, vt in cælo potius viderentur fuisse quàm in terris.



*De animi submissione, & honoris  
contemptu.*

C A P. VI.

**N**E mo ita se erexit superbia, vt animi sub-  
missione Gonzalus depressit: nemo sic ap-  
petiit honores, vt idem contempsit. Non præ-  
teribo quod accidit Conimbricæ. A turpi pelli-  
catus consuetudine, nescio quem abduxit. Rem  
pellex tulit iniquissimè. Cumque diu multum-  
que laborasset, vt dissolutam amicitiam redin-  
tegraret, nec perfecisset quidquã, in Gonzalum  
iras effudit. Literas ad eum mittit probris & ma-  
ledictis plenas. Atque vt muliebris furor ad  
omnem audaciam proiectus est ac præceps, ni-  
hil contumeliarum fingi potest, quod in eum  
non iaciat. Oblatæ superiori literæ; qui eum fa-  
cilè suspicari posset aliquid arcani latere, quod  
non ab alio, quàm ab ipso Gonzalo deberet le-  
gi, vt erant clausæ, ipsi reddi iubet. Eas ille ape-  
rit

rit, omnino rei ignarus: sed legere incipiens, v  
scriptionis materiam agnoscit, tanta lætitia per  
funditur, quantam nemo, ne summè quidem  
ambitiosus, & maximis laudum suarum præco  
niis perciperet. Ad locum igitur secretum se  
propriens, singulas epistolæ partes, hoc est, sin  
gulas per se iniurias minutatim gradatimque  
perlegit, & attentè considerat. Tunc ita secum;  
Bene est, inuenisti tandem, Gonzale, cui sis pro  
bè notus. En ista sc̃mina tuis te coloribus depin  
git. Ignorare iam noli, qualis sis, quàm superbus  
& arrogans, quanta prædictis rerum ignorantia;  
quàm stultus & demens; quanta plenus simula  
tione; quot denique & quantis vitiis cumula  
tus. Hæc sibi patrem non semel tantum, sed ite  
rum & sæpius obiecisse, cōpertum à socio quo  
dam, qui per cæteras collegij partes aliquanto  
tempore quæsitus, reperit tandem in eo, quem  
dixi, loco, & tacitus illum obseruauit sese acerbè  
increpitantem. Non satis ipsi erat pedibus sem  
per, & mendici habitu iter conficere, quocun  
que iret; verum etiam cum ad permouendam  
rem Christianam in vicina æquè & remota op  
pida excurreret, sarcinam cum scriptis & libris  
ad concionum opus necessariis portabat hume  
ris. Fuit qui rei indignitate piè commotus, Pa  
trem obnixè rogaret, vt ad scriptorum onus mā  
cipio vti vellet, siquidem nollit iumento vti.  
Negauit se facturum, hac lepida responsione:  
Hæcine, inquit, tua in me caritas? mihi adimes  
portandi meritū, & seruitio dabis? Caue, ne veræ  
amicitiæ iura perueritas. Erat Olysi p̃pone in pro  
fella



fessa domo S. Rochi. Degebant per id tempus apud Reginam Catharinam in aula iuxta veterem Lusitaniz morem, duæ eius consobrinæ, nondum nuptui traditæ. Hæ cum, valde essent pietatis amantes, miroque proinde tenerentur desiderio consanguinei videndi, cuius sanctimoniz fama totam se per urbem cum admiratione fundebat, nec suis ipse precibus pertrahere ad se hominem possent, Reginæ ad id utebantur auctoritate. Ab ea frequenter petebant, iuberet Gonzalum in aulam venire, ut ipsis aulicis fœminis Christianæ doctrinæ documenta coram exponeret. Sic erat. Sæpius in aulam pater Reginæ imperio vocabatur, quod ut ipsi erat molestissimum, ita recusare legitimè non poterat. Cum sciret tamè, nulla ferè facilius, quàm aperta ac simplici vitiorum suorum reprehensione nobilium animos offendi, tentare cœpit, posset ne hac ratione in aulæ fastidium & satietatem venire. Aulicos igitur mores à recto aberrantes acriter arguere, in exquisitum fœminarum cultum vehementer inuehere; nunc ipsas compta cadaueta, nunc adoperta tapetibus sterquilinia, nunc aliis asperioribus nominibus appellare. Cum nihil ista prodesse, & quæ parere odium solet, beneuolentiam Gonzalo conciliaret veritas; viam aliam ingressus, Davidis artem imitatur, cum ante Achim Gæthæ Regem productus, ridenda quadam vultus mutatione & defluente ex ore salua stultitiam simulans, Regem fefellit, & præsens vitæ periculum euasit. Eadem ratione Gonzalus, cum aulicarum fœminarum moribus

moribus palàm & feuerè reprehensis, obtinere non posset, vt ipsis fieret exosus, remedio vsus est, vt credebat, potentiori, quo tanquàm iocularis ac ridiculus vulgò habitus, tanto consobrinus pudore afficeret, vt desisterent eius in regiam aduentum apud Reginà procurare. Conuenerant die quadam anlicæ omnes in consuetum locum frequentes, vt de rebus diuinis differente ex more audirent. Ecce tibi, veluti à potestate mētis repente deiectus, vultum variè immutare, diuersas oris & corporis induere figuras, saliuam in barbā demittere, modis mille insignē simulare fatuitatē. Sed non successit ars. Cognita res est, atque adeò effectum, vt vnde Gōzalus sibi quærebat contemptū, inde maiorem apud omnes sanctitatis opinionem, maiorēque beneuolentiam & admirationem consequeretur. Obseruatum est, cū in oppidum Goezium sæpe venisset, & templum, in quo comes Ludouicus eius pater sepultus erat, pro ipsius anima deprecaturus, fuisset ingressus, ad visendum ipsum sepulchrum, quod erat mole magnum, structura superbum, elegantiā pulchrum, operis artificio mirandum, nunquam accessisse, sed oculos ab eo ex instituto remouisse: animū enim ad ea transferēs quæ ad salutē pertinēt, dum ab immanibus illis & sūptuosis marmoribus auertebat oculos, duō nimirū significabat; primū, apud se nulla esse in pretio inania ista rerum cadauera; deinde incredibile stultitiā hominū eorū, quibus potior caducæ, quàm sēpiternæ gloriæ cura est; quandoquidem cœlestium bonorum obliti, vt

211018

*glorioso*

se posteritati commendent, talia in terris relinquunt monumenta vanitatis suæ. Incedebat aliquando per urbem comes Iacobus ingenti equitum ac peditum comitatu stipatus; occurrit fortè Gonzalus; vt fratrem conspexit tanta cum pompa ac tam religiosè incedentem, relicta via minus immunda (tempus erat hybernium) vbi altius lutum, ibi pedes posuit; seque totum dedita opera cæno infecit; vt ostenderet non minus se corporeis illis sordibus, Christi amore, quàm vanissimum quemque magnifico rerum apparatu, & corporis elegantia delectari. Splendorem generis non magis alij palàm facere, quàm ipse celare studuit. Res etiam in religioso perrara. Quàm multi sunt, qui in ipsis quoque sordibus, quas sponte eligunt, nolint illustres videri. Gonzalo nihil erat potius, quàm latere, & terræ filium æstimari. In Tomarica missione cùm die quodam crimina expiandi gratia ad secularem sacerdotem accederet, magna confessarium inaccessit cupido pœnitentem agnoscendi; suspicatus quippe erat, latere in homine aliquid illustre, quod humili habitu regeretur. Rogat ergo, quî vocetur. Rempater subodoratus, & humilitati, quam mitificè adamabat, consultum volens, respondet; Nomen suum neque peccatum esse, neque peccati circumstantiam, quæ necessariò in confessione sit explicanda. Instat confessarius inepta ductus curiositate, Quid, ait, nomen mihi tuum non prodis? Nescis confessario nihil esse in confessione regendum? quin potius, inquit Gonzalus, scio, neque opus esse, neque verò expedire

pedite, vt nomen tibi manifestem meum. Prudenti responso irritatus homo imprudens, abiectum patrem iubet, absolutione negata. At ille, quem non vilius conscientia sceleris, sed ratio pietatis ad confessionem adduxerat, nihilo secius rem diuinam instituit peragere. Quoniam verò præteribat statutum sacrificij tempus, nec confessorius alius poterat facile adiri, domum se recipit; socium monet, expectet tantisper, dum se ad sacrificandum parat. Ingreditur cubiculum, præcumbit in genua, atque animū colligans, diuina contemplatur. Tantum in contemplatione tempus ponit, vt & litandi, & sui ipsius oblitus videatur. Tum socius monendum ratus, ad cubiculum accedit, iterūque & sapius ostium in cassum pulsans, non expectato responso fores aperit. Ecce tibi in medio cubiculo Gonzalum videt prorsus immotum, innixum genibus, sublati ac iunctis manibus, fixis in alto oculis, re viuum, specie mortuum. Visu obstupefactus hæret anceps; cogitat quid agat: id demū consilij capit. Ad ostium cubiculi reuertitur; ingentē sonitū edit, eo strepitu abstractum hominem reuocat ad sensus. Experrectus ille à contemplationis somno, egreditur è cubiculo sociū offendens, Eia, inquit, Res diuina vos vocat; ca-  
mus, tempus est. Exinde in templū itum & sacra  
mysteria peracta.



*De obedientia, & religioſe diſciplinæ  
obſervantia.*

C A P. VII.

**Q**UAM perfectè Gonzalus ſuis ſemper ſuperioribus obedierit, plurimis teſtarum exēplis eſt. Illud ſingulare fuit, quòd in vrbe Portuenſi, cùm à Conimbricenſi Rectore, cui ſuberat, literas accepiffet, in quibus iubebat, vt quāprimum Conimbricam rediret, repentè ſe pedibus in viam dedit; nec ſpectare tantisper voluit, donec calcei corrupti reſarcirentur, & nouis, vt opus erat, fulcirentur ſoleis. Cumque & ſocius, & alij viri graues monerent, iter adeò eſſe longum, vt nouos omnino calceos, aut apprimè renouatos exigeret, ſi pedibus eſſet peragendum; ipſis verò, quos haberet, reſciendis vix horam vnā poſſe conſumi, reſpondit, obedientiæ opera non pati moram; multum reſerre, quā cito fiat, quod præcipitur; cùm in iis, quæ ad obedientiam pertinent, non horam tantū vnā, ſed vel minima horæ pars magnè nonnunquam virtuti afferat detrimentum; denique vt in conferendis beneficiis, ita in exequendis ſuperiorum mandatis, quantum adiicitur moræ, tantum demiſſiæ. Itaque valde incommodo anni tempore (hyems enim frigida atque humida erat) nulla interpoſita mora iter arripit, ac poſt dies aliquot nudis pedibus, aqua & luto plenus, aliique

aliisque oppressus difficultatibus, Conimbricense Collegium ingreditur, magnam ore præferens hilaris animi indicem lætitiæ, sed maius præbēs tā singulari exēplo sinceræ obediētiae documentum. Primus fuit professæ domus S. Rochi præpositus. Eo in munere nihil illi prius ac potius, quàm ut societatis regulæ & constitutiones, recens tunc à B. Ignatio editæ, perfectissimè seruarentur, quod optimè intelligeret, communitates hominum eodem inter se viuendi iure consociatas, non alio modo aut faciliùs stare, aut constantiùs stabiliri, quàm cum suis quæque

**L** Regibus diligentissimè obtemperar. Nec verò ob inopiam rei familiaris, quod nonnunquam accidit, vel minima in re, disciplinam religiosam violari patiebatur. Sic autem domus procuracionem cum reliquis religiosæ humilitatis & caritatis officiis temperabar, ut nemo illo esset vel in oratione frequentior, vel ad concionandum promptior, vel in audiendis confessionibus intentior, vel in infimis culinæ, cæterisque eiusmodi ministeriis obeundis diligentior, vel in nosocomiis, carceribus, triremibus inuisendis, ægrisque & vinctis omni ope iuuandis alacrior. Sic igitur imperabat, ut non solum quod nemo non nouerat, obedire mallet, verumetiam supditi hominis officia quolibet subdito exerceret accuratiùs. Idque optabat maximè, cum aliis præficiebatur, ut ab ea procuracione quàm ocysimè amoueretur. Quo tempore Indicam prouinciā administrabat assiduus à Deo precibus contendebar, eam ma-

ioribus suis mentem iniiceret, vt eo in munere  
 successorem sibi sufficerent, idque vt obtineret,  
 voluntarium sibi ieiunium aliquando indixit,  
 in quo totos atque integros viginti continuos  
 dies, ad victum, quem semel tantum in die su-  
 mebat, præter panem & aquam nihil prorsus  
 adhibuit. Vt animi submissioni, atque illi in pri-  
 mis, quæ in religioso viro maxime est necessaria,  
 in omnem partem, vt dicitur, indifferentiæ, sub-  
 ditos alluefaceret, scholasticos studendi occupa-  
 tioni intentos, vel nullis, vel leuissimis sæpe de  
 causis ab studio remotos, ad culinæ ministeria  
 auocabat. Nonnunquam etiam statuebat vt  
 quibus tyrocinio finito ad antiquiorum con-  
 suetudinem transeundum erat, per tempus ali-  
 quod cum nouitiis manerent, & eorum more  
 viuerent, quo ad omnia, quæcunque vnquam  
 obedientia decerneret, essent promptissimi; ne-  
 que aliunde, quàm à diuino nutu, ac suorum  
 moderatorum arbitrio penderent. Quantum  
 religiosæ disciplinæ amans fuerit atque obser-  
 uans, vno in præsentia prodam exemplo.  
 Immensus labor, quo apud Portuenses, dum  
 eorum profectui incumbere, premebatur,  
 vires corporis vicit, morbumque attulit lon-  
 gè grauissimum, qui viri virtutem fecit il-  
 lustriorem. Decumbebat in nosocomio  
 illius sodalitiij, cui datum est à misericordia  
 nomen. Renunciatum id viro clarissimo Ioanni  
 Rhoteritio Salæ vrbis præfecto, regiarumque  
 opum æconomo. Hic ille est, qui rebus multis  
 domi forisque præclare gestis, felici senectute  
 annum

annum vitæ trigefimum fupra centefimum, integer fenfibus, expleuiffe fertur. Ioannes ergo de Gonzali morbo certior factus, vnâ cum Agnete illuftriffima fœmina Antonij Salæ Menefij vxore, & ipfius Gonzali propinqua ingenti clientû comitatu in nofocomium tendit. At Gonzalus cognito Agnetis aduentu, actis per internuntiû pro caritatis officio gratiis, magna precum vi inftat, ne omnino fe inuifat; videri enim id fibi à fuo atque ab omni religiofo instituto valde alienum. Alia ex parte fodalitij rector, & Henricus Goueanus, magna viri auctoritate, deque ipfo Gonzalo optimè meriti, obnixè contendunt, ne Agnetem repellat; neque enim efle fas, vt clariffimam iuxta ac modeltiffimam matronam, cum qua tanta fibi fanguinis coniunctio fit, cõ præfertim loco & tempore, non fecûs atque vnâ aliam de plebe mulierem aditu & colloquio prohibeat. Caueat diligenter, ne fortè, dum nimis religiofus efle vult, religiofam comitatem lædat, nec folùm Agnetem, fed Ioannem quoque Rhoteritium & omnem Salarum familiam fibi reddat infenfam. Si Agnes, inquiunt, nondum egreffa domo, huc venire tentaret, non eflet fortitan nimis difficile, abfque vlla humanitatis offenfione eius aduentum impedire: nunc autem, cum non folùm iam domo exierit, fed in ipfo nofocomio, imò ad huiufce cubiculi oftium fit, quanam ratione poteft, fine iniuria, reici? Facta crederes verba furdo. Conftans firmûsque in propofito perftat Gonzalus, & quamuis religiofè atque humiliter, abfolute tamen negat,



consensurum se vnquam, vt à fœmina æger inuifatur; id enim neque vilo modo sibi videri necessarium, neque verò religiosæ disciplinæ consentaneum. Agnes igitur Gonzali constantia victa, eo non viso pedem refert à limine, & animo æquo repulsam ferens, cum eodem Ioanne Rhoteritio Sala domum reuertitur.



*De amore paupertatis.*

C A P. VIII.

**M**IRVM in modum paupertatem diligebat, quod eam sciret, & Christo Opt. Max. rerum Domino fuisse dilectissimam, dum apud nos in terris viueret, & multò veriùs appellari posse religiosæ vitæ firmitatem, quàm vitæ humanæ interitum, vt ex veteribus nonnullis eam appellarunt. Cû esset Olysippone professæ domui sancti Rochi præpositus, magnopere à sociis laboratum est; vt interim dum ea mundabantur indumenta, quibus utebatur, alia æquè vilia ac detrita, sed perpurgata acciperet. Nulla id ratione sibi persuaderi passus est, ex sancto Hilariione dicens, superfluum esse, in cilicio munditiem quærere. Cû igitur eius vestitus commutandi alia ratio non suppetere, quæsitum noctu remedium: atque eo inscio ac dormiente facta nonnunquam commutatio; eo tamen modo, vt vigilans vel eam esse factam ignoraret, vel

re comperta, haud grauatè ferret. Ob hanc causam diligenter curatum, vt suffectæ vestes vel essent ablatis quàm simillimæ, ne commutatio deprehenderetur, vel, deteriores ac magis tritæ, vt moderatè toleraret. Concionaturus in Odiuelleni cœnobio, si monialium est cum primis celebre ab Olysiptone, quatuor circiter milliaribus distitum, pridie sub vespertum profectus, cum posset eò facile peruenire, in Luminari, vicino pago, eo consilio substitit, vt officiis omnibus, quæ sciebat à sacris illis virginibus sibi esse parata, paupertatis studio superlederet. Sed & in illo pago, quod erat reliquum temporis, iuuando proximo impendit, & explicata latè re Christiana ad xenodochium diuertit, ibique solo pane atque eo duro pascus, cum summa animi voluptate noctem egit. Profecturus erat superiorum iussu ex Lusitania in regnum Valentia, vt accepto in Gandiensi Academia doctoratus gradu, ad quædam dein Societatis negotia Romam contenderet. Factus de professione certior Comes Iacobus, fratrem adit, equum offert, quo vehatur: enixè petit, eo vt uti velit, nec committat vt pedibus aggrediatur iter, multis de causis laboris & periculi plenissimum. Ad hæc modestè subridens Gonzalus, ita Comitem inuocatur, vt quanquam verbis nihil, ipso tamen vultu apertè dicat, equo sibi aut simili viæ subsidio opus non esse; nec aliis prorsus, quàm suis pedibus, confecturum illud iter, quantiscumque laboribus & periculis sit obnoxium: atque hanc sententiam ad eò animo firmam & stabili-

nulo  
 lem insidere, vt nulla precum importunitate  
 ab illa se dimoueri passurus sit. Atenim ipso pro-  
 fectionis die, incio Gonzalo, mittit Comes, qui  
 onusto cibariis ~~vinulo~~ euntem à tergo inse-  
 quatur. Re Gonzalus comperta, vultu in feueri-  
 tatem verso, significare inprimis, quàm id sibi  
 molestum sit; de Comite deinde queri, quòd  
 paupertati suæ, quamquam non malo animo,  
 tam multis tamen modis pergat insidiari; postre-  
 mò Comitis famulum expectatione frustratum  
 omnino ab se dimittere. Instat nihilominus at-  
 que vrget maiori studio reiectus homo; iterum  
 & sapius patrem orat, nolit tanta ipsum tristitia,  
 tanta herum iniuria afficere, sibi certè constitutū  
 esse, aliud potius agere, quàm re infecta, ante  
 Comitem comparere. Tum pater hac lege con-  
 tentionem dirimit, vt allata munera agris &  
 egenis cedant; eorum nomine ea se libenter ac-  
 cipere, aliter non accepturum. Placuit in ea dif-  
 ficultate conditio. Vbi ad oppidum; quod se in  
 itinere primum obtulit, deuentum est, quæsita  
 confestim domus hospitalis; & ibi omnia, re  
 nulla excepta, in pauperes & ægrotos distributa.  
 Gonzalus deinde, vt cœperat, iter in Valentiæ  
 regnum; inde Romam pedibus profectus; vi-  
 ctumque, vbi opus erat, precario quærens, vtrā-  
 que in partem peruenit incolumis, facileque di-  
 dicit, quàm inania sunt illa, quæ nonnunquam  
 in principio rerum gerendarum obiici solent  
 terrorum monstra; quamque in promptu sit,  
 nisi ipse sibi animus desit, difficillima quæ-  
 que diuino auxilio superare. Solebat, vt alio  
iam

iam loco dixi, rei Christianæ causâ per varias Regni vrbes, oppida, castella, pagos, vicósque pedibus discurrere: cùm verò, multis ac longis itinerum spatiis peragratis, calcei tandem rumpèrentur, nudis deinde pedibus faciebat iter, nec vllius prece adduci poterat, vt aliis vltro oblatis contra viarum incommoda & asperitates vteretur. In his autem excursionibus, quod iam etiam suprâ est tactum, non aliter quàm precariò viuebat, emendicato ostiatim victu, quem quandiu postulabat, aperto erat capite, dimisso in terram vultu, & toto corpore ad summam humilitatem composito. Cùm verò sub noctem ad hospitalem se domum recipiebat, reliquis se pauperibus aggregans, siquid vel primarij panis ex collecta elemosyna, vel alterius delicati cibi in pera habebat, id aliquibus panis cibarij frustis commutans, tis duntaxat, veluti vnus è vilissimò illo pauperum grege, atque omnium infimus corpus reficiebat. Nonnūquam etiam quo magis fieret nihili, nec tantum abiectus, sed etiā exigui homo iudicij haberetur, publicis in plateis ad alicuius domus ostium sedens, sua illa cibarij panis frusta comedebat. Itaque rarissimū fuit voluntariæ paupertatis exemplar; quod ex eo etiam apparet, quòd cùm provincialis in India fungere<sup>etur</sup> munere, ad nouitiorum domū recepit sese, vt eorum more viueret; nec reliqua solum, quæ ad vitæ vsum erant necessaria, sed ipsos etiam libros reliquit, eosque in publica bibliotheca reponi iussit, tribus tantum sibi retentis, Breuiatio, Societatis constitutionibus,

spiri

spiritualibus exercitiis. Cæterum, quia in eo, quo vtebatur, Breuiario nōnihil videbatur esse concinnitatis, illud quoque ablegauit ab se, alio ad recitandum assumpto, quod erat & forma rude & malè compactum, & vsu detritum. Quia etiam Sāctorum reliquias, piacularia numismata, imagines, cæteraque eiusdem generis, quæ secum ex Lusitania in Indiam asportarat, iis distribuit, quibus erat promulgandi Euangelij peculiaris cura. Ita rebus cæteris liber & expeditus vni tantum voluit Deo hæere. Optimi parentis exemplum secuti filij non superuacaneis duntaxat, sed necessariis etiam rebus sese vltro spoliarent, maximo religiosæ paupertatis incremento.



*De caritate in proximos.*

C A P. I X.

**Q**UANTO plus apud Gonzalum Christiana caritas, quam vlla aut coniunctio sanguinis, aut humanæ necessitudinis ratio voluerit, cum in rebus plurimis, tum in eo, quod in præsentia dicam, obseruatum est. Quidam erat ex prima Lusitaniæ nobilitate, cum quo Comiti Ludouico Gonzali patri aliqua, dum vixit, certas ob causas fuerat simultas. Vt Gonzalus ostenderet, non in ea se esse, quæ in multis mortalium est, detestanda opinione, ut crederet, paternas inimi

inimicitias perpetua quadam successione, veluti hæreditario iure, aut ex testamēto liberis relinqui, quin potius nihil sibi hoc in genere commune esse cum parente alio, quàm cum Christo, qui & inimicos diligere & beneficiis devinciri iubet; quibus potuit officiis cœpit hominem demereri. Non assiduas tantum pro illo preces priuatim ad Deum fundebat, verum etiam manifesta quædam eximie caritatis & benevolentie signa publicè atque in hominum oculis ipsi demonstrabat. Ad cum enim honoris causâ, frequenter adibat; sermones cum ipso comiter & libenter ferebat; multoque magis illi, quàm ulli ex suis, & in communibus salutationibus, & in priuatis colloquiis affabilem se ac beneuolum præbebat. Quamobrem qui à Gonzali patre maximè fuerat in vita alienus, cum Gonzalus, ut sibi esset beneuolentia coniunctissimus, singularibus suis promeritis coegit. Tantam quippe filii virtutem admiratus, ita se illi tractandum, moderandumque commisit, ut non solum peccata, quæ apud ipsum confessione expiabat, sed omnia quoque animi sui sensu fidentissimè aperiret. Quo ex facto magnam sibi Gonzalus apud eos, qui vetera illa dissidia norant, existimatione eximiosque virtuti conciliauit amores; & quæ demum diuinæ caritatis vis ac potentia sit, manifestum fecit: nemo enim non vidit, amorem illum, quo quis natura impellente eos prosequitur, quibus aliqua officij vel sanguinis necessitudine coniunctus est, quique non tantum in hominibus, sed in belluis quoque reperitur, longè ab

*Lecobus**a*

gè ab eo differre, quem vera Christi pietas erga ipsos etiam inimicos & hostes haberi præcipit. Circa socios infirmos & ægros maiorem in modum erat sollicitus. Cogitabat frequenter quæ posset ratione eorum ægritudines & tædia leuare. Eos, qui decumbebant, inuisebat sæpe, & proximam à prandio horam illis plerumque dabat. Aliquando etiam, tum præsertim, cum magnus erat ægrotantium numerus, ne qua illis in re deesset, ipsis quoque sanis in valetudinarium conuocatis, perque præparata subsellia dispositis opportuno tempore, & temperata voce, ne quid molestiæ ægris inferret, de recto sanitatis usu, deque spiritali ægreditudinū fructu aliquid in cōmune dicebat; infirmosque ut æquo animo morbi incommoda ferrent, atque à Dei nutu toti penitusque penderent; valentes autem, ut ad omnia pietatis opera, quemadmodum cuique iuxta officij, statumque sui rationem promptum esset, vires neruosque intenderent, amicè & beneuolè hortabatur. Promulgatū erat per orbem Christianum quadraginta dierum Iubilæum. Inter alias conditiones, quas Pontifex ab iis requirebat, qui essent indulgentias lucraturi, illa vna erat, ut quisque pro facultate stipem egenis erogaret. Hinc capta à Gonzalo occasio rem faciendi, qua socij & animis suis vtilis esse possent, & suam in proximos caritatem abundè exercerent. Statuit quippe, ut toto eo quadraginta dierum tempore (Indicam tunc prouinciam moderabatur) per hebdomadas singulas ipso Veneris die, quo erat ex Iubilæi præscripto ieiunandum

dum, mediam partē eorum, quæ cuique essent ad comedendum apposita, ad vinctos deferrent. Cumque plerique Gonzalum imitati præter aquam & panem nihil illo die sumerent, non partem duntaxat mediam, sed totum insuper opsonium deferrebant. Ad hoc verò misericordiæ opus plura alia submissionis, caritatis, & virtutum plurimarum officia, non tantum consentiente, sed etiam statuente Gonzalo socij addebant. Distributis enim per singulos cibariis, quidam mundando carceri, alij deferendis ad vicinum mare sordibus, alij rebus similibus operam dabant; quibus perfectis ad ipsos iterum redibant vinctos, corporali iam cibo refectos, eorumque animos longè meliore Christianæ doctrinæ & salutarium consiliorum cibo recreabant. Cum ex iis, qui annis singulis Goam ex Lusitania appellūt, plurimi ex longissima ac molestissima navigatione graues cōtrahāt ægritudines, amplum in eadem vrbe valetudinarium, in quo ægroti præstò haberēt adiuuēta omnia, quæ ad animi & corporis curationem sunt necessaria, Regis Lusitani mandato & expensis institutum est. Non est passus Gonzalus suum hac in re officium deesse. Nam quo tempore prouinciam moderabatur, statuit, vt ad nauum appulsum certus deligeretur numerus sociorū, qui quandiu opus esset, in nosocomio morarentur, & in curandis ægris atque omni ope iuuantis laborem suum studiūque impenderent. Vt ergo sanctissimæ occupationi initium daret, tredecim cum sociis ad hospitalem domū

conten



contendit; vbi in publica valetudinarij ara, vt ab ipsis quoque ægris audiretur, rem diuinam in primis fecit, socios deinde omnes cœlesti pane recreauit, postea gratiarum actiōe peracta per ægrotorum cubicula eos deduxit, & suas singulis diuisit stationes. Exinde ad ædiculam, quæ ipsis erat ad habitandum designata, eos comitatus breui quidem, sed graui & efficaci sermone hortatus est, vt loci difficultates libèter exorberent, vt ægrotorum querimonias & fastidia non æquo tantùm, verumetiam læto animo tollerarent, vt caritatis officia, cum eo, quo par est, caritatis affectu exercebant, vt in factis dictisque modestiam, in bonis propositis constantiam, in tractandis infirmorum animis prudentiam seruarent; vt tandem maximè niterentur, omnibus vt grati ac beneuoli, nemini prorsus essent onerosi. Inter hæc solatij & spiritus monita consumptus dies. Mansisset cum reliquis in nosocomio Gonzalus, nisi rei domesticæ procuratio obstaret. Singulos igitur tenerrimè amplexus, in collegium sub noctem reuersus est. Illi verò plus mentem cum ægrotis demorati, quæ à prouinciali suo acceperant, summa cum fide & diligentia exequi curauere.

*De*

*De ratione subditos promouendi.*

## CAP. X.

**Q**UAMVIS ea honesti natura sit, ut omni detracto emolumento, hominum ad se animos alliciat; ipsaque per se virtus satis magnam in se sui mercedem habeat: quoniam tamen etiã illa, quæ per se pulchra sunt, nec commendatione egent, ut expetantur, crescere laudata solent; & ad rectè agendum faciliùs mouentur homines, cum aliqua inuitantur utilitate; solebat prudens pater, propositis præmiolis ad pietatem comparatis, iuniores socios ad varia virtutum exercitia excitare. Atque in hunc modũ siue beatæ Virginis rosaria, siue Sanctorum reliquias, siue alia generis eiusdem distribuebat iis, qui cæteris essent vel externa corporis compositione, vel patientiæ laude magis clari, vel qui effrænatos animi motus meliùs coererent, vel sæpiùs ad Deum mentem erigerent, vel hora qualibet oratiũculas plutes in cælum iacularentur. Hæc forsitan minus rectè facta iis videri poterunt, qui ab humanis ita diuina separant, ut negent fas esse, vlllo inter se modo ea cõfociare; quippe quòd humanorum consortio diuina contaminentur. At longè aliter sentire oportet. Quemadmodũ enim rectè factis iure merces decernitur; iustusque & honestus labor præmiis & honoribus decoratur; ita planè dissentaneum rationi non est, ut ad bene agendum prouocentur præmiis, qui vbi bene egerint, præ-

N

miis

miis digni censentur. Sed hanc quoque fouendæ virtutis consuetudinem tum Gonzalum, tum alios præstantissimos viros, Gonzalo anteriores, ab ipso Deo accepisse, comperit nobis est. Sacra enim monumenta testantur, supremum rerum moderatorem Deum, cuius arbitrio reguntur omnia, non cœlestibus tantum, sed terrenis etiam præmiis ad rectè viuendum, atque ad leges suas seruandas inuitare homines, quas tamen, vt ipsi perfectissimè obtemperent, atque ad eius nutum & voluntatem sese conuertant, omnia humana & diuina iura arctissimè constringunt. Gōzalus igitur summū imitatus rectorem, adeò hac industria, quam ab eo didicit, religiosam disciplinam promouit, vt nihil per id tempus videri posset Goano Collegio, vbi hæc agebantur, spectabilius. Cubicula, ambulacra, parietes, quæcunque alia illis in ædibus erant, spirabant pietatem, & diuinam illius supremi beatorum domicilij suauitatem redolebant. Non tantum vitia vitiorumque imagines aberant, sed ipsi quoque inordinati animorum motus, qui celeritate sua rationem solent anteuertere, ac si in tanto virtutum ornatu comparere erubescerent, continebant sese, nec exurgere audebant. Mille in quolibet socio demittendi ac vincendi se species obseruata; nulla à bonis operibus quies; nullum ab internis & externis precationibus mentis otium. Erant, qui breui oratiuncula decies millies in die augustissimæ Trinitatis auxilium inuocarent: erant etiam qui certas alias præces, percursoris rosarii globulis toties recitarent. At inter hæc literarum studia

studia nequaquam intermissa aut remissa, sed intensa potius & aucta; honestum enim repugnare honesto non potest: eaque optima vitæ ratio est, quæ non in negligendo, sed in excolendo officio versatur. Nutrii tamen inter virtutum exercitia sociorum studia volebat, ut siccitas illa, quæ gigni in animis ex literis solet, salutaris virtutis succo pelleretur. Quoniam verò compertum ipsi erat, inter religiosos adolescentes, qui ex obedientiæ præscripto literarum studia sectantur, ita plerumque se rem habere, ut quo quisque in literis addiscendis vigilantior est, eo sit in acquirendis virtutibus magis sollicitus, siquidem hæc studia mutuo se iuvant, fouentque, simulque adolescunt, & ad perfectionem perducuntur, idcirco sedulo operam dabat, ut qui erant literarum occupationibus addicti, in eas diligentissimè incumberent. Atque ob hanc causam mille inuestigabat rei literariæ peruehendæ modos: sæpe extraordinarias instituebat disputationes, quibus Theologos ac Philosophos acueret. Varias Rhetoricis, & humaniorum literarum studiosis de rebus piis proponebat materias, quas soluta & ligata oratione pro sua quisque facultate accuratè pertractaret: aliaque huiusmodi faciebat permulta, quibus & ad profectum scholasticos mouerèt, & quantum quisque in literis proficeret, publico periculo experiretur. Hunc in finem Goanas scholas in India auxit, addito Philosophiæ magistro, qui tunc Antonius Quadrius fuit, domi forisque magna vi auctoritate, & provincialis munere ante Gonzalum proximè perfunctus. Quin etiam Gonzal-

prouehendi

uis

lus ipse, abfoluto Prouincialis officio, antequam ad Cafres proficifceretur, Philofophicas fcholas fæpiùs repetebat. Interdum enim publicè difputabat; nonnunquam magiftri locum vicèſque ſupplens, nunc defendendis theſibus præerat, nunc aliquid diſcipulis exponebat: atque hæc & cætera omnia ad hoc genus pertinentia non minore cura, quàm cùm prouinciam regeret, voluptate certè multo maiore præſtabat. Non cõtentus ſingulis Veneris diebus, vt in Societate moris eſt, priuatum in ſacellum, locumve aliũ, campanæ ſigno conuocatos ſocios ad pietatis opera exhortari, iſſis quoque diebus Dominicis à prandio, eadem illa hora, quæ recreationi eſt aſſignata, cum iſſdem ſociis de virtutibus ac vitiis, quæ Societatis inſtituto vel prodeſſe magis, vel magis obefſe poſſunt, rogatis vtrò citròque ſententiis vtiliſſimos habebat ſermones.



*De ſecularium domibus inuiſendis.*

C A P. X I.

**Q**Uemadmodum ſeculares viri ipſo morum genere à religioſis valde differunt, cùm ſint longè inter ſe diuerſæ vtrorumque viuendi rationes, ita ferè nihil iſtis æquè incommodat, atque ea, quam cum illis, tum humanis officiis, tum mutuis colloquiis ad animi ſalutem nihil pertinentibus, contrahunt ſouentque amicitia, & familiaritatem. Nec verò eorum tantam ſecularium, quibus aliquid labis inſpergitur, ſed illorum etiam, quorum vita moreſque probantur,  
noxia

noxia religioso consuetudo est; siquidem contingere vix vnquam potest, vt hſte familiaritatibus non ipſi aliquid hæreat, quod etſi comparere in ſeculo, ſine turpitudine potest, transferri tamen ad religionem ſine damno & piaculo nõ potest. Vt autem ardere rubum, nec comburi; ita cum aliquo familiariter agere neceius moribus imbuti, non miraculo ſimile, ſed miraculum planè eſt. Ob idque, vt opinor, religioſus quidam ac pius vir aliquando dixit, nunquam ſe cum hominibus egiffe, quin domum minor homo redierit. Vetabat igitur Gonzalus, ne ſocij, niſi ratio grauis aut neceſſitas cogeret, externos amicos inuiſum irent, aut huiuſcemodi officiis tere-  
rent tempus. Aiebat enim talibus ex rebus, quæ ab religioſa diſciplina nõ minimum abhorrent, non in vnum aut alterum duntaxat religioſum, ſed in ordinem ſæpe totum graua damna induci. Atenim conſilium hoc ad ſocietatis vtilitatem prudenter à Gonzalo ſuſceptum, ſecùs ac debuit, ab externis quibuſdam expoſitum, querimoniis cauſam dedit; cùm dicerent, valde eſſe ab humanitate alienum, debitæ ſalutationibus aditum intercludere, & hominum ab ſe animos inſulſa ſeueritate alienare. Cuius rei factus certior Gonzalus æquum indicauit, conſilij ſui rationem palàm exponere. Quodam igitur feſto die, cùm haberet cõcionem ad populum, nonnulla reperio dixiſſe, quæ in Latinum ſermonem ex Luſitano fideliter conuerſa, hanc efficiũt ſententiã: Accepi, auditores optimi, eſſe inter vos, qui non modò ægrè ferant, ſed etiam querantur, quòd domos ſuas, ſalutandi ac viſendi

molesti simus

iplos gratia, non adeamus. Doleo sanè, quòd cuiquam molestissimus, cùm nihil, secundùm Deũ, optemus magis, quàm vt omnibus, iisque maximè, qui suis nos beneficiis magis deuinciunt, simus gratissimi; vt quod nostri muneris est, omnibus possimus pro nostra tenuitate esse vtiles. Velim paululum consideretis, quàm teneræ adhuc ætatis societas nostra sit, quamque ab huiusmodi officiis hãc ipsam ob causam libera & immunis. Sed & illud cuique certum esse debet, si necessitas absit ad animi salutem pertinens, valde esse à religioso alienum, seclarium adire domos, hisque salutandi atque inuisendi occupationibus implicari. Hæc enim vna est & certa ianua, eaque latissimè patens, qua in religiosas familias prophani mores facili aditu ingrediuntur, breuique fit, vt quæ priùs erat religiosorum sodalitas, in seclarium contubernium nullo negotio transeat, & schola virtutum in vanarum consuetudinum gymnasium commutetur. Vt etiam, nec rarò, venit, vt miser religiosus externũ adiens inuisensque amicum, vnius horæ spatio totum perdat spirituale lucrum, quod integrũ per annum difficili ac laborioso virtutum exercitio compararat. Cuius ego rei non alios, præter meipsum, adhibere testes volo. Quoties enim huiusce inanis officij causa alicuius domum adij, id sanè non minimo meo damno expertus sum, vt cùm è collegio egrederer, sedatum tranquillumque haberem animum, ac rerum inutilium curis & cogitatione vacuum; cùm autem à salutatione redirem, non intra me aut in me, sed in ipsis, quas videram, quasque audieram, rebus

totus

rotus ac penitus essem. Quod si creditis (date mihi, obsecro, hanc veniam, ut quod sentio, dicā liberè) si creditis, inquam, ob illa quæ in nos confertis beneficia, ad hoc officij genus nos esse adstrictos, atque hoc vobis gratitudinis nomine debere, ut quoties vultis, ad vestras itemus domos, & inutiles vobiscum sermones conferamus; non tanti emimus pœnitere: si hanc à nobis grati animi significationem expectatis, alios querite, quibus isto modo beneficiatis, nobis non expedit, tam vili pretio religiosam libertatem & disciplinam vendere. Vtinam sic essetis in Deū affecti, deque diuinis rebus agendi ea vestris animis vis, atque is ardor insideret, ut colloquendo incitare alios ad virtutem possetis; ad vos sanè, vestrasque in domos non inuiti, non rogati, non beneficiis allekti, sed faciles, sed libentes ac læti magno animi impetu raperemur. Hæc è suggesto Gonzalus, concione frequente. Enimvero à secularium colloquiis, nisi de rebus essent ad animi salutem spectantibus, sic abstinebat, ut nō solum neminem iret salutatū, amicitie causā; verū etiam, qui ad ipsum veniebāt, eos nollet audire, nisi de spiritualibus rebus loquerentur.

itemus



*De ratione concionandi, & confessiones audiendi.*

C A P. XII.

**N**ULLIS, ut suprà dixi, laboribus, nullisque deterrabatur vitæ incommodis, quominus



beneficij magnitudinē testās, vtramque serenissimam Principē, matrē & filiā, magna animi demissione veneratur. Cæterum etſi huiusmodi pietatis officia eò illustriora sunt, quò à dignioribus exhibētur; tantū tamen splendoris & gratiæ nobilitati cōferunt, vt in magnis Principibus nihil videatur esse spectabilius, nihil etiā magis acceptum. Quantum decoris peperit augustæ Maximi Imperatoris vxori, quòd Martino Turonensi domi suæ cōuiuium appararit, propriis manibus mensam strauerit, fercula detulerit, ac cubanti adstiterit, & omnes humilis ancillæ partes erga sanctum virum perfectissimè expleuerit; sed habebant Elizabetha & Maria, quos sequerentur non minus sanguinis, quàm pietatis auctores. Ferunt Alfonso Henriquiū, primum Lusitanorum Regem, & Reginam Teresiā eius vxorem, quoties Theotonium videbāt, regularium canonicorum Priorem (videbant autē frequentissimè, cū is Conimbricæ esset, vbi tunc Regis curia) consuesse ad genua accidere, & viri sanctitatem demissè venerari. Ioannem quoque regem, eo nomine tertiū, serenissimæ Marię patruū accepimus, viro cuidā egregiè pio, apud quem animi culpas expiabat, cū ad se de nocte ventitaret, obuiam ire solitum, propria manu præferre facem, cubiculorum ostia apertire, appensa aulæa attollere, & cætera præstare, quæ famulorum sunt propria. His maiorum suorum exemplis à tenerissima ætate enutrita serenissima Maria, hæreditarię Lusitanorum principum pietati tantum addidit incrementū, quantū qui vollet, ex recētis memorię munimētis facillè agno-

fect. Sed ad Gonzalum redeo. Nōdum illa erat in Societate lex, quæ terminum præscribit concionanti. Ergo de virtutibus ac vitiis ita differebat copiosè, vt plerūque duas, sæpe tres horas dicendo consumeret. Accedit etiam ( mirū dictū ) vt in oppido Tomario, quieto planè & attento audientium confessu per totas atque integras duodecim horas sine vlla corporis defatigatione aut interruptione temporis, conciones duas vnā de vltima Christi cœna & rebus in eagestis, alteram de eodem Christo patiente & moriente à vespera feriæ quintæ maioris hebdomadæ ad sequentem diem continenter habuerit. In Portuēsi quoque ciuitate dies plurimos verba ad populum faciens, cū à secunda vel tertia post meridiem hora inciperet, tūc finis erat, quādo appetente nocte ad recitandam, in Deiparæ virginis honorē, Angelicā salutationē cāpanā in templis signum dabāt. Tāta autem, tamque admirabilis in homine erat diuinæ cuiusdam eloquentiæ efficaciac, vt fulsissimo quamuis orationis cursu, nullū tamen auditoribus tædium afferret. Atenim conciones ille suas multò magis diuina meditando, quàm libros legendo, apparabat. Longo enim tempore præter Breuiariū, Biblia sacra, & librum, quo sanctorum patrū vitæ describuntur, alium prorsus non habuit. Christi cruci affixi, & Deiparæ effigies eius erant præcipui libri ac potissimæ bibliothecæ partes. Hæc ille scripta, hæc maximè volumina euolvebat, cū se ad concionem parabat. Quæ ex lectione instructissimus prodibat ad dicendum. Quanquam verò ea Gōzalus animi modestia & demissione erat, vt abiectissimo

iectissimo cuique se facile submitteret, si tamen ad diuinam gloriam & animorum salutem sic esse necessarium iudicabat, nemini prorsus cedebat. Cum in India esset, ubi præferuidus ille cæli ac soli ardor, qui relaxare solet corpora, pari interdum facilitate, sed maiori ruina ad animos penetrat, & in vitia dissoluit; videretque cū summa viuendi libertate summam peccandi licentiam & impunitatem sensim induci; pessum ire bonos mores; patere cuique ad omnia scelerum genera aditum amplissimum, vt idonea adhiberet morbis remedia, summa quoque dicendi libertate sibi vtendum censuit. Cæpit igitur præconcionem in pessimos diuini humanique iuris corruptores inuehi; supra, adulteria, furta, rapinas, sceneratitios quæstus, periuria, cæteraque eiusdem generis monstra, quæ neglectis agris sine vlla cultura facile nascuntur, & adolescunt, acerrimè insectari; non ætati, non sexui, non conditioni, non dignitati parcere. Verū hæc dicendi libertas magnam viro inuidiā apud omnes ferè confluxit. Vt enim quisque sui amans est, ita palā fieri & redargui vitia sua iniquè fert. Multa igitur passim ab improbissimo quoque in Gonzalum iactari; alij mente captum, alij superbum, & procaci nobilitatis saltu tumentem; alij illiteratum ac prorsus idiotam; alij scæda alia in ipsum effutiebant; quæ quoniam non mediocre afferre possent rei Christianæ detrimentum, si ad ea Gonzalus nihil responderet, nec parum humani generis hostis (hec enim erat iniquissimo spes) ex inutilesilentio lucraretur, ita pater est deprecatus, vt & obiecta mendacia mirabili

rabili dicentis modestia redarguta reuinctaque fuerint, & nihil omnino animarum saluti sit incommodarum. Frequentissima igitur concione suggestum ascendens hunc in modum cœpit ad populum dicere: Palā in primis & apertè dicitis, me claritate generis inflatū magni facere nobilitatē meam. Hoc si verū esset, ingenuè confiterer, mallemq; vtcunque vanus, quā mendax viderī. Sed hoc vobis dare non possum; cū nulla mihi nobilitas vllō sit in pretio, præter eam, quā ex eo cōsequi possum, quod abiectissimus Christi seruus & inter omnes nostræ Societatis homines minimus sim. Dicitis, me imperitū esse & planè idiotā. Hoc etiā vobis dare nō possum, cū multos annos in literarum studio, non sine fructu, ut credo, posuerim, & Sacræ Theologiæ doctor creatus sim. Dicitis, insanum esse & de statione mentis deiectū. Hoc verum est, negare non possum, & propter hanc vnā veritatem, cætera omnia, quæ mihi falsò obiicitis, vobis condono. Quod ad confessiones attinet, breuiter dico, vix credi posse, quā in iis aud iēdis fuerit assiduus, quā pius, quā negligens sui. Quidquid à reliquis muniis supererat tēporis, totum id cōfitentibus dabat; & quò quisque videbātur humilior, & abiectior, eò maiori cum alacritate & voluptate illū audiebat. Ad destinatū locum veniens, lustrabat oculis expiandos; si quod inter eos mancipiū esset, ab illo cōmuniter inchoabat. Quamuis autem hoc genus hominum & propter innatam mentis hebetudinem, & propter abiectam vitæ conditionem plerumque deterrimum sit; fatebatur tamen Gonzalus sub hisce vilibus palliolis

lis latitare nonnunquā spiritus ingentes, & Deo plenos; idque non semel expertū se. Illud etiam testatus est, dum varia per oppida vagaretur, excepisse se confessionē ancillæ, cui ne perfectissimam quidē monialem auderet anteferre, tanta erat animi sanctitate, tanto ardebat Dei amore, tanto profectus sui studio tenebatur.



*De exemplo vitæ aliisque virtutibus.*

C A P. XIII.

**Q**uemadmodum nihil ferè reipub. perniciosius est, quàm vt malo principi subiciatur; ita nihil ferè salutaris, quàm vt optimos habeat magistratus. Muta enim sunt imperia sine imperantis exemplo; & qui prauè agit, quamuis rectè iubeat, magis plerunque nocet, quàm prodest. Illa demum vox ad intima penetrat, magno Gregorio teste, quam dicentis vita commendat. Hinc inter sapientes constitutum, hominum societates tum maximè à Deo puniri, cum eas ipse sinit à prauis magistratibus gubernari; tunc autem eximium ab eodem accipere beneficium, cum iis committuntur rectoribus, quorum non minus exemplo, quàm imperio dirigantur. Cum verò tanta virtutis vis & potentia sit, vt in quolibet conspecta, eos quoque ad sui amorem excitet, qui sunt ab ipsa quàm maximè alieni: ad permouendos tamen subditorum animos, atque ad omnem rectè agendi rationē, quodā quasi impetu compellendos

dos nihil integra atque incorrupta Reſtoris vita cogitari poteſt efficacius. Virtus enim in publico magiſtratu veluti in ſublimi atque illuſtri loco ſita, quæadmodum pulchritudinẽ ſuam atque præſtantiã euidentius explicat, ita ſeſe potentiùs conſpicientibus commendat, inque eorum animos & pectora multò altiùs inſinuat. Sed quanquam is ſemper Gonzalus fuit, eamque per omnes vitæ & ætatis ſuæ gradus tenuit viuendi rationẽ, vt omnibus admirationi fuerit & exemplo, quando tamen aliis cum poteſtate præerat, tum verò eius virtutes maioribus quaſi theatris propoſitæ diuiniùs quiddam ſpirabant, multoque & admirabilioreſ erant, & ad ſimilitudinẽ omne genus hominum, potiſſimum ſubditos vehementiùs alliciebant. Animo in eos erat adeò beneuolo ac miti, nihil vt eſſet illius monitiſ dulcius, nihil imperio ſuauius. Rogare videbatur, cum præcipiebat, tanta in eiùſ inſiſſis erat lenitas: amari enim malebat, quàm timeri, quod ſciret beneuolentiæ vim eſſe maximam, timoriſ minimam. Sic cum tamen amabant omneſ, vt eximiẽ quoque reuererẽtur. Cæterum quæ duo in Magiſtratu requirit Plato, vt neque ad ſuam, ſed ad rei publicæ vtilitatem reſerat, quæ agit, neque aliquam cõmunitatiſ partem ita tueretur, vt reliquas deſerat: hæc ille in primis ita ſeruabat, vt non ſuis, ſed ſubditorum cõmõdis proſuſ ſeruiret; eoque modo ſinguloſ amplecteretur, vt quiſque putaret ſe illi præ cæteriſ carum eſſe. Menſæ accumbens, vt cibum ſumeret, ab Deo inchoabat opus, oculoſ primum tantisper in ſublime attollẽſ; iis dein demiffiſ, modeſtè

modestè socios lustrabat, vt si quid vlli deesset, afferendum curaret. Sicut verò magnopere curabat, ne illa subditis desiderarentur, quæ pro religiosa frugalitate videbantur esse ad victum necessaria, ita etiam apprimè cauebat, ne quis ex suis absque iustissima causa à cōmuni reliquorū via hac in parte deflecteret. Quare vbi necessitas non vrgebat, nihil patiebatur esse non comune; atque istas siue in victu & cultu, siue in rebus alijs exceptiones, vt quasdam communis vitæ pestes, & religiosæ disciplinæ quàm maxime aduersas ab Societate ablegare pro sua virili laborabat. Hanc ob causam cum prouincialis munere in India fungeretur, collegij Goani subministro & coro ad se vocatis expressè mandat, vt in iis, quæ ad ipsorum pertinent ministeria, perfectam seruent cum omnibus æqualitatem; Prouincialis, Rector, ceterique omnes, cuiuscunque antiquitatis & auctoritatis sint, absque vllò discrimine eadem communis mensæ utantur lege. Vnius tantum habeatur ratio Ioannis Nonij, Æthiopie Patriarchæ; id enim hominis dignatem postulare; quamuis ipse ex animi submissione nullo ab alijs delectu se iungi velit. In loquendo sic erat cantus & circūspectus, vt grauis quidam vir Societatis sacerdos, quo cum ipsi arcta fuit ac diuturna consuetudo, firmiter asseruerit, nunquam se ab eo ne verbum quidem vnum audiisse, quod esset vanum aut leue, quodve ex doctrina magni Gregorij aut ratione careret iustæ necessitatis, aut intentione piæ utilitatis. Si quæ sciebat ex subditis mœtore alieno, aliòve animi morbo cruciari, quiescere

non

coroaliquo

non poterat, donec ipsum aut per se, aut alterius opera, ab illo malo liberaret. Quando à prandio vel cœna (quo tempore per horæ spatiū honestę recreationis gratia mutua inter suos colloquia Societas permittit) siue quòd ægroti non essent quos tunc inuiseret, siue quamcunque aliam ob causam, ad valetudinarium non ibat, interdum coco operam dabat in culina, escaria lauans & tergens vasa; interdū cum eodem coco aut celario, aliove rei domesticę adiutore de spiritualibus rebus conferebat sermones; interdum cum nouitiis agebat, eosque plenis Deo verbis ad omne virtutis opus inflammabat. Optabat verò maximè, vt inter ea, de quibus ex Societatis præscripto colloqui socij eodem recreationis tempore debent, de beati Patris Ignatij, & eorum, quos ille in constituenda fundandaque Societate primos adiutores habuit, virtutibus & rebus gestis imprimis agerent, vt partim grata recordatione, optimorum virorū meritis accepta referrent plurima & maxima beneficia, quibus æternū Numen tam liberaliter, tamque amplè Societatem istam cumulauit, partim domesticis excitati exemplis ad omne genus virtutū, atque ad illas potissimū, quæ videntur esse Societatis magis propriæ, ardentius contenderent.

F I N I S











